

Ikanya Eyi Ighiusomhi eyi iKirisiti

A rue Ijesu nga idane

¹ Elemhi ebe oni odode ni mhi kpe keke ghi yeye iTiofilosi,* mhi keke ikanya ni Ijesu o o gbe ali emini o sese rote igbaekele,

² ya ramhi ogbele ni a ro rue oli nga idane. Neni a rue oli nga idane, o rote Ayemhe-no-pfuase ri omhese na ighiusomhi na keke ni o ze.

³ Abi o ro ghu-a se, ogbele egbhueva o la elemhi agbo o ri egboli kia kase ighiusomhi eyoli, ni o rokase gboo khi akhokhomhe o la o khi o la agbo. E me oli, oo gue ungmehi oyi Eghiele oyi Eshinegba ye we.

⁴ Egehueo khi e legba asheghuo, khi o nu we e le eminale, o ri omhese ona na we, oo we, "A khi rote iJerusalemu vu, a migha ke isomhopfa ni mhi gueye e, ikhi isomhopfa ni itamhe o shobo.†

⁵ Ame ijoni o ro o batazi egbo, ama o ke ya tese neni a ri Ayemhe-no-pfuase ya batazi e."‡

A rue Ijesu nga iloghie

(iMak 16.19-20; iLuk 24.50-53)

⁶ Abi ighiusomhi e ro nu ijesu legba kugbe, e mhila li, ee oli, "Onomhue, u ya la eghenge ona rue eghiele oyi egbo iZireni nyene gbo na we?"

* **1:1** Li ze iLuk 1.1-4 † **1:4** Li ze iLuk 24.49 ‡ **1:5** Li ze iMat 3.11; iMak 1.8; iLuk 3.16; ijon 1.33

⁷ Oọ wẹ: “Aa khi eni ẹ leşẹ oni ẹghẹghẹ ali oni ogbẹlẹ ni Ita ọ ri afu eyọli mhẹşẹ.

⁸ Ama ini Ayemhẹ-nọ-pfuasẹ ọ bhale ẹ idiegbe, a ya mhọli ekpabọ, a ya ke pfi ọtsẹlẹ na mhẹ elemhi ekẹ iJerusalẹmu, ali ekẹ iJudia, ali iSameria ali elemhi ekẹ agbọ ona nya.”§

⁹ Abi ọ rọ ngme eni ingmemhi enana se, a rue ọli nga idane abi e kie li ghọ fẹli ọli. Otughunu o khukhu ọli-a, o rue ọli odalo oyẹwẹ le.*

¹⁰ E bino idane chii abi ọ li vu, utoghuokpe emọşe aava ni e sọ ide epfopfo e migha wẹ iteva.

¹¹ Eẹ wẹ, “Egbọ iGalili, elọ o zẹ ni a rọ migha a fẹli idane chii? Oni iJesu ọna ni a rue odalo oyẹẹ vu nga idane, abi a li rue ọli vu, ighọ ọ li ya gbo nyenẹ egbe bhale.”

*A zẹ iMatayasi to ẹloli iJudasi
(iMat 27.3-10)*

¹² Ighọ, eni ighiusomhi na keşẹ e rọte oni ukhomhi Ute Eẹra Olivu ni e migha vu je iJerusalẹmu, aghọ ọa lolo nuẹ shi iJerusalẹmu, okiali imali oghuo lọ, ni Ishi eyi iMosisi o lama shi ogbọ ke kia ogbẹlẹ iyemhẹa.

¹³ Abi e rọ ramhi iJerusalẹmu, e nga ukhomhi atonga, e lo elemhi owa ni ee legba. Eni e la akaghọ khi iPita, iJoni, iJemhisi ali Aduru, iFilipu ali iTomọsi, iBatolomiu ali iMatiu, iJemhisi ọlese ni ọ khi omi Afeusi, iSamioni ni ọ la otu iZilọti ali iJudasi omi iJemhisi.†

§ 1:8 Li zẹ iMat 28.19; iMak 16.15; iLuk 24.47-48 * 1:9 Li zẹ iMak 16.19; iLuk 24.50-51 † 1:13 Li zẹ iMat 10.2-4; iMak 3.16-19; iLuk 6.14-16

¹⁴ Wẹwẹ nya e lona a kugbe egheghe kpa a so iromhi. Ghe eni ikpotso ali, iMeli inyo ijesu, ali inyoghwo ijesu.

¹⁵ Ogbele ni a ngme ena, iPita o vule migha iteva oyi igbaa oyi eni e mie ijesu iKirisiti suo. Egbọ egbhuesesa e la agho (120)

¹⁶ Igho oo, “Inyoghwo, a mema ya ri emini ebe-no-pfuase o ngme tse, ni Ayemhe-no-pfuase o rote unu oyi iDefidi ngme shi eke shi iJudasi egbe, loli oni iJudasi ni o ri ode khashe egbo ni e mu ijesu.

¹⁷ Otuoghwo elemhi awa o khi ni o nu awa gbe akanya abi aghiusomhi.”

¹⁸ IJudasi o wolo ikpagho ni o mie shi ikanya okholo ni o gbe ya de eke. Agho o de tu ukhomhi eke ku ito-a shi.

¹⁹ Ogbokpa ni o la iJerusalemu o suo ona, e ri irarigho ri unu eoli oyewe lu akagho Akedama, ni o migha shi Eke Olia. †

²⁰ IPita oo, “Irari khi, a keke oli shi ebe Iwolo khi, “A tsua owa oyoli pfa.

A khi me ogbokhoghuo
ni o gbo la oni owa,

“A gbo li keke oli:

“Ogboese o rue asha omhese oyoli.’S

²¹ “Itobo onana, o ti ni awa ze ogbo oghuo ni o to elolo iJudasi, oni ogbo o mema ya khi ogbo ni o nu awa la o rote egheghe ni ijesu o ro la iteva oyi awa,

²² rote egheghe ni iJoni o ro batazi egbo ya ramhi ogbele ni Eshinegba o ro rue ijesu lasese elemhi iteva oyi awa nga idane. Ogbọ ni awa ya ze o mema

† 1:19 Li ze iMat 27.3-8 § 1:20 Li ze Iwolo 69.25; 109.8

ya nu awa gbe akanya aguele irṣte eghuli guale oyi iJesu.”

²³ Igho e khokho emose aava. Omose oghuo ni a lu iJosefu ni a lu iBasabasi, ni a gbolo e lu iJositosi, ali omose olese ni a lu iMatayasi.

²⁴ Igho e lema, e li, “Onomhue, u lese udu oyi ogbokpa, kpekpe rṣte elemhi egbṣ etuava ena ze

²⁵ oni o ya rue ikanya aghiusomhi na keṣ ni iJudasi o ze obṣ je obini o khili oyoli.”

²⁶ Igho e bṣ shi o, obṣ o mu iMatayasi, Igho e li ya rue oli ma ighiusomhi na keṣ ogbaghuo ni iJesu o ze.

2

Ayemhe-no-pfuase o bhale ogbele iPetikositi

¹ Abi ogbele ukpe iPetikositi o rṣ ramhi, igbaa oyi eni e mie iJesu iKirisiti suṣ nya e lona kugbe asheghuo.*

² Utoghuo-kpe, okeke o rṣte idane tiemhile abi akpekpeli ni o toto, oni okeke o vṣ elemhi oni owa ni e shito.

³ Igho e me emini e li abi elemhi erali khi e rṣte ashakhasha a tiemhile shi we o.

⁴ Igho Ayemhe-no-pfuase o vṣ wewe nya egbe, ee ngme emue oyi eoli ododa abi oni Ayemhe o li khueghie we unu-a.

⁵ Egbṣ iJu ni e na ulishi Eshinegba ni e rṣte ushishi ododa na ekṣ agbṣ jele, e la elemhi iJerusalemu.

⁶ Abi e rṣ suṣ oni okeke ona, ebubu egbṣ e kpeli bhale. O nya we alo-a abi e rṣ suṣ khi eni egbṣ ni e miesuṣ khi e ngme emue ododa eyi wewe.

* **2:1** Li ze iLev 23.15-21; iDeut 16.9-11

⁷ Igho abo e sha we egbegbo, e lie egbe. “Eni egbo ena, ni ee ngme emue eyawa ena, o a khi egbo iGalili e she khi?”

⁸ Se awa ke lie suo we khi ee ngme emue ododa eyawa?

⁹ Eoli ododa awa te lasese, eghuo e rote iPatia bhale, eghuo o, iMedisi ali Elamu, eghuo o, iMesopotemia, eghuo, eke iJudia ali iKapadosha, eghuo, iPotusi ali Esha,

¹⁰ eghuo, iFiria ali iPafia, eghuo, iJipiti ali ukiokie eke iLibiya ni o ti mama eke iSairin, eghuo e rote iRomu bhale,

¹¹ li shi egbo iJu ali egbo iJeta ni e mu pfi bhale irudunga oyi egbo iJu. Eghuo elemhi awa e rote iKireti ali Arebia bhale. Abi o rie khi igho, awa kie ga suo khi e ngme emue eyawa, ee guele ikanya eniemhi ni Eshinegba o gbe.”

¹² Eni ingme ni a me e sha ogbokpa abo, ea lese udi we, e mhila egbe we. “Se onana o ngme?”

¹³ Egbo eghuo e rewe e li egia, e lie, “Onyo oo gbe we.”

IPita o nu eni ebubu egbo ngme

¹⁴ Igho iPita o vule migha, loli ali ogbaghuo ni e kpole, o khueghie unu-a leghe, o nu eni ebubu egbo ngme, oo, “Apfemhe iJu, ali ee egbo nya ni a la elemhi iJerusalemu, a ro eso shi mhe eke ni mhi gue ingme ni a me ena ye e.

¹⁵ Oa khi onyo oo gbe eni egbo ena abi a dabi. Irari khi ogbe o dala ne, agogo itili ele uzogbe awa la!

¹⁶ Iiye! Emini a me ena o khi emini omekeguele iJoel o guele egheghe ni o dose ni o re:

¹⁷ “Eshinegba oo,

Ogbẹlẹ ni e kpukhokho,
 mhi ya ri Ayẹmhe oyẹmhe
 na ẹgbọkpa.

Imi ẹ eni emose ali eni ikpotso
 e ya ke gue usomhi ni mhi ghie wẹ le.
 Izeo eye ẹ, e ya ke mekeguele,
 egbhali eye ẹ, e ya ke la ẹlena.

¹⁸ Shi eni ẹ ga ọgbọ
 eni emose ali eni ikpotso eyẹmhe,
 Mhi ya ri Ayẹmhe oyẹmhe
 na wẹ ogbẹlẹ ni a ngme ena,
 e ya gue emini mhi rokhase wẹ le.

¹⁹ Mhi ya ro ọnyaloa khase,
 obini irarogbe,
 ali khi mhi ya gbo ri
 irokhase khase eke agbo.
 Mhi ya pfi okhọli shi elemhi agbo,
 ni ẹgbọ e me ọlia
 ali erali ali ewọli

²⁰ Ovọ o ya bi obili a,
 mhi ya ri uki yile-a rarara abi ọlia,
 neni ogbẹlẹ ni o fune
 oyi Onomhue o ya bhale
 ni o ro ya gue ọgbọkpa ezọ.

²¹ Ọgbọkpa ni o da pfi lu
 eva oyi Onomhue ne, a ya tsumhi ọli.†

²² “Eẹ ẹgbọ ni a la eke iZireni, a ro esọ shi ung-
 memhi onana. Eẹ a lese khi iJesu ọngi iNazareti,
 o khi ọgbọ ni Eshinegba o ri egbe khase, o gbo ghie
 ọli, itobo khi Eshinegba o ri ekpabọ na li o ke gbe
 ikanya ọnyaloa elemhi iteva o ye ẹ.

† 2:21 Li ze iJoẹ 2.28-32

23 Abi o rọ tseku khia khi a lẹsẹ ona, a kie zẹ ni ẹgbọ ebe e mu ọli ghi ẹ ni a gbe ọli-a. Ama Ẹshinẹgba ọ she kpẹ gba onana ọ lẹsẹ ọli.‡

24 Ama Ẹshinẹgba ọ rọte eghuli guise ọli le. Eghuli ọa doḅe ri ekpabọ oyọli mu ọli mama, abi ọkpotoso ni oku ọọ to ọa li doḅe a mu ọmọ ọ khi lasele.§

25 Itobọ khi oghie iDefidi ọọ ngme ingme oyi iKirisiti ni ọ rẹẹ,

“Mhi mẹ khi Onomhue
 ọ migha kpẹsẹ mḅe ẹghẹghẹ kpa,
 ọ la ukiẹkiẹ obita oyemḅe,
 udu ọa ya nighise mḅe.

26 Itobọ ona udu oyemḅe o rọ ọ gheḷe,
 mhi ri uruli oyemḅe ẹ kuẹghie-ẹ,
 mhi ri egbe deẹ.

27 Itobọ khi waa ya
 zẹ mḅe obọ shi elemhi uji,
 wẹkhi eri u ya zẹ ni
 Oni ọ pfuasẹ ọyẹ ọ ke-a.

28 U she kpẹ gueyẹ mḅe
 khi mhi ya la agbọ ini
 u guise mḅe te eghuli le.*

U ya ri oghẹḷe oniḅmhi na mḅe odalo oye.’

29 “Inyọghuo, mhi mema ya ri igbedu gueyẹ ẹ khi oghie iDefidi ni ọ khi itita awa, ọ she kpẹ ghu-a ni ẹgbọ e rọ tọ, oni uji ni a rọ ọli tọ o kie la akaghọ ramhi ogbe na amo.

30 Awa lẹsẹ khi iDefidi ọ ngme aguele-shi-ekẹ shi iKirisiti egbe, irari khi ọ lẹsẹ khi Ẹshinẹgba ọ she kpẹ shobọ na luẹ ni ọ mema rọ ya tṣẹ, khi lọli ya ri

‡ 2:23 Li zẹ iMat 27.35; iMak 15.24; iLuk 23.33; iJon 19.18 § 2:24
 Li zẹ iMat 28.5-6; iMak 16.6; iLuk 24.5 * 2:28 Li zẹ Iwolo 16.8-11

ogbo oghuo unuekpe oyelue shito ukpekhomhi oghie oyelue.†

31 Eri Eshinegba o roli khasẹ iDefidi emini a ya me ogbenako, loli o ro ngme oli khi Eshinegba o ya rote eghuli guise iKirisiti le. Oo khi Eshinegba o ya ze oli ghua ni idiegbe oyoli o kea shi elemhi uji.

32 Eshinegba guise iJesu le bhale agbo. Awa nya awa ri ukpeloe oyawa pfi otsele shi o khi iJesu o she guale.

33 Eshinegba o she ri ekpe oniemi na iJesu, o shito ukiẹkiẹ obita oyi Eshinegba. IJesu o she rote obo oyi ita mie Ayemhe-no-pfuase, abi Eshinegba o kie kpe li shobo na li. Oni iJesu o she rue oni Ayemhe-no-pfuase tutu vo anye egbe, loli o khi emini a me, ni a gbolo a suo memena.

34 Ama lese khi iDefidi o nga iloghie. Itobo igho, aà khi ingme egboli iDefidi oo ngme abi o ro lie,

“Onomhue o gueye Onomhue oyemhe:

Shito ukiẹkiẹ obita oyemhe,

35 ramhi ni mhi ro ya ri ebe e

mele akphawe-nga oye-a’‡

36 “Itobo ona, mhia nono ni ee egbo iZireni nya a lolo lese onana khi, Eshinegba o ze oni iJesu onana ni a gbe-a shi apfida o khi Onomhue ali iKirisiti.”

37 Abi eni egbo e ro suo eni ingmemhi ena se, oo nase we udu. Igho e li mhila iPita ali ighiusomhi na kee eni e kpole, ee we, “Inyoghuo, See anye li ya kia ni Eshinegba o ro o gbe olamhe kua na anye?”

38 IPita oo, “Ee nya a mupfi ni anye ri eva oyi iJesu iKirisiti batazi e, ishegho ni Eshinegba o gbe

† 2:30 Li ze *Iwolo* 132.11; 2 *iSam* 7.12-13 ‡ 2:35 Li ze *Iwolo* 110.1

olamhẹ kua na ẹ, itobọ khi eni e mie iJesu suọ a ke khi, ni a mie isomhopfa Ayemhẹ-no-pfuase.

³⁹ Emini Ẹshinẹgba ọ shobọ ena, oye ẹ lo ali oyi imi ẹ, ali oyi ogbokpa ni Ẹshinẹgba ọ ya zẹ obiobini e la.”

⁴⁰ IPita ọ ngme ingmemhi ni e bu, ọ tse agua ye we, ọọ we, “A na pfue anasemhẹ ni ẹgbọ ikpamhika ena e ya me.”

⁴¹ Ighọ a li batazi eni e mie oni ungmehi suọ. Ẹgbọ agbẹlẹ esẹ e khi ni e kuma igbaa oyi eni e mie iJesu iKirisiti suọ ọ ẹlẹghọ.

Ilakugbe oyi ighiusomhi eyi iKirisiti

⁴² Eni ẹgbọ e ri emini ighiusomhi na keẹ e sẹsẹ we gbe akanya, e ga kugbe, e le eminale kugbe (e le eminale no pfuase kugbe), e sọ iromhi kugbe.

⁴³ Ogbokpa ọ mu ekpe ni o fune ẹ na Ẹshinẹgba irari ọlẹlẹ ọnyaloa ali ọshabọ ebubu ni eni ighiusomhi na keẹ e gbe.

⁴⁴ Eni e mie iJesu suọ nya e kudugbe, e kemhi emini e mhọli nya na egbe. §

⁴⁵ Eni e mhọli eke e ri eke eyewe de, elese eni e mhọli itsua, e re we de, e wolọ ikpaghọ kugbe kemhi ni eni ẹa mhọli.

⁴⁶ Ogbẹlẹ kpa e rọ ọ legba elemhi apfe ni i la Owa Oyi Ẹshinẹgba. E ri oghẹlẹ ali udu ni o pfuase nu egbe la apfe egbe e le eminale. E le eminale no pfuase.

⁴⁷ Ee kuẹghie Ẹshinẹgba, ighọ ẹgbọ e li somhi elemhi we. Ogbẹlẹ kpa Ẹshinẹgba ọ rọ ri ẹgbọ ni a mie e pfuese ma we ọ.

§ 2:44 Li zẹ Ika 4.32-35

3

A ri ochegehẹ-a ni oọ lema ze

¹ Ogbẹlẹghuo khi iPita ali iJoni ee je Owa Oyi Eshinegba eghẹghẹ agogo ese oguota ni a la so iromhi.

² A tsua omose ni o rote abi a te bia li guoghọ-a bhale ya shi ode unuekpẹ ni a lu Isomhotse oyi Owa Oyi Eshinegba. Akaghọ a tsua li bhale ya shito ni o te me asha mhila egbọ ni e lo oni Owa Oyi Eshinegba le ikpaghọ.

³ Abi o ro me iPita ali iJoni khi e lo oni Owa Oyi Eshinegba, o mhila we ikpaghọ.

⁴ Ighọ iPita o bino oli alo tatata, ighọ li khi iJoni. IPita oọ li, “Bino anye!”

⁵ Ighọ o li bino we, o ri udu sa khi loli ya me we emhi obọ mie.

⁶ Ama iPita oọ li, “Mhi aa mhue ukpaghọ ya ne, ama mhi ri emini mhi mhọli ne. Irari eva oyi iJesu iKirisiti onge iNazarẹti, vule ni u ke kia!”

⁷ Ighọ iPita o mu oli obọ-ita vule. Udemhija, awe ali ili awe eyoli e na ya to.

⁸ Ighọ o ti vule migha, oọ kia gasẹ. O nu we lo elemhi oni Owa Oyi Eshinegba, o kia, o jino, o kuẹghie Eshinegba.

⁹ Abi egbọ ni e la akaghọ nya e ro me oli khi o kia gasẹ, khi o kuẹghie Eshinegba,

¹⁰ e lese oni o khi, khi loli o kpẹ e shito ode unuekpẹ ni a lu Isomhotse e lema, oni ingme o sha ogbokpa abọ, ẹa lese abi o li kia.

IPita o nu eni e migha a fe ngme

¹¹ Abi oni omose o li mu iPita ali iJoni mhue eghọ, oshabọ o sha eni ebubu egbọ, e kpikpi fie deba we

ya lo arakpha ni a lu Arakpha oyi iSolomoni ni o la oni Owa Oyi Eshinegba.

¹² Abi iPita o ro me abi eni egbo ee li, oo we. “Ee egbo iZireni, elo o ze ni onana o ro ligho ri abo sha e ni a ro lina a bino anye abine khi ekpabo ali ipfuase eyi anye, anye ro roli ze?”

¹³ Eshinegba oyi Aburaamu, ali Aziki ali iGiekopu, ni o khi Eshinegba oyi itita awa, o she ri ufumhi oyoli na iJesu, Oni oo ga li. Ama eri a rue oli na ena omhese, a kie oli odalo oyi iPaleti abi o tseku mholi oli shi udu khi loli ya rue oli obo-a.*

¹⁴ A kie iJesu oni o pfuase ali oni o gue e ngeli, a ri ochoghoholie iPaleti o rue ogbo ni o gbe ugbeli abo-a na e.†

¹⁵ Ama a gbe ogbo ni o ri ogbo a je agbo-a. Ama Eshinegba o gbo guise oli le abi o ro ghua. Anye aava anye me oli abi o ro guale, anye ro pfi otsese shi o.

¹⁶ Itobo ekpabo ni e la eva oyi iJesu anye ro dobe ri omose ona ni a lese ni a feli ena ze, oni irudunga oyi oni omose loli o ze khi o ga ze pfo nya ni a ga me memena.

¹⁷ “Inyoghuo-mhe, mhi lese khi emini ee ali eni e ralo na e a rieje iJesu, khi elemhi umhalese a te rieje we.

¹⁸ Ina Eshinegba o li ri ungmehi oyoli ya tse, oni o rote eke rote unu oyi emekeguele ngme khi iKirisiti o ya me osoli.

¹⁹ A zono khase Eshinegba khi a pfido, ni a mu pfi deba Eshinegba, ni o shishi olamhe eye e a, Ini a

* **3:13** Li ze Okiali 3.15 † **3:14** Li ze iMat 27.15-23; iMak 15.6-14; iLuk 23.13-23; iJpn 19.12-15

ligho, eghẹghẹ iyemhẹa o ya rọte obọ oyi Onomhue bhale deba e.

²⁰ Ini oọ ghie oni o shobọ bhale agbọ ghi awa kpa, ikhi iJesu, oni Omiepfuese.

²¹ IJesu o mema ya kie la obini iloghie ramhi eghẹghẹ ni Eshinegba o rọ ya mu emhikpa pfi gbo mele enegbọ-a, abi Eshinegba o li rọte unu oyi emekeguele eni e pfuase eyọli shobọ na awa eghẹghẹ ni o dọse.

²² IMosisi o ngme ọli, oọ, ‘Onomhue Eshinegba oye e o ya rọte iteva oye e mu Omekeguele nabi mhemhẹ vule na e. A ya mema ri esọ shi ingmemhi ni o ya gueye e.‡

²³ Oni ọa da ri esọ shi ọli o, Eshinegba o ya khi ọli egbọ eyọli ku-a.’§

²⁴ “Egbegbọ lọ khi emekeguele nya rọte iSamue ya je odalo, e kpẹ ngme emini a ya mẹ eghẹghẹ oyawa shi eke.

²⁵ Emini eni emekeguele enana e ngme, e e o gọ lu, a li mhọli okemhi shi ishobọ ni Eshinegba o shi na itita e, ni o la liẹ Aburaamu, ‘Mhi ya rọte obọ oyi imimi e khi vose na egbọ na agbọ nya.’*

²⁶ Abi Eshinegba o rọ mu Oni oọ ga oyọli vule, O te odode ghie ọli ghi e ni o khi vose na e abi o rọ mu e nyenẹ lase ingmobe eye e le.”

4

IPita ali ijoni e migha odalo oyi Enighie shi ezo

‡ 3:22 Li ze iDeut 18.15,18 § 3:23 Li ze iDeut 18.19 * 3:25 Li ze Igbae 22.18

¹ Abi iPita ali iJoni e kie nu eni ẹgbọ ọ ngme, eni ẹẹ khẹkhẹ oni Owa Oyi Ẹshinẹgba ali ẹgbọ iSadusisi eghuo e bhale deba iPita ali iJoni.

² Elemhi e bi wẹ itobọ khi eni ighiusomhi na kẹẹ eyi iJesu ee sẹsẹ eni ẹgbọ khi iJesu ọ rọte eghuli guale. Eri onana guale khi ẹgbọ eni e ghu-a khi e gbo ya rọte eva oyi iJesu guale.

³ Ighọ eni ẹgbọ e li mu iPita ali iJoni, irari obili o she bi ẹlẹghọ, e mu wẹ shi owa ighumha ramhi ogbeakọlọ.

⁴ Ama ebubu ẹgbọ ni e suọ ingme ni iPita ọ ngme e mie iJesu suọ. Emọse ni e ke miesuọ e ya khi ẹgbọ agbẹlẹ ishe.

⁵ Ogbeakọlọ, eni ẹẹ mhẹsẹ eyi iJu ali eni egbhali ali esẹsẹ Ishi eyi iMosisi eyi ẹgbọ iJu e legba iJerusalemu.

⁶ E ya mẹ Oga oyi ekpodalo ugamhi ni a lu Anasi ali iKefasi, ali iJoni ali Alẹzada ali ena omhufe-apfe oyi Oga oyi eni ẹẹ ralo ugamhi.

⁷ Ighọ e mu iPita ali iJoni bhale iteva oyewe migha. E mhila wẹ, “Ekpabọ nabise ali eva oyoghuo a rọ gbe akanya ona?”

⁸ Ighọ iPita ni Ayemhe-nọ-pfuase o vọ egbe ọ wẹ: “Ẹẹ enighie eyi ẹgbọ ali egbhali,

⁹ A mhila anye amo akanya onete ni a gbe na oni ọ guoghọ-a ona, ali abi a li rọ ọli toto.

¹⁰ Emhi oghuo o la ọ ni anye ya gueye ẹ ali ẹgbọ iZireni nya. Itobọ eva oyi iJesu iKirisiti onge iNazareti, omose ona ọ rọ migha iteva oyee ni ọ rọ toto ngmala ena. Lọli ọ khi oni iJesu ni a ta ma apfida, ni Ẹshinẹgba ọ rọte eghuli guise le.

11 IJesu khi ọgbọ ni Ebe-no-pfuase o ngme ni ọọ,*
 “Eche ni itsona e kie pfi,
 o tigbe mele oni echeli ebe
 ni o mu eloe ne nya-a.’

12 Imiepfuese ọa la obọ oyi ọgbọlese, irari khi eva
 olese ọa la ni Eshinegba ọ rọ na ọgbọkhọghuo elemhi
 agbọ onana ni awa ya te mhọli imiepfuese.”

13 Abi eni eẹ mhese na egbọ iJu e rọ me igbedu ni
 iPita ali iJoni e mhọli, ni e rọ ya lese khi egbọ tse ni
 ẹa ye owa ebe e khi, abọ e sha we, e me-we-me khi
 e kpe nu iJesu u kia.

14 Ama, abi e rọ me omose ni a rọ ze khi ọ nu we
 migha agho, ẹa ke mhue abi e ya ngme.

15 E gueye we e vu wewe iteva lase ne, igho e li
 nu egbewe ye ochi.

16 Ee, “Se awa ya li eni emose ena?” Egbokpa ni e
 la iJerusalemu e she lese ikanya onyaloa ni e gbe, ọa
 ze awa ya tia.

17 Ini ingme ona o khi gbeke-a, awa mema tse
 agua ye we e khi gbo gbudu ri eva oyi iJesu nu
 ọgbọkhọghuo ngme.

18 Igho e lu iPita ali iJoni nyene egbe bhale el-
 emhi oni owa ugamhi, e gueye we e khi me emini
 o re we gbo gbudu ri eva oyi iJesu nu ọgbọkhọghuo
 ngme wekhi iroli sese.

19 Ama iPita ali iJoni ee we, “Ee a so o ghue, ini o
 ya ti Eshinegba eloe, ini ee o fe ti ni anye suọ esọ na,
 ocho ni anye kha rọ suọ esọ na Eshinegba.

20 Irari khi aa tigbe ya me khi anye ẹa ya gueye
 egbọ emini anye me ni anye suọ.”

* 4:11 Li ze *Iwolo 118.22*

21 Abi e rọ nyamhise wẹ alo se, e zẹwẹ obọ vu. E mẹ khi ẹa zẹ wẹ ya nase itobọ khi ẹgbọ ni e la aghọ nya ee kuẹghie Ẹshinegba shi itobọ ọmọse ni ọa kpe dobe ẹ kia ni e rọ ze.

22 Irari khi ọni ọmọse ni a ri akanya ọnyalọa rọ ze ọ dọse ikpe egbhueva.

Olema ni igbaa eni e mie iKirisiti suọ e lema shi igbedu

23 Abi a rọ rue iPita ali iJoni abọ-a, e lẹ deba apfẹwẹ. E gueyẹ wẹ abi ighie eyi ekpodalo-ugamhi ali egbhali e ngme ẹwẹ.

24 Abi e rọ suọ ona, e ku unu a nyogho lema Ẹshinegba, ẹẹ, “Ọnọmhue, yeyẹ u ma eke ali ukhuli ali okẹ oniemi ali emini e la elemhi wẹ nya.†

25 Yeyẹ u ri Ayemhe-nọ-pfuase rọte unu oyi oghie iDefidi ita anye ni ọ khi ọni ọọ ga oyẹ liẹ,
“ ‘Elo o zẹ ni ishishi ẹgbọ

e rọ ọ nyaghu
ni ẹgbọ e rọ ọ dọmhi mhẹ shi afuẹ?

26 Ni ighie ni e la agbọ
e rọ mu egbe shi okhọli,
ẹgbọ eni ẹẹ mhẹse e tigbili
ni e rọ mu okhọli vule
shi Ẹshinegba Ọnọmhue ọ,
ali iKirisiti ni ọ she zẹ.‡

27 Esheshi ghọ Erodu ali iPọtiusi iPaleti e ya nu ẹgbọ iJeta ali ẹgbọ iZireni lona kugbe elemhi oni ẹoli ona. E gba kugbe, e gbe iJesu ọni ọọ ga oyẹ-a, ọni u zẹ.§

† 4:24 Li zẹ Okiali 20.11; iNee 9.6; Iwolo 146.6 ‡ 4:26 Li zẹ Iwolo 2.1-2 § 4:27 Li zẹ iMat 27.1-2; iMak 15.1; iLuk 23.1,7-11; iJon 18.28-29

28 E rięę emini u ri ekpabọ ali ọghuęmhe ọye gba shi eke khi a ya me.

29 Ama memena, Onomhue, bino abi e lie domhi, ni u ri ekpabọ na anye eni ee ga eye, ni anye gbe udu ke ngme ungmehi ọye.

30 Nise obọ-a ri egbo ke ze, u gbolo e gbe ojele onyaloa ali oshabọ rọte eva oyi iJesu Oni oọ ga ni o pfuase ọye.”

31 Abi e rọ lema se, elemhi owa ni e la oo jighise, Ayemhe-no-pfuase o tiemhie shi we o, o ri igbedu na we e ngme ungmehi oyi Eshinegba.

Igbaa oyi eni e mie iJesu iKirisiti suo ee kemhi itsua na egbe

32 Igbaa oyi eni e mie iJesu iKirisiti suo e mhọli udu ali usamhi oghuo. Ongewe ọa ke lie khi eri loli mhọli emhikhoghuo otsobo oyelue, ama eri e ku emhikpa gbe ke mhọli.*

33 Eni ighiusomhi na kee e ri ekpabọ o pfi otsele je odalo shi ungmehi irọte-eghuli gualo oyi iJesu Onomhue. Egbo nya e mu ekpe e na we.

34-35 Aa me ongewe ni emhikhoghuo o to. Irari khi eghẹghẹ kpa, eni e mhọli eke ali apfe e rọ rẹwe e de, e rue eni ikpagho ni e re we de bhale ufuege oyi ighiusomhi na kee. E kemhi we na ogbogbo abi o li to oli.

36 Igho iJosefu ni o khi unuekpe oyi iLiva, ni a bia shi eke iSapurosi. IBanabasi, eni ighiusomhi na kee ee lu oli. Emini a ri eva ona ngme khi Orudushi-egbo o.

* 4:32 Li ze Ika 2.44-45

³⁷ IBanabasi ọ ri eke ni ọ mholi de, ọ rue eni ikpagho ni ọ roli de bhale ya shi ufuẹge oyi ighiusomhi na kee.

5

Ananayasi ali iSafira

¹ Omose oghuo ọ la ọ ni a lu Ananayasi ali ughue ọli iSafira, e ku abo gbe ri eke oyewe de.

² Ọ te eni ikpagho ni ọ ri oni eke de rue sheli na egboli, ughue ọ lama shi ọli ọ. Ọ tsua ikhukhui eni ikpagho ghi ighiusomhi na kee.

³ Igho iPita oo, “Ananayasi, elo o ze ni u ro ze ni okphaghie ọ lo e udu, ni u ro lo egbholi khasa Ayemhe-no-pfuafe, ni u ro rote eni ikpagho ni u ri oni eke de rue shi na egbe e?”

⁴ Oa khi oye oni eke o khi neni u roli de? Abi u ro roli de se, eni ikpagho ea kie khili eye? Elo o ree sa usamhi onana? Oa khi ogo u lo egbholi khasa ama Eshinegba!”

⁵ Abi Ananayasi ọ ro suo ungmehi ona se, ọ de eke, ọ ghua. Ulishi oniemhi o ku rughu egbo kpa ni e suo emini a me.

⁶ Igho izeo e rote iteva oyewe fie lasele ya ri ide khuli olimhi oyoli, e tsua li fie je olase ya ro to.

⁷ Iwakati ese e lese na dose te, ughue ọli ọ lole, ọa lese emini a me.

⁸ IPita ọ mhila li, oo, “Gueye mhe ghue, ingme ni yeye ali Ananayasi odoe a ri oni eke de na?”

Ọo li, “Ii.” “Igho anye ri oni eke de.”

⁹ IPita oo, “Se ee ava-ava a li yemhe shi oghuo ni a mhesa Ayemhe-no-pfuafe bino? Emose ni e tsua

oḍoḍe ya to lēna e la oḍe kia bhale. Wewe e gbo li tsue ya to!”

¹⁰ Utoghuokpe o de eke, o ghua. Eni emose e bhale, e ya e khi o she ghua, igho e tsua li ya to mama oḍoli.

¹¹ Ulishi oniemi o mu igbaa oyi eni e mie iJesu iKirisiti suo nia ni e suo emini a me.

Eni Ighiusomhi na ke e ri eni ee ghua ebubu ze

¹² Eni ighiusomhi na ke e gbe ebubu oḷeḷe onyaloa ali oshabo oḍoda iteva oyi eni eḡbo. Igbaa oyi eni e mie iJesu iKirisiti suo e lona Arakpha oyi iSolomoni na elemhi Owa Oyi Eshinḡba elemhi ikudugbe.

¹³ Ogbokhoghuo o a gbudu kugbe we o aboriekhia khi eḡbo nia e ri ekpe na we.

¹⁴ Abi o rie khi igho, eri ebubu emose ali ikpotso elese e mie Onomhue suo, a ku we ma igbaa oyi eni e mie iJesu iKirisiti suo.

¹⁵ Irari ikanya onyaloa ni ighiusomhi na ke e gbe, eḡbo e tsua eḡbo ni e a ze bhale oḍe ifu apfe rewe yeshi ukpho ali iya, ini akphakpha oyi iPita oo nga we egbe ini oḍoḍe.

¹⁶ Olele eḡbo e rote eoli ni e la gasa iJerusalemu bhale. E tsua eḡbo ni e a ze ali eni e mholi ayemehe okphaghie bhale, igho a ri wewe nia ze.

A mu okholi vule shi Ighiusomhi na ke o

¹⁷ Oga oyi ekpodalo ugamhi ali apfole ni e ga ro la otu oghuo ni a lu otu iSadusisi, e kpe ofuma a deba ighiusomhi na ke.

¹⁸ E muno eni ighiusomhi na ke ku lo owa ighumha.

19 Ama ẹliyọṣe, aḡeni ọ khueghie ode ọyi oni owa ighumha-a na we, ọ rue we ya lase.

20 Oo we, “A ke vu, a je elemhi ogba na Owa Oyi Eshinegba ya migha ni a gueye egbo usomhi onete oyi agbo onogbo ona.”

21 Abi ogbe o ro gbe-a, eni ighiusomhi na kee e dose lo Owa oyi Eshinegba, ee sese. Abi Oga oyi ekpodalo ugamhi ali apfoli ni e ro ga la otu oghuo e ro bhale, e lu ilegba oyi eni egbhali eyi egbo iZireni (ni a lu iSaediri), igho e lu eni e ri eloe e khu owa ighumha e ka wolo eni ighiusomhi na kee igha ghi ewe.

22 Ama abi e ro ramhi agho, e bhale ya e khi eni ighiusomhi na kee ea la oni owa ighumha, igho e nyene egbe je ya gueye eni e ghie we.

23 E li, “Anye bhale ya e khi a so okpe owa ighumha gba-i! Khi ekhekhe e migha unu ode. Ama abi anye ro khueghie eni ode-a lo elemhi agho, anye ea me ogbokhoghuo elemhi agho.”

24 Abi e ro suo ona, abo e sha oghie oyi eni e khe ekhe Owa Oyi Eshinegba, ali ighie eyi ekpodalo-ugamhi, itobo khi ea dobe lese udi emini a me ena idiegbe oyi ighiusomhi na kee. Oni ingme oza ze we sa.

25 Igho omose oghuo o bhale we iteva, oo we, “A bino! Egbo ni a mu shi owa ighumha e la Owa Oyi Eshinegba a sese egbo!”

26 Igho eni e khe ekhe e vu ya mu eni ighiusomhi na kee. Ea ri itoto ri ele oli itobo khi ulishi eni egbo o mu we ini e ya tono we eche.

27 E muno eni ighiusomhi na kee bhale ya migha agbala, oni oghie oyi ekpodalo-ugamhi eyi Eshinegba o mhila we ogbo.

28 “Anye tse agua gueye ẹ aa khi ke ri eva ona seṣe ẹgbọ. Ama a kiele ẹ seṣe ẹgbọ, oseṣe oyeṣe o gbhiaku eke iJerusalemu nya. A yeṣe ni ẹgbọ e ya ke dabi khi anye gbe iJesu-a!”*

29 IPita ali ighiusomhi na keṣe eni e kpole ẹ we, “Anye mema ya ri oyi Eshinegba gbe doṣe oyi ẹgbọ.”

30 Eshinegba oyi itawa o roṣe eghuli guise iJesu le, oni a soli-a shi oṣra gbe-a.

31 Eshinegba o she yase oṣi nga obita ni o pfuase oyoli abi Omi Oghie ali Omiepfuese, ni oṣo ri eghẹghe na iZireni gbo mholi imupfi ali igbekua shi olamhe.

32 Anye khi oṣele shi eni ingme ena nya, igho li khi Ayemhe-no-pfuase, ni o khi isomhopfa ni Eshinegba o rona eni e suṣe esṣe na li.

33 Abi e roṣo ona, e pfaa, e nono abi e li ya gbolo we-a.

34 Ama iGamaliye ni o khi otu iFarisi ni oṣo seṣe Ishi eyi iMosisi, ni o khi oni ẹgbọ e ri ekpe ẹ na, o vule migha elemhi oni igbaa oyi eni egbhali, o a wolṣe we fiṣe ne ukuku eghẹghe.

35 Igho oṣo we, “Eṣe emose iZireni a kuegbe-a sa emini a nono khi a ya rieṣe eni emose ena.

36 Eghẹghe ni o doṣe, omose oghuo ni a lu iTeudasi o lasele, oṣo lu egboli emhi, ẹgbọ egbhuṣe asha ene e kpikpi deba li. Abi a roṣe gbe oṣi-a, ẹgbọ eyoli e gbhiaku-a, oni okiali oyoli o mele afue-a.

37 IJudasi ongi iGalili o gbo lasele eghẹghe ni a roṣe ẹgbọ, loṣi ali ẹgbọ eyoli e pfi onyaghu. Abi a roṣe gbe oṣi a ẹgbọ eyoli e gbhiaku-a.

38 Irarigho, mhi ye ẹ ude shi idiegbe oyi ẹgbọ ena, a ze we obo! Ze we obo ni e vu! Ini emini e roṣe bhale

* 5:28 Li ze iMat 27.25

khi obọ oyi ọgbọ o te bhale, e ya de.

³⁹ Ama ini o khi obọ oyi Ẹshinẹgba o te bhale, aa ya tigbe doḅe mu wẹ gba, ama khi Ẹshinẹgba a nu ẹ khọli.”

⁴⁰ Oni ungmehi ni ọ ngme o lo wẹ udu. E lu eni ighiusomhi na keẹ lasele, e gbe wẹ itali, e gueye wẹ e khi ke ngme ingme oyi iJesu, e zẹ wẹ obọ vu.

⁴¹ Eni ighiusomhi na keẹ e rọte aghọ vu, ee ghele khi wẹwẹ e li tẹ ọ na ri omama a mu shi eva oyi iJesu.

⁴² Ẹa tigbe yemhe-a, ogbele kpa e rọ ọ sese, ni e gbo rọ ọ tse abọ usomhi onete khi iJesu ọ khi Omiepfuese, elemhi ọgba na Owa oyi Ẹshinẹgba ali rọte owa ya je owa.

6

Emose oshilua ni a zẹ

¹ Ẹghẹghẹ ni a ngme ena khi igbaa oyi eni e mie iJesu iKirisiti suọ khi ee ke bu shi ọ, ẹgbọ iJu eni ee ngme ẹlemhi iGiriki elemhi wẹ, ee wọlọ khi ẹgbọ iJu eni ẹẹ ngme ẹlemhi Iburu, e ri ukpeloe ẹ gbe esamhi-olimhi eyi wẹwẹ ini ẹẹ kemhi eminale ogbele kpa.

² Ighọ ighiusomhi ogbava e luno igbaa oyi eni e mie iJesu iKirisiti suọ nya kugbe, ẹẹ wẹ, “Ọa ti ni anye pfi akanya itsabọ ungmehi oyi Ẹshinẹgba shi eke, ni anye sọ alo ghue eminale ikemhi.

³ A zẹ emose oshilua elemhi iteva oye ẹ, ni a lese khi e mholi Ayemhe-nọ-pfuase ali ileingme. Ni awa ri akanya irelo-khu ingme eminale ali itsua ikemhi na wẹ.

⁴ Ishegho, ni anye me asha ri eloe shi iromhi isoso ali itsabo usomhi onete.”

⁵ Oni akhokhomhe ona o ga ghole egbo kpa ni e le gba. E ze iSitivini ni o mholi irudunga ali Ayemhenopfuase, ali iFilipu, ali iPirokorusi, ali iNikano, ali iTimoni, ali iPamenasi, ali iNikolasi ni o khi ongi Atioki ni a mu pfi je irudunga oyi egbo iJu.

⁶ E ri egbo ena khashe eni ighiusomhi na kehe, eni ighiusomhi na kehe e ri abo nga we ukhomhi lemana.

⁷ Igho ungmehi oyi Eshinegba oo ge shi o. Igbaa oyi eni e mie iJesu iKirisiti suo e bu shi o elemhi iJerusalemu. Ebubu ekpodalo-ugamhi eyi Eshinegba e lama shi oni irudunga.

A mu iSitivini

⁸ ISitivini, omose ni Eshinegba o khivose na, o mholi ekpabo oyi Eshinegba ro gbe ikanya onyaloa ali oshabo iteva oyi egbo.

⁹ Ama egbo eghuo ni e khi igbhogbho na owa ugamhi oyi eni e kpe khi ighumha, e nu iSitivini i khako. IJu eni egbo ena e khi ni e rote eke iSairini, ali Alezadira bhale ali eni e rote eke iSilisha ali Esha bhale, ni e ke ngeli iJerusalemu.

¹⁰ Ama ea dobe nu ileasingme ali Ayemhe ni o ro o ngme khe abo.

¹¹ Igho e bena tano shi egbo eghuo elemhi, e lie, “Anye suo abi iSitivini o ro pfi unu-a deba iMosisi ali Eshinegba.”

¹² Igho e ngmiashe eni egbo ali eni egbhali ali eni e sese Ishi eyi iMosisi. E mu iSitivini bhale ilegba oyi eni ehe mheshe ali eshe-esho eyi egbo iJu ni a lu iSaediri.

¹³ E wolo egbo lasela ni e pfi oshela egbhali khi, “Omose ona o tige yemhe-a ingme-ingmemhi

ipfiunu-a ni ọ ngme ẹ deba Owa Oyi Ẹshinẹgba no pfuasẹ ali ushi.

¹⁴ Irari khi anye suọ khi ọọ li khi iJesu ọnge iNazarẹti ọna, ọ ya guoghọ Owa oyi Ẹshinẹgba oyi ẹgbọ iJu-a, ọ ya gbo mu ighuighue ni iMosisi ọ rọ shi eke na anye pfi.”

¹⁵ Ẹgbọ ni e la oni ilegba nya ee bino iSitivini, e me khi alo eyọli e ge nyanyanya abi alo eyi aḡeni.

7

Ungmemhi ni iSitivini ọ ngme

¹ Ighọ Ọga oyi ekpodalo ugamhi ọ mhila li, ọọ li, “Iḡesikia ingme ni a gue shi ẹ egbe ena e khi?”

² iSitivini ọọ li, “Inyoghuo ali ita ni e le gba, a ri esọ shi mhe eke! Ẹshinẹgba ni ọ mholi ufumhi, ọ ri egbe khasẹ ita awa Aburaamu abi ọ rọ kie la eke iMesopotemia, neni ọ tigbe je ẹoli Arani ya la.

³ Ẹshinẹgba ọọ li, ‘Lase eke ali iteva oyi ẹgbọ eye le, ke je eke ni mhi ya rọkhasẹ ẹ.’*

⁴ “Ighọ ọ rọte oni eke iKadia vu ya la ẹoli Arani. Abi itali ọ rọ ghu-a se, Ẹshinẹgba ọ ghie ọli je eke ni a ngeli ogbe namo.†

⁵ Ọa ri ugu okhoghuo akana na li, wekhi ukuku eke okhoghuo ọ khi na li. Ama khi Ẹshinẹgba ọ she kpe shobọ na li khi loli ali imimi ọli, e ya le ugu oni eke, abi o rọ tseku khia khi eḡheḡhe aghọ Aburaamu ọa bia omọ okhoghuo ne.‡

⁶ Ina Ẹshinẹgba ọ li nu ọli ngme. ‘Imimiẹ e ya khi epfese shi eke ni ọa khi oyewe, e ya khi ighumha, a nase we elemhi ikpe egbhuẹshe asha ene.

* **7:3** Li zẹ *Igbae 12.1* † **7:4** Li zẹ *Igbae 11.31; 12.4* ‡ **7:5** Li zẹ *Igbae 12.7; 13.15; 15.18; 17.8*

7 Eshinegba ọọ, ama mhi ya nase ushishi ni e ya muno we ighumha. Ini mhi nase we na we se, e ya rote ushishi ogho lasela bhale eke ona ya ngeli, e gbo la akana a ga mhe. §*

8 Igho Eshinegba o nu Aburaamu shobo ishele-a ni o ya khi irokhashe khi ogho o mhu obo shi oni ishobo. Igho Aburaamu o bia Aziki, o shele oli-a abi o ro gbe ogbele elele. Igho Aziki o gbo li khi ita iGiekopu, iGiekopu o gbo li khi ita emose ogbava ni e khi ititawa. †

9 “Itobo khi eni imi iGiekopu ee do iJosefu okonyo, e roli de abi oghumha ya je eke ijipiti. Ama Eshinegba o nu oli la. ‡

10 O tsumhi oli obo ikphakphamhe nya. O ri ileasingme na iJosefu, o gbo kpaghie oli obo ni ingme oyoli o ro ghole iFero ni o khi oghie oyi eke ijipiti. Igho oni oghie o roli leghie ukhomhi ijipiti ali agbala oyoli nya. §

11 “Igho okiamhi oniemhi o la eke ijipiti ali iKena a pfi ni o pfi osoli oniemhi na ititawa ni ea ke ro me eminale e le.*

12 Abi iGiekopu o ro suo khi eminale e kpoku shi eke ijipiti, o ghie imioli ni e khi ititawa je oobo ya bino odode.

13 Utonuzeva ni e ke ye, oni iJosefu o gueye inyoghuo oli oni loli khi, agho iFero o la lese egbo eyi iJosefu. †

§ 7:7 Li ze Igbae 15.13; Okiali 3.12 * 7:7 Li ze Igbae 15.13-14
 † 7:8 Li ze Igbae 17.10-14; 21.2-4; 25.26; 29.31-35.18 ‡ 7:9 Li ze Igbae 37.11,28; 39.2,21 § 7:10 Li ze Igbae 41.39-41 * 7:11 Li ze Igbae 42.1-2 † 7:13 Li ze Igbae 45.1,16

14 Igho iJosefu o ghie ya rue itali iGiekopu ali egbo eyoli nya ni e kugbe khi oshe ɛa la egbhueɛe.‡

15 Igho iGiekopu o je eke ijipiti, ashini loli ali ititawa e ghu-a shi. §

16 A tsua ilimhi eyewew nyenew egbe je iShekemu ya ro to uji ni Aburaamu o ri ikpagho nu unuekpe oyi Amoni de.*

17 “Abi oni egheweghe o ro ti ramhi ni Eshinegba o ro ya ri ishobo oyoli tse na Aburaamu, egbo eyawa ni e la ijipiti e lolo bu shi o.

18 Igho oghie olese ni o lese emhikhoghwo ingme oyi iJosefu o ke la ukpekhomhi shi eke ijipiti.†

19 Oo na egbo eyawa osoli obe, o jili ititawa, o ri itoto lie we, e pfino imiwe kua ni eni eniye e ba ghuloo.‡

20 “Oni egheweghe a ro bia iMosisi, ni oa khi omoo na tse. A la owa oyi itali kuele oli iki ese. §

21 Abi ee ke ro dobe roli sheli, e rue oli ya shi epfe oke. Omi iFero ni okpotso o me oli rue, o kuele oli abi omi oli.*

22 IMosisi o wena owena ali ileasingme oyi ijipiti, ekpabo o la emue oyoli ali emini oo riele.

23 “Abi iMosisi o ro gbe ikpe egbhueva, o mholi shi udu khi loli le ya bino egbo eyoli ni e khili egbo iZireni.

24 Igho o me khi ongi ijipiti oo nase ongi iZireni. Igho o li ye odose, o gbe ongi ijipiti-a.

‡ 7:14 Li ze *Igbae* 45.9-10,17-18; 46.27 § 7:15 Li ze *Igbae* 46.1-7;

49.33 * 7:16 Li ze *Igbae* 23.3-16; 33.19; 50.7-13; *ijosh* 24.32

† 7:18 Li ze *Okiali* 1.7-8 ‡ 7:19 Li ze *Okiali* 1.10-11,22 § 7:20 Li

ze *Okiali* 2.2 * 7:21 Li ze *Okiali* 2.3-10

25 Eri iMosisi ọ dabi khi ẹgbọ eyelue e ya me ọli me khi eri Ẹshinegba ọ re lue ẹ tsumhi ẹgbọ eyoli, ama ẹa ligho me ọli me.

26 Ogbeakolo khi iMosisi ọ bhale ya ẹ khi ẹgbọ iZireni aava e nu egbewe ẹ kholi, ọọ nono ni loli rewe riele. Ọọ we, 'Elo o ze ni ẹẹ ni a gbo li khi inyoghuo egbe a ro nu egbe ẹ a kholi?'

27 "Ama oni ọa gueli ni ọ la ọ ọ ghi iMosisi abo pfi, ọọ li, 'Oghuo ọ re khi oni ọọ mhesẹ na anye ali oni ọọ so ezọ na anye?'

28 Eri u wa nono ni u li gbe mhe-a abi u li gbe ongi ijipiti a oode?'

29 Abi iMosisi ọ ro suo ona, ọ na pfi je eke oyi iMidiani ya la abi ofese, ọ bia eniye aava shi agho.†‡

30 "Ikpe egbhueva e dose se, ageni ọ ri egbe khase iMosisi elemhi elemhi erali ni oo to ukhomhi ebuli.

31 IMosisi ọ me ọli, o sha li abo. Ọọ le ni ọ ya bino, uruli oyi Onomhue o lu ọli, ọọ li,

32 'Mhemhe mhi khi Ẹshinegba oyi itita ẹ, Ẹshinegba oyi Aburaamu ali oyi Aziki, ali oyi iGiekopu.' IMosisi ọọ guo elemhi ulishi, ọa ke gbudu bino oobo.

33 "Onomhue ọọ li, 'Gueghie ekuẹ ni u so, eke ni o pfuase u migha.

34 Mhi she me ajilimhe ni ẹgbọ eyemhe ni e la ijipiti ẹ me memena. Mhi she suo ekperumhe oyewe, mhi she bhale ya mie we pfuese. Bhale memena khi mhi ya ghie ẹ nyene egbe je eke ijipiti.'§

† 7:29 Li ze Okiali 18.3-4 ‡ 7:29 Li ze Okiali 2.11-15 § 7:34 Li ze Okiali 3.1-10

35 “Oni iMosisi ọna ẹgbọ eyọli e ke ekpe kie, ni ẹẹ ọ li, ‘Ọghuo ọ rẹ khi ọni ọ mhẹsẹ ẹ na anye ali ọni ọọ sọ ẹzọ ọyi anye?’ Eshinẹgba lọlighuo ọ ri aḡeni ni ọ ri egbe khasẹ ọli elemhi ẹlẹmhi erali ni e to ghie iMosisi ọ ka khi ọni ọọ mhẹsẹ ali ọmiepfuese ọyẹwe.*

36 Lọli ọ rẹwẹ ya fiẹ lase eke ijipiti, ọ la eke ijipiti ali obini Okẹ Ifulo ali udu oyẹmhi elemhi ikpe egbhueva gbe akanya ọnyaloa ali irokhase.†

37 “iMosisi lọlighuo ọọ ẹgbọ iZireni, ‘Eshinẹgba ọ ya rọte elemhi ẹ ghie ọmekẹguele ọnabi mhẹmhe ghi ẹ.’‡

38 Ọ la iteva ebubu ẹgbọ elemhi udu oyẹmhi, li shi aḡeni ni ọ ke nu ọli ngme ukhomhi ute iSinai, li she ititawa, ọ mie unḡmemhi ni o ri agbọ ọ na ọgbọ, ọ rue ọli na awa.§

39 “Ama eni ititawa ẹa nono ni wẹwẹ e suọ esọ na li, eri e kie iMosisi, e ri udu oyẹwẹ nyenẹ egbe ukhokho je eke ijipiti.

40 Ẹẹ Erọni, ‘Mama ikhumhi na anye ni e ya ri anye ke kia, irari khi anye ẹa lẹsẹ abi iMosisi ni ọ rue anye te ijipiti lasele ọ ke li kia.’*

41 Oni ẹghẹghẹ eni ẹgbọ e rọ mama ikhumhi ni o li abi ozele ena, ee luasẹ ọli, e ghele shi oni ikhumhi ni e ri abọ eyẹwẹ mama.†

42 Ighọ Eshinẹgba ọ sọ ukhokho gbe wẹ, ọ zẹ ni e ga ovọ, ali uki, ali ikpẹtata abi a li kẹkẹ ọli shi ebe emekẹguele, ni ọọ:

“Ẹẹ ẹgbọ iZireni,
abi a rọ la udu oyẹmhi
ikpe egbhueva a luasobo,

* 7:35 Li zẹ Okiali 2.14 † 7:36 Li zẹ Okiali 7.5; 14.21; iNọba 14.33

‡ 7:37 Li zẹ iDeut 18.15,18 § 7:38 Li zẹ Okiali 19.1–20.17; iDeut 5.1–33 * 7:40 Li zẹ Okiali 32.1 † 7:41 Li zẹ Okiali 32.2–6

mhemhẹ a ri iluasobo na?

⁴³ A yase okula oyi
ikhumhi iMoleki
ali ukpetata oyi iRefani,
ni e khi ikhumhi ni
a ri abo mama ni a ga.
Irarigho, mhi ya ri egbo bhale
ya mu e okholi vu,
e tsua e dose obini eke iBabilo.†‡

⁴⁴ “Ititawa e mholi igholo oyi otsese obini elemhi
udu oyemhi. Abi Eshinegba o li khokho li ye iMosisi,
igho o li riele oli. §

⁴⁵ Abi e ro le oni igholo ugu se, iJoshua o tsua li
ma egbe bhale eke oyi ishishi ni Eshinegba o khu
kua na we. O nu we la ramhi eghenge oyi iDefidi.*

⁴⁶ IDefidi ni Eshinegba o ri afu na o mhila li ini loli
to owa na Eshinegba oyi iGiekopu†

⁴⁷ Ama iSolomoni o to owa na Eshinegba.‡

⁴⁸ “Abibi o ririe li, a lese khi Eshinegba no Yagha
ne Nya o ya la owa ni egbo e ri abo to. Loli o ze khi
Azaya omekeguele o guele khi.

⁴⁹ “Eshinegba oo, ‘Iloghie o khi
ukpekhomhi ni mhia shito.
Eke agbo o khi

akphawe-nga oyemhe.

Owa nabise ee egbo

a ya tigbe to na mhe?

Asha no ghuo o ya gua mhe la?

⁵⁰ Oa khi mhemhe-ghuo

‡ 7:43 Li ze Emọ 5.25-27 § 7:44 Li ze Okiali 25.9,40 * 7:45 Li
ze iJosh 3.14-17 † 7:46 Li ze 2 iSam 7.1-16; 1 Okhe 17.1-14 ‡ 7:47
Li ze 1 Ighie 6.1-38; 2 Okhe 3.1-17

mhi ma eni emhi ena nya?’§

⁵¹ “Eẹ ẹgbọ usueso-akhue ni e zese udu oyewe-a khali igba zuse eso. A li abi itita ẹ, ni e kie Ayemhe-no-pfuase.*

⁵² A famhi me ọmekeguele okhoghuo ni itita ẹ ẹa mu okhọli vule shi ọ? Eri e gbo gbolo eghuo-a, ni e me eke guele khi, Oni ọọ suọ eso na Eshinegba ọ ya bhale. Memena ẹẹ a she rọ oni iKirisiti ọna de, a gbe ọli-a.

⁵³ Eẹ ni a rọte obọ oyi aḡeni ni Eshinegba ọ ghie mie ishi, ẹẹ áà kie gbo ri eni ishi gbe akanya.”

A tono iSitivini eche

⁵⁴ Abi eni igbaa eyi iSahediri e rọ suọ ingmemhi ena, e pfaa na li ramhi ni e rọ gbe akọ akọ.

⁵⁵ Ama iSitivini ni ọ mhọli Ayemhe-no-pfuase ọ yase alo idane, ighọ ọ me ugemhi oyi ufumhi oyi Eshinegba, ali iJesu khi ọ migha obita oyi Eshinegba.

⁵⁶ Ighọ iSitivini ọọ, “Mhi me khi iloghie o khueghie-a, mhi gbo me iJesu oni Omi Ogbọ khi ọ migha obita oyi Eshinegba.”

⁵⁷ Abi eni igbaa eyi eni iSahediri e rọ suọ ona, e ri abọ khukhu eso. E tseşe leghe, e ve rughu ọli.

⁵⁸ E tialọ ọli fiẹ ifuapfe je ukhokho oni ẹoli, ee tono ọli eche. Eni ee tono ọli eche e gueghie itsua ni e sọ na ọmose oghuo ni a lu iSolu mhue.

⁵⁹ Abi e rọ ọ tono iSitivini eche, ọ sọ iromhi, ọọ, “Ijesu Onomhue, kpekpe kpe abọ mie ayemhe oyemhe.”

⁶⁰ O de wugha, ọ tseşe, ọọ li, “Onomhue, kpekpe khi ri olamhe ona mu ota sọ we.” Abi ọ rọ ngme ona se, ọ ghua.

§ 7:50 Li ze Aza 66.1-2 * 7:51 Li ze Aza 63.10

8

¹⁻² Igho iSolu o migha wẹ ukhokho shi igbe-a oyi iSitivini. Abi iSitivini o rọ ghu-a se, ẹgbọ eghuo ni e mhọli ulishi oyi Ẹshinẹgba e ya rọli tọ. E viẹ eviẹ oyọli egbegbọ.

Igbaa oyi eni e mie iJesu iKirisiti suọ e gbhiaku-a irari ajilimhẹ

Ẹlẹgho ukpokpomhi ajilimhẹ o lasele shi igbaa oyi eni e mie iJesu iKirisiti suọ ni e la ekẹ iJerusalemu o. Eni ighiusomhi na keẹ egho e miatse ku ekẹ iJudia ali iSameria.

³ Ama iSolu o roshẹka a yese igbaa oyi eni e mie iJesu iKirisiti suọ-a. O kia owa khi owa muno wẹ shi owa ighumha, ghe emose, ghe ikpotso.*

Abi iFilipu o rọ la iSameria

⁴ Igbaa oyi eni e mie iJesu iKirisiti suọ egho ni e kia miatse ku, e kia a gue ungmehi oyi iJesu le asha ni e ramhi kpa.

⁵ IFilipu o je ekẹ iSameria. O la oobọ o gueye ẹgbọ khi iJesu o khi iKirisiti ni a shobọ.

⁶ Abi ebubu ẹgbọ e rọ mẹ ikanya oshabọ ni iFilipu o gbe, e nyanya mie shi emini o ngme.

⁷ IFilipu o kha da lema na eni e mhọli ogbhọ ne, eni ẹgbọ e kpa oni ogbhọ pfi. Ebubu eni e guoghọ-a ali eni e ghua e toto nya.

⁸ Ukpokpomhi oghẹlẹ o la oni ẹoli ogho.

ISamọ ni oọ li obo

⁹ Omose oghuo o laọ ni a lu iSamọ. Egbegbi obo o la iSameria ẹ li. O kia ri obo ni o li tono obo udu.

* **8:3** Li zẹ Ika 22.4-5; 26.9-11

¹⁰ Egbọ nya e ri ekpe ẹ na li. Egbọ ọdọda ee liẹ li, “Ọmọse ọna Eshinẹgba ọ ri ekpabọ nali a gbe ikanya.” E lu ọli ekpabọ ni o fu.

¹¹ Ingme ni ọ ngme kpa, e rọ ọ shi itobọ ọshabọ ni ọ ri ogbhọ oyọli i gbe ni o she tẹse.

¹² Ama iFilipu ọ gueye wẹ ingme oyi Eghiele oyi Eshinẹgba ali iJesu iKirisiti, e mie shio. Ọ batazi wẹ, ghe ikpotso ghe emọse.

¹³ ISamọ ọ li miesuọ, iFilipu ọ li batazi ọli. Ọ deba iFilipu u kiakia irari ikanya ọnyalọa ali ọshabọ nefunẹ ni ọ mẹ khi iFilipu ọ gbe.

¹⁴ Abi ighiusomhi na keẹ ni e la iJerusalemu e rọ suọ khi ẹgbọ iSameria e mie ungmehi oyi Eshinẹgba suọ, e ghie iPita ali iJoni ghi wẹ.

¹⁵ Abi iPita ali iJoni e rọ ramhi iSameria, e sọ iromhi na eni e miesuọ ni e la oobọ Ayemhe-nọ-pfuase ọ tiemhile shi wẹ egbe.

¹⁶ Ayemhe-nọ-pfuase ọa kie kpe tiemhile shi ọngẹ wẹ egbe ne, eri a kpe lese ri eva oyi iJesu Onomhue batazi wẹ.

¹⁷ Abi iPita ali iJoni e rọ ri abọ nga wẹ ukhomhi, Ayemhe-nọ-pfuase ọ tiemhile shi wẹ egbe.

¹⁸ Abi iSamọ ọ rọ mẹ khi ẹgbọ ni eni ighiusomhi na keẹ e ri abọ nga ukhomhi kpa khi e mie Ayemhe-nọ-pfuase, ọ nise obọ-a ni lolu ri ikpaghọ na wẹ.

¹⁹ Ọọ wẹ. “A li ri oni itoto na mhe ni mhi ke ri Ayemhe-nọ-pfuase na ogbọ ini mhi da ri obọ nga li ukhomhi ne.”

²⁰ Ama iPita ọọ li, “Yeje ali ikpaghọ eye a li opfu-a, itobọ khi u sa khi u ya dobe ri ikpaghọ de isomhopfa oyi Eshinẹgba.

²¹ Itobọ khi u waa mholi obọ shi akanya onana, irari khi udu oye ọa pfuase deba Eshinẹgba.

22 Irarigho, mu udu pfi deba Eshinegba. U lema li ni o gbe olamhe kua ne, otse o ya gbe isamhi ebe ni u mholi shi udu kua ne.

23 Itobo khi mhi she me khi wa a kpe ofuma irari akanya ni anye a gbe ali khi olamhe o she de e ighumha.”

24 ISamo oo we. “A kpekpe a so iromhi na mhe ini emini a ngme ena e khi tse shi mhe egbe ni mhi pfua.”

25 Abi iPita ali iJoni e ro ngme ingmemhi eyi iJesu se, e mu egbe pfi je iJerusalemu, ee gue ungmehi eyi iJesu kiakia elemhi ebubu inuekpe ni e la iSameria.

IFilipu o gue ungmehi oyi iJesu ye ongi Etiopia

26 Ageni oyi Eshinegba o gueye iFilipu, oo li, “Ke tiemhi ukiekie ogobo ini a so alo ghue obini ovo o te e lo eko je ode odagbe ifufu ni o rote iJerusalemu je iGaza.”

27 Igho iFilipu o mu egbe oo le. Abi o li le egho, loli ali omose oghuo ongi Etiopia ni o khi owali e ya lona. Omose ona okhemhue o khi ni o ri eloe e khu epfue eyi iKadakhé ni o khi olele oyi oni eke. O rote iJerusalemu ni o je ya ga ugamhi i jele.

28 Abi o li i je apfe egho, o nga oko ni ichi e ro o na. Oo ze ebe ni Azaya omekeguele o keke. 29 Ayemhen-pfuase o gueye iFilipu, oo li. “Je oko ogho ni u timama li migha.”

30 Abi iFilipu o ro ramhi agho, o suo khi oni omose oo ze ebe oyi Azaya omekeguele. IFilipu o mhila oni omose. “Ebe ni u wa ze egho o fe lo e eso?”

31 Ọọ iFilipu, “Iiye oo. Ọa ya ligho lo mhe esọ ini ọgbọ ọa li gueye mhe abi o ngme.” Ọ iFilipu ọ nga oni ọkọ le ni ọ nu lue shito.

32 Ashini ọọ ze oni elemhi Ebe-no-pfuase o khi, asha ni ọọ:

“Eri a mu ọli abi omi osumha
ni a ya fa uruli.

Ezeze abi omi osumha
ni a ya va kemhi,
ni ọa khueghie unu-a.

33 E ri omama mu ọli,
e gbe ọli azeba,
e pfa ezọ mu ọli a gbe ọli-a.
Qghuo ọ ya mie shi ọ
khi ọ ya dobe mholi
akhemhe-ukhokho,
irari khi eri e mie ọli agbo?”†

34 Oni ọmose ọwali ọọ iFilipu, “Kpekepe gueye mhe ọni ọmekeguele ọnana ọọ ngme, ingme oyi egbọli ọọ ngme abi ingme oyi ọgboese?”

35 IFilipu ọ gueye ọli emini oni Ebe-no-pfuase ni ọọ ze egho o ngme. Ọ gue ungmehi oyi okhale oyi iJesu ye ọli.

36 Abi e kie li kia le egho, e me oke. Oni ọmose ọwali ọgho ọọ li, “Bino, ghe oke ana, bie batazi mhe.”

37 IFilipu ọọ li, “Ini u mie iJesu suọ mhi ya batazi e.” Oni ọmose ọọ li, “Mhi she miesuọ khi iJesu iKirisiti ọ khi Omi Eshinegba.”

38 Igho oni ọmose ọọ oni ọ gua oni ọkọ ogho ọ mu ọli migha. Ọli ali iFilipu e kia tiemhi oni oke, iFilipu ọ batazi ọli.

† 8:33 Li ze Aza 53.7-8

³⁹ E leşe rōte oni oke nga egele le, Ayemhe-ṅo-pfuase ọ kele iFilipu-a je oboese. Oni omose ọa ke tigbe me iFilipu, ama oghelẹ o la li elemhi i je apfe.

⁴⁰ Ama iFilipu ọ me egbọli ẹoli Azotusi. Ọ rōte oobọ ri oni ungmehi i tse abọ kia kia ẹoli khi ẹoli ya ramhi ni ọ rọ ramhi ẹoli iSizeria.

9

Imupfi oyi iSolu

(Ika 22.6-16; 26.12-18)

¹ ISolu ọ kiele tse ekha abi loli li ya gbolo eni e mie iJesu suo-a. Ọ le deba Okpeda na ekpodalo-ugamhi eyi Eshinegba,

² Ọ mhila li ọ ri ebe na lue ghi eni e la owa ugamhi na eke iDamasikosi. Ni loli rọ mhọli afu dobe muno ikpotso ali emose ni e mie iJesu suo ighumha je obini iJerusalemu.

³ Abi iSolu ọ li ri okiali ti i ramhi iDamasikosi, utoghuokpe, akpa o rōte idane mi nga li egbe nyagha.

⁴ Ọ de ta alo mu eke. Ọ suo khi ogbo ọ nu lue ngme, ọọ li, “ISolu, iSolu, elo o ze ni u rọ mu okhọli vule ẹ shi mhe ọ?”

⁵ ISolu ọ mhila li, ọọ, “Onomhue, oghuo u khi?” Oni uruli ọli, “Ijesu mhi khi, ni u mu okhọli vule shi ọ.”

⁶ “Memena, vule ni u lo elemhi ẹoli ona. U ya me omose ni ọ ya gueye emini u mema ya riẹle.”

⁷ Egbọ ni e nu iSolu kia e gbe erue unu-a, e ga suo oni ungmehi, ama ẹa me oni ọọ ngme.

⁸ Ikpukhokho ọ, iSolu ọ rōte eke vule, abi ọ rọ khueghie alo-a ọa ke dobe ẹ me eke. Egbọ ni e nu ọli kia e ke mu ọli obọ kia lo elemhi iDamasikosi.

⁹ Ogbẹlẹ esẹ iSọlu ọ ga zalo shi aghọ. Ọa le eminale wẹkhi amẹ ọ da.

¹⁰ Ọmọse ọghuo ni ọ miesuọ ni a lu Ananayasi, ọ la elemhi iDamasikosi. Ọ la imekẹ, ọ suọ khi Ọnọmhue ọ lu lue, “Ananayasi!”

Ọọ li, “Ee o.”

¹¹ Ọnọmhue ọọ li, “Ke je owa oyi iJudasi, ni o la ode ifuapfe ni a lu Isheshe, ni u ya mhila ogbo oyi ongi iTasosi ni a lu iSọlu, ọ la aghọ ọ sọ iromhi.

¹² Rote elena iSọlu o li kpe me irokhasẹ khi omose ni a lu Ananayasi ọ ri obọ nga lue egbe sọ iromhi na, alo eyelue e khueghie-a.”

¹³ Ananayasi ọọ Ọnọmhue, “Mhi she kpe suọ eko ebubu eyi omose ona abi ọ li ẹ nase egbo ni e miesuọ, ọ la iJerusalemu gbolo eghuo-a.

¹⁴ Ighie eyi ekpodalo-ugamhi eyi Eshinegba e ri afu na li ọ ka muno egbo ni ẹẹ lu eva oye.”

¹⁵ Ama Ọnọmhue ọọ Ananayasi, “Ke le, irari khi mhi she ze iSọlu ni ọ tsua ungmehi oyemhe ghi egbo ijeta ali ighie eyewe ali egbo iZireni nya.”

¹⁶ Mhi ya rokhasẹ ọli khi ọ mema ya me osoli shi ungmehi oyemhe.

¹⁷ Abi Ananayasi ọ ro me oni owa, ọ dose lo ya ri obọ nga iSọlu egbe, ọọ li, “ISọlu inyoghuo-mhe, iJesu Ọnọmhue ni ọ lone ode abi u ro ọ bhale oola, lo li ọọ mhi ka nono ẹ me, ni u gbolo ke me eke ali ni Ayemhe-no-pfuase ọ bhale egbe oye.”

¹⁸ Utoghuokpe, emini e li abi ipfiapia afele o rote ọli ikpamhi alo de pfia, ọ gbolo o me eke. Ọ vule migha, Ananayasi ọ batazi ọli.

¹⁹ Abi ọ ro le eminale se, ọ tigbe mholi ochi.

ISọlu ọ ri igbedu u ngme ungmehi oyi Eshinegba

Ebubu ogbele iSolu o nu eni e miesuo la elemhi iDamasikosi.

²⁰ Eloawe iSolu o la elemhi owa ugamhi gueye egbo khi iJesu Omi Eshinegba o khi.

²¹ Egbo kpa ni e suo ungmehi oyi iSolu ee mhila, “Oa khi omose onana oo nase eni e miesuo ni e la iJerusalemu? Oa khi eri o bhale ya muno we abi ighumha ghi ighie eyi ekpodalo-ugamhi?”

²² Eshinegba o ri ekpabo na iSolu ni o ro ya ke gue oni ungmehi le. Ama egbo iJu ni e la iDamasikosi ea dobe mu iSolu ekhako o le. O sha egbo iJu abo abi e ro me ilasingme ni o ro o guele khi iJesu o khi oni iKirisiti ni a shobo.

²³ Ebubu ogbele iSolu o ga la iDamasikosi. Egbo iJu e gba abi e li ya gbe oli-a.

²⁴ Ama iSolu o suo khi egbo e gba abi e li ya gbelue-a. Eri e shito unu ode unuekpe ni a te a lo oni eoli le ni e me asha mu oli.

²⁵ Ama egbo ni e miesuo e pfi uli rote oni ugbe roli shi ughughu bena ya tiemhi oni ugbe eliyose. *

²⁶ Abi iSolu o ro ramhi iJerusalemu, oo dua ni loli ya kuma egbo ni e miesuo o, ama ulishi oli o mu we. E khokho ini o she mie iJesu suo.

²⁷ Ama iBanabasi o rue oli bhale deba eni ighiusomhi na kee. O gueye we abi iSolu o li me Onomhue ode abi o ro le iDamasikosi ali abi Onomhue o li nu oli ngme. O gbo gueye we abi o li la eke iDamasikosi ri eva oyi iJesu tse abo ni ulishi o li mu oli.

²⁸ Igho ISolu o nu we la iJerusalemu kia kugbe. O ri igbedu ri eva oyi Onomhue e tse abo gboo.

* **9:25** Li ze 2 iQori 11.32-33

29 Igho o nu egbo iJu ni ee ngme elemhi iGiriki i khako, ama ee dua ni wewe e gbe oli-a.

30 Abi eni e miesuo e ro suo ugbamhi ni eni egbo ee gba, e rue oli je eke iSizeria, e te agho rue oli ya je iTasosi.

31 Igbaa eyi eni e mie iJesu iKirisiti suo ni e la eke iJudia ali iGalili ali iSameria nya e mholi opfomhe, e toto-a, Ayemhe-no-pfuase o ri udu shi we o, ee bua shi o, ee ngeli angeli ni o pfuase ri ekpe e na Eshinegba.

IPita o ri Eniasi ze

32 Abi iPita o li i kia oni eke gase, o ko ya feli eni e miesuo ni e la eoli iLida.

33 O bhale ya e omose ni a lu Eniasi ni o guogh-a, o she gba ikpe elele abi o te yeshi a ghua.

34 IPita oo, "Eniasi, iJesu iKirisiti o re ze. Vule migha khili iya oye ni u ke kia." Utoghua kpe Eniasi o vule migha, o toto.

35 Abi egbo ni e la eoli iLida ali iSharo e ro me khi Eniasi o toto, e mu pfi deba Onomhue.

IPita o guise iDokasi le

36 Okpotso oghuo ni o miesuo ni a lu iTabita o la eoli iJopa, abi iTabita o ngme emue iGiriki khi "Eruo," O khi ogbo onete. O gbolo mema e kpaghie eni ea mhue obo.

37 Eghoghe ni a ngme ena, oo ghua, igho o ghua. Abi a ro khuse olimhi oyoli-a se, a roli yeshi elemhi owa atonga.

38 Abi eni e miesuo e ro suo khi iPita o la iLida, e ghie emose aava ghi oli, e oli, "Kpekpe bhale pia." Irari khi eoli iLida ali eoli iJopa e ti mama egbe.

³⁹ Igho iPita o deba we. A ri oli ya khashe asha ni a roli yeshi. Esamhi-olimhi e la agho o vie. E ri itsua ni iDokasi o fia na we khashe oli abi o ro la agbo.

⁴⁰ IPita o egbo ni e la agho nya e fie je atukpapfe. O de wugha so iromhi. O so alo ghue oni olimhi, o o li, "Tabita, guale!" Oni olimhi o khueghie alo-a, abi o me khi iPita o migha mama lue, o vule shito.

⁴¹ IPita o mu oli obo vule. O luno eni e miesuo ali eni esamhi-olimhi, o ri oli khashe we.

⁴² Iguisele oyi iDokasi o gbeke-a shi eoli iJopa. Itobo igho, ebubu egbo e mie iJesu suo.

⁴³ IPita o la iJopa ogbele ni e bu. O la owa oyi iSimoni ni o ri eku e elamhako o gbe akanya.

10

IKonilusi o ghie ya lu iPita

¹ Omose oghuo o la eoli iSizeria ni a lu iKonilusi. O khi oga oyi ekholi-okhue eyi Itili.

² Loli ali apfoli e khi egbo ni e na ulishi Eshinegba. O khi ogbo ni o pfo elemhi i somhi egbo ni ea mhue ofpa. O gbo khi ogbo ni o so iromhi eghenge kpa.

³ Eleghuo elemhi agogo ese ele oguota, o me ime-alo, o me khi ageni oyi Eshinegba o bhale o lu oli, "IKonilusi!"

⁴ O so alo ghue oni ageni, ulishi o mu oli. O o li, "Onomhue elo o ze khi u bhale."

Oni ageni o o li, "Iromhi eye ni u wa so ali isomhopfa ni u wa somhi e she bhale deba Eshinegba, O she mu egbe ni o ro ya ye le.

⁵ Memena nyanya ghie egbo je eoli iJopa ni e ya lu iSamoni a gbolo e lu iPita, ni o bhale.

⁶ Ọ kushi ayi iSamọ ni ọ ri ekuẹ elamhi ẹ gbe akanya. Oni owa oyọli o la epfẹ okẹ.”

⁷ Abi oni ageni ọ rọ vu se, iKọnilusi ọ lu eni ẹ ga li etuava ali ọkhọli-okhue ni ọ khi adogeli oyọli ni ọ ga Eshinẹgba.

⁸ IKọnilusi ọ gueyẹ wẹ emini a mẹ nya. Ọ ghie wẹ je obini iJopa.

Imẹ-alo ni iPita ọ mẹ

⁹ Ogbeakọlọ khi itsotso ọguota o mu eke, khi e lẹsẹ ri okiali ramhi epfepfẹ iJopa, iPita ọ nga owa atonga ya sọ iromhi.

¹⁰ Okiamhi oo gbe ọli. Ọọ nono emini ọ ya le. Abi a rọ ọ nye eminale ni ọ ya le, ọ mẹ imẹ-alo.

¹¹ Ọ mẹ khi emini e li abi ode ni o zẹ igo ene o rọte idane e tiemhile.

¹² Ighọ ọ mẹ khi iwali elamhako e laọ, ghe eni e zẹ awẹ ene ali eni ẹ tialọ idi eke ali ipfeli.

¹³ Ighọ uruli o ngme, ọọ li, “Vule iPita, gbe ni u le.”

¹⁴ Ama iPita ọọ, “Iiye e, Ọnọmhue! Mhia kpe tigbe le eminale ni ẹa pfuase ni a ghue ghue, a ti ẹ bia mhe.”

¹⁵ Oni uruli o gbo nu ọli ngme, ọọ li, “Emini Eshinẹgba ọ da rọ khi oni o pfuase se, khi ke lu ọli emini ọa pfuase.”

¹⁶ Itesẹ o lighọ mhẹsẹ abọ ri egbọli khase neni a rue oni emhi nga idane.

¹⁷ Abi iPita ọ kie li i sa ingme imẹ-alo ni ọ mẹ, emose ni iKọnilusi ọ ghie usomhi, e nono owa oyi iSamọ mẹ. E migha odalo ode unuekpe oyi oni apfẹ.

18 E lu mhila, “A mhōli ọpfese shi ana ni a lu iSamọ iPita?”

19 Abi iPita ọ kiele khọkhọ emini oni ime-alo ona o ngme, Ayemhe ọ rọ gueye ọli, “Ri esọ kpẹ emose aase ẹẹ nono ẹ.

20 Nyanya mu egbe ni u deba we vu, khi mhemhe mhi ghie we.”

21 Igho iPita ọ tiemhi deba we, ọọ we, “Mhemhe a nono, elo e re ẹ bhale?”

22 Eẹ ọli, “Ọga oyi ekhọli-okhue ni a lu iKọnilusi ọ ghie anye ghi ẹ. Ọgbọ ọniemhi ni ẹgbọ iJu e mu ekpe a na ọ khi. Ọ gbo khi ọgbọ ni ọ pfuase ni ọọ ga Eshinegba. Ageni ọ gueye ọli ọ ghie ghi ẹ, u bhale owa oyọli, ni ọ suọ ingme ni u ya gueye ọli.”

23 Igho iPita ọ lu eni emose lo owa oyọli, e gbhe agho ni ogbe o gbe.

IPita ọ la apfe oyi iKọnilusi

Ogbeakolo, lolu ali eni e miesuo eghuo e rọte ijopa deba we vu.

24 Ogbeakolo, e lo elemhi ẹoli iSizeria le, ashini iKọnilusi ali apfoli ali egbegbi emole ọli, e legba migha ẹ khe we.

25 Abi iPita ọ rọ ramhi agho, iKọnilusi ọ lo ọ li ode, ọ wugha, ọ nyese ukhomhi tse ọli.

26 Ama iPita ọ mu ọli vule, ọọ li, “Vule khi ọgbọ ọnabi yeye mhi khi.”

27 IPita ọ nu ọli ngme, ọ lo owa, ọ bhale ya ẹ ẹgbọ ni e bu shi agho.

28 Ọọ we, “Eẹ a she lese khi eri Ishi eyi iMosisi ọọ ẹgbọ iJu e khi kugbe ẹgbọ iJeta ọ, wekhi eri e ko ya feli ọgbọ ni ọa khi iJu. Ama Eshinegba ọ roli khase

mhe mhi khi leli oḡbòkhòghuo shi ọni ọa pfuase ali ọni a ghue.

²⁹ Irarigho, abi u ro ghie lu mhe, mhia mholi akhokhomhe shi o. Elo u mema lu mhe shi?”

³⁰ IKonilusi oḡ li, “Amo o li ele ene, eḡheḡhe agogo ese oḡuota, mhi ro la owa oyemhe e so iromhi. Udemhija mhi me khi omose oḡhuo o so itsua ni ee ge nyanyanya o migha mhe odalo.

³¹ Oḡ li, ‘IKonilusi, Eshineḡba o she suo iromhi eye, o she gbo me ikanya isomhelemhi ni u gbe e deba eḡbo eni ea mhue.

³² Ghie oḡbo ghi omose ni a lu iSamọ iPita ni o la iJopa. Opfese o khi shi owa oyi iSamọ ni o ri ekue elamhi e gbe akanya, ni o la epfe oke oku.’

³³ Loli mhi ro ghie oḡbo ghi e pia. Oo guḡ ti, abi u bhale. Memena awa nya awa la odalo oyi Eshineḡba ni anye suo emini Onomhue o gueye u gueye anye.”

Ungmemhi ni iPita o ngme

³⁴ IPita oḡ, “Mhi she me oli me khi igesikia o khi, khi Eshineḡba ọa mholi khi ona o kpe oli ne,*

³⁵ ama eḡbo kpa ni e da a na ulishi oyi Eshineḡba, ni e gbolo e rieḡ emini o roḡe ode, Eshineḡba o kpe obo oḡ mie.

³⁶ Eḡ a lese usomhi ni o ghie ghi eḡbo iZireni, ni o khi usomhi onete oyi opfomhe ni o roḡe obo oyi iJesu iKirisiti ni o khi Onomhue oyi aḡbo kpa bhale.

³⁷ Eḡ a lese ingme ni a me elemhi eke iJudia nya, ni o roḡe iGalili gbaekele, abi iJoni o ro o tse abo usomhi gueye eḡbo, khi a mema batazi we,

* **10:34** Li ze *iDeut 10.17*

³⁸ abi Eshinegba o li ri Ayemhe-nọ-pfuase ali ekpabo kpha iJesu onge iNazareti so, ali abi o li i kiakia ashakpa riele onete, ni o mie egbo pfuese obo oyi ekpabo eyi okphaghie, itobo khi Eshinegba o nu oli la.

³⁹ “Anye ri eloe me ikanya ni o gbe nya, elemhi eoli eyi egbo iJu ali iJerusalemu. Wewe e tali ma oora apfida gbe oli-a.

⁴⁰ Ama ele nuzi-ese, Eshinegba o rote eghuli guise oli le ni a me oli.

⁴¹ Oa khi ogbokpa o me oli, see ni anye ni Eshinegba o she kpe ze, anye khi otsele, anye ni anye nu oli le eminale ni anye gbo nu oli da abi o ro rote eghuli guale se.

⁴² O mhesa na anye, anye kia ke gueye egbokpa ali anye gbo ke pfi otsele shi o khi lolu iJesu, Eshinegba o ze, lolu khi oso-ezo oyi eni e la o ali eni e ghu-a.

⁴³ Emekeguele nya e kpe ngme ungmehi oyoli khi eni e da mie oli suo khi a ya gbe olamhe kua na we, rote ekpabo ni o la eva oyoli.”

Egbo ijeta e mie ayemhe ni o pfuase

⁴⁴ Abi iPita o kie li i ngme, Ayemhe-nọ-pfuase o tiemhile na egbo ni e suo oni ungmehi.

⁴⁵ Aba e sha eni e miesuo ni e shele-a, ni e rote eoli iJopa kphase iPita bhale agho, khi Eshinegba o li ri Ayemhe-nọ-pfuase na egbo ijeta.

⁴⁶ Irari khi e suo khi e ngme emue ododa eyi Ayemhe nọ pfuase, e kuaghie Eshinegba.

Igho iPita o ri irarigho lie,

47 “Ogbokhoghuo o doḅe ya liẹ oḅo khi ri amẹ batazi eḅo ena mena? E she li mie Ayemhe-ṅo-pfuase abi awa li mie ọli.”

48 Igho iPita ọọ a ka ri eva oyi iJesu iKirisiti batazi wẹ. Igho e gueye ọli o nu wewe la agho ikukumi ogbele.

11

IPita o gueye eni e miesuo emini o riẹ

1 Eni ighiusomhi na keḅe ali eni e miesuo ni e la eke iJudia nya e suo khi eḅo iḅeta e li mie ungmehi oyi Eshinegba suo.

2 Abi iPita o ro nga obini iJerusalemu, eni e miesuo ni e sheḅe-a, ee shi iPita unu.

3 Eḅe ọli, “Yeye u lo owa oyi eḅo iḅeta ni ẹa sheḅe-a, u gbo la agho le eminale!”

4 Igho iPita o roḅe eke roli lo wẹ esọ abi a ga li me oni ingme nya. Oo wẹ,

5 “Eoli iJopa mhi la a so iromhi, ni ukuku olese o ro kia mhe alo-a, ni mhi ro me ime-alo, mhi me khi emini o li abi ode ni o ze igo ene, o te idane tiemhile ashini mhi la.

6 Mhi bino elemhi ọli, mhi me elamhako ni e ze awe-ene, ali elamhako ebuli, ali elamhako ni e tialo idi eke, ipfeli na idane e li la elemhi ọli.

7 Igho mhi suo khi uruli o nu mhe ngme, oo mhe, ‘Vule, iPita gbe elamhi ena, ni u le.’

8 “Ama, mhiẹ ọli, ‘Iiye e, Onomhue! Mhi aa le eminale ni ẹa pfuase ni a ghue ghue abi a te bia mhe.’

9 “Oni uruli o gbo nu mhe ngme, oo mhe, ‘Emini Eshinegba o she ro pfuase, khi ke roli shi emhi ni ọa pfuase.’

10 Itese o li igho mhesẹ abo ri egboli khase neni a rue oni ode nga idane.

11 “Aghoagho, eni emose aase ni e te iSizeria nono mhe bhale, e lo owa ni mhi la le.

12 Ayemhe o gueye mhe mhi deba we vu, mhia aa khe ako. Egbọ osasa ena e te eoli iJopa kphase mhe je eoli iSizeria ni anye ro ga bhale owa oyi iKonilusi.

13 Loli o gueye anye abi o li me ageni elemhi owa oyoli, ni o oli, ‘Ghie ogbo je iJopa ya lu omose ni a lu iSamọ ni a gbo lo a lu iPita.

14 Loli o ya gueye abi yeye ali apfe a li ya mholi imiepfuese.’

15 “Abi mhi li i ngme, Ayemhe-no-pfuase o tiemhile shi we o abi o li rote igbaekele li tiemhile shi awa o.

16 Igho mhi yelele emini Onomhue o ngme ni oo, ‘Ame iJoni o ro batazi egbo, ama Ayemhe-no-pfuase a ke ro ya batazi e.’*

17 Abi o ro khia khi Eshinegba o she ri isomhopfa enabi o ro na awa abi awa ro mie iJesu iKirisiti Onomhue suo li na egbo ni e a khi iJu. Oghuo o khi mhemhe ni mhi ya nu Eshinegba khabo?”

18 Abi e ro suo ona se, e yemhe awolo-a, ee kueghie Eshinegba, ee lie, “Eshinegba o li ze ni egbo ifeta e li mu pfi ni e li mhue agbo na agboagbo.”

Igbaa oyi eni e mie iJesu iKirisiti suo ni o la Atioki

19 Eni e mie iJesu iKirisiti suo e kia gbhiaku eke iFonisha ali eke iSapurosi ali eoli Atioki itobo okholi ni a mu vule shi we o eghẹghẹ ni a ro gbe iSitivini-a. E kia gue oni usomhi ye egbo iJu weweghuo tse.†

* 11:16 Li ze Ika 1.5 † 11:19 Li ze Ika 8.1-4

20 Eghuo ọ e rọte eke iSapurosi ali eke iSairini bhale, e vu je ẹoli Atiọki, e lili gue usomhi onete oyi Ọnọmhue ye ẹgbọ iGiriki

21 Ekpabọ oyi Ọnọmhue o nu wẹ la, Ebubu ẹgbọ e miesuọ, e mu udu pfi deba Ọnọmhue.

22 Igbaa oyi eni e mie iJesu iKirisiti suọ ni e la iJerusalemu e suọ oni ingme, ighọ e ghie iBanabasi je ẹoli Atiọki.

23 Abi ọ rọ ramhi aghọ, ni ọ rọ mẹ abi Eshinegba ọ li somhi-elemhi eni ẹgbọ, egbe e mu ọli. Ọ ri udu shi wẹ ọ e ri udu oyewẹ nya na Ọnọmhue.

24 IBanabasi ọ khi egbegbi ọgbọ onete ni ọ mhue Ayemhe-nọ-pfuase ali irudunga oniemi. Ebubu ẹgbọ e ri itobọ emini ọ rieḽe mie Ọnọmhue suọ.

25 Ighọ iBanabasi ọ je ẹoli iTasosi ya nono iSolu.

26 Abi ọ rọ mẹ ọli, ọ rue ọli je ẹoli Atiọki, e la aghọ ukpe oghuo, ee sese ebubu ẹgbọ. Elemhi ẹoli Atiọki a la te odode kpẹ lu eni e miesuọ, iKirisiti enikeke.‡

27 Oni ẹghẹghẹ, emekeguele eghuo e rọte ẹoli iJerusalemu je Atiọki.

28 Ọghuo elemhi eni emekeguele ni a lu Agabusi ọ vule, ọ guele abi Ayemhe ọ ghie ọli, khi úkhúmhi o ya pfi ushishi na eke iRomu nya. (Eghẹghẹ ni iKiladiusi ọ rọ khi Oghie iRomu nya ona o rọ bhale ya tse.)§

29 Eniye odukhokho eyi iJesu ni e la Atiọki e gba ugbamhi, abi e li ya ri ikpaghiobọ ghie usomhi ghi eni e miesuọ ni e la eke iJudia, abi ọgbogbo ọ mhue ekpabọ ramhi.

‡ 11:26 Ẹgbọ eni ẹẹ ngeli a bi iJesu iKirisiti a lu iKirisitiani.

§ 11:28 Li zẹ Ika 21.10

³⁰ Igho e zela ikpagho kugbe, e rewe ghie iBan-abasi ali iSolu usomhi ghi eni egbhali ni e la igbaa oyi eni e mie iJesu iKirisiti suo na iJerusalemu.

12

Imhese-bino onofune

¹ Oni eghenge agho, oghie Erodu o muno egbo eghuo ena igbaa oyi eni e mie iJesu iKirisiti suo, o o nono ni loli nase we shi afue.

² O ri unu bhale a ri uwere gbe iJemhisi ni o khi inyoghuo iJoni-a.

³ Abi o ro me khi o ti egbo iJu eloe, o gbo mu iPita shi owa. Oni eghenge e ro li ukpe ibuledi ni aa ri ifuma ma nye.

⁴ O mu oli se, o roli shi owa ighumha, o ze ekholi-okhue ikuwe asha ene ni e ooghi egbe, e ri eloe shi oli egbe. Erodu o mholi oli shi udu khi a kha da li oni ukpe se, loli rue oli lasele gboo, ni a gue oli ezọ.*

⁵ Igho a ri iPita shi owa ighumha, ama igbaa oyi eni e mie iJesu iKirisiti suo e toto obo o so iromhi lu Eshinegba na li.

⁶ Eliyose ni Erodu o kha ro rue iPita lasele ogbeakolo, iPita o lese-a shi ifuabo eyi iku ekholi-okhue aava, a ri iwenge eva ge oli. Eni e khe ekhe aava elese e la ode unuekpe oni owa ighumha e khe ekhe.

⁷ Udemhija, ageni oyi Onomhue o lole, igho akpa o la elemhi oni owa ighumha a ge. Oni ageni o pfi iPita emhi epfe, guise oli le. Oo li, "Nyanya vule!" Utoghuokpe, iwenge ni a so li e ku oli abo kua.

* **12:4** Li ze Okiali 12.1-27

⁸ Igho oni ageni oḡo li, “Ri oḡbeṇe oye mu oku, ri ekue sḡ.” IPita o nyanya ligho. Oḡo li, “Ri itsua eye sḡ, ke deba mhe.”

⁹ Igho IPita o deba li je olase oni owa ighumha, ama oḡa lese khi emini oni ageni o rieḡe khi egbegbi ingme lo, o dabi khi elena loḡi ii la.

¹⁰ E doḡe eni e khe ekhe eni odode ali enuzava. E bhale ode unuekpe akhuli ni a roḡe a lasele shi ifui apfe. Oni ode unuekpe akhuli loḡighuo o khueghie-a. E roḡe o doḡe. Abi e roḡe kia ifui apfe le deṇe, oni ageni o kele-a.

¹¹ Igho egbhali eyi iPita e na ya to. Oḡo, “Ena mhi lese, ni oḡa mhue akhokhomhe khi Onomhue o ghie ageni oyoli, o ka pfa mhe shi eke obḡo oyi Eroḡdu ali emini egbo iJu eḡe sa khi mhi ya me nya.”

¹² Abi egbhali eyoli e roḡe na ya to se, o je owa oyi iMeli ni o khi inyḡo iḲoni ni a gbolo e lu iMaki. Agho eni e miesuo e legba la a sḡ iromhi.

¹³ IPita o kpheli ode na olase. Igho omueshi ni oḡo ga oḡbo ni a lu iRoda o bhale ya mie oḡi unu.

¹⁴ Abi o roḡe suo uruli oyi iPita, oghelḡe o voḡo udu. Oḡa je okpe ode-a ne, o nyanya nyene egbe ukhokho ya tseḡe gueye we, “IPita o she jele!”

¹⁵ Eḡe oḡi, “Ujili oḡo kphe!” Ama o li khi egbegbi ingme loḡi e ngme. Igho e oḡi, “Ayemhe olimhi oyoli lo!”

¹⁶ Ama iPita o kiele kpheli obḡo ode. Abi e ke roḡe khueghie oni ode-a, e me khi loḡi lo. Abḡe e sha we.

¹⁷ O ri obḡo gbe we akhiakhia. O tigbe gueye we abi Onomhue o li rue lue owa ighumha le. Oḡo we, “A gueye iJemhisi ali eni e miesuo eni e kpoḡe.” Igho o vu je oboese.

18 Ogbeakolo, ozughu o lo iteva oyi eni ekholi-okhue le shi abi iPita o li kia.

19 Abi Erodu o ro o e lolo nono iPita kia gasẹ, ni ẹa ro me ọli. O ri eni ẹẹ khe ekhe egho gue ezọ. Oo a gbolo we-a.

Eghuli oyi Erodu

Abi a ro me enana se, Erodu o rote eke iJudia je iSizeria ya la ukuku eghẹghẹ.

20 Elemhi e lolo bi Erodu deba egbo iTai ali iSidoni. Igho eni egbo e to ukhomhi ma, ee dua abi e li ya me asha nu oni oghie shito ngme. Abi iBilasitosi ni o khi adogeli oyi oghie o ro lama shi we o, e tigbe lama khi wewe e ya lema oghie ni wewe e ro riefe. Itobo khi ẹoli oyi oni Erodu eni egbo e rote me eminale e de.

21 Oni ogbele o ramhi Erodu o gbanọ itsua oghie eyoli, o shito ukpekhomhi oghie oyoli. O nu eni egbo o ngme.

22 Eni egbo e ku unu-a nyoghoo, e li, “Uruli oyi Eshinegba na, ọa ke khi oyi ogbo.”

23 Utoghuo kpe aḡeni oyi Onomhue o pfi Erodu emhi, itobo khi ọa ri ekpe na Eshinegba. Ekholi e ri ọli le. O ghu eghuli osoli.

24 Ungmemhi oyi Eshinegba o gbhiaku ashakpa, oo ge sho.

25 IBanabasi ali iSolu e rote iJerusalemu, obini a ri ikpagho ghie we usomhi je jele. Abi e ro o jele, e rue iJoni ni a gbolo e lu iMaki mhue obo.

13

A ze iBanabasi ali iSolu ghie usomhi

¹ Emekeguele ali eni ẹ seṣe e la igbaa oyi eni e mie iJesu iKirisiti suọ ni ọ la Atiọki, ni e khi iBanabasi, ali iSamọ ni ọ khi ọgbọ ọbishi, ali iLushọsi ọngi iSairini, iMaini ọni a ga kuẹẹ ọli ali oghie Erọdu, ali iSọlu.

² Abi e li i kuẹghie Ọnọmhue ni e li i pfi azumhi, Ayẹmhe-nọ-pfuase ọọ wẹ, “A zẹ iBanabasi ali iSọlu-ọ lase na mhe ni e ya gbe akanya ni mhi lu wẹ shi.”

³ E pfi azumhi, e ri abọ nga wẹ ukhomhi sọ iromhi na, e ghie wẹ vu.

Elemhi iSapurosi

⁴ Ayẹmhe-nọ-pfuase ọ ghie iBanabasi ali iSọlu je iSelusha aghọ e te lo ọkọ oke je eke ni oku o khi shi na lu iSapurosi.

⁵ Abi e rọ ramhi ẹoli iSalamisi, e la owa ugamhi oyi ẹgbọ iju gue ungmehi oyi Eshinegba le. IJoni ni a gbolo ẹ lu iMaki ọ la aghọ ri obọ da wẹ oni akanya.

⁶ E kia je ukiẹkiẹ iSapurosi ni o kpọle nya, e bhale ẹoli iPafọsi. Aghọ e ya ẹ ọbo ni a lu iBajisọsi ọngi iJu ni ọọ li ẹboli, ni ọ khi ọmekeguele ọyi ẹgbhọli.

⁷ Lọli ọ khi ọmọle ọni igovunọ ni ọ la oni eke, eva oyi ọni igovunọ khi iSajọsi iPolọsi ni ọ khi ọtsegbhe. Ọni igovunọ ọ lu iBanabasi ali iSọlu itobọ khi ọ nono ni lọli suọ ungmehi oyi Eshinegba.

⁸ Ama ọni iBajisọsi ni ọ liẹ Elimasi ni ọọ li ọbo, ọ tsua ozughu lo aghọ le ini ọni igovunọ ọ khi mẹ asha miesuọ.

⁹ Ighọ iSọlu ni a liẹ lu iPolu, ni Ayẹmhe-nọ-pfuase ọ vọ egbe, ọ feli ọni ọbo chii.

10 Oo li, “Yeḡe omi okphaghie! Yeḡe obe eminete ni u wa li ikenegue. Ele u ya rote imu-ungmemhi oyi Eshinegba pfi ukhomhi kpoke lasele?”

11 Memena Eshinegba o ya nise obo oyoli ti e, u ya ze alo, waa ke gbo doḡe ya me ugemhi oyi ovo ukuku eghēghe ne.”

Aghoaghō, Elimasi o me khi alo eyelue e bi obili-a, Oo bibi, oo nono oni o ya mu oli obo ke kia.

12 Abi oni igovuno o ro me ingme ni a me, o miesuo, irari khi oseḡe ingme oyi Onomhue o ri abo sha li.

Atioki ni o la elemhi iPisidia

13 IPolu ali apfoli e rote iPafosi lo oko oke da oke oniemi je iPeriga, ni o khi eoli ni o la iPafia. Ana iJoni ni a gbolo e lu iMaki o pfi we shi nyene egbe je iJerusalemu.

14 E rote iPeriga je eoli Atioki ni o la eke iPisidia. Ogbeḡe iyemheḡa oyi iju, e lo owa ugamhi ya shito.

15 Abi e ro rote ebe ishi oyi iMosisi ali ebe eyi emekeguele ze se, eni ee mhesḡe shi oni owa ugamhi e ghie usomhi ya gueye iPolu ali iBanabasi, ee we, “Inyoghuo anye, ini a mholi ungmemehi ni a me ya guele ni o ya ri udu shi egbo o, a ke ngme.”

16 IPolu o vule migha o ri obo nu we ngme. Oo, “Ee egbo iZireni ali ee iJeta ni a ga Eshinegba a ri eso shi mhe eke!”

17 Eshinegba oyi egbo iZireni o ze eni e bia awa, loli o rewe khi egbo eniemi, oni eghēghe e khi epfese shi eke iJipiti. Eshinegba o ri ekpabo eyoli wolow we eke iJipiti lasele.*

* 13:17 Li ze Okiali 1.7; 12.51

18 Elemhi ikpe egbhueva o ri abo mu udu na e elemhi odagbe ifufu.†

19 Edeli ishilua o pfusea eke iKena. O ri eke oyewe na egbo eyoli le ugu.‡

20 Elemhi ikpe egbhue-uye ali eva ali ikpe igbe (450) a me ingme enana.§

“Abi a ro me ena se, o ri eso-ezo na we ni ee mheso, ya ramhi egheghe oyi iSamueni omekeguele.

21 Igho eni egbo e mhila Eshinegba o ri oghie na wewe, Eshinegba o rue iSolu omi iKishi oyi unuekpe oyi iBejami na we. Loli o khi oghie oyewe elemhi ikpe egbhueva.*

22 Abi Eshinegba o ro rue iSolu oghie le, o ri iDefidi le oghie na we. Ingme ni Eshinegba o ngme shi iDefidi egbe na, ‘Mhi she me khi iDefidi omi ijese o khi omose onabi udu oyemhe oo nono, o ya riele oghuemhe oyemhe nya.’†

23 “Rote unuekpe oyi oni iDefidi, ijesu ni o khi Omiepfuese oyi egbo iZireni o te bhale, abi Eshinegba o li roli shobo.

24 Neni ijesu o bhale, ijoni o she kpe gueye egbo iZireni e ti olamhe le, e mupfi deba Eshinegba, egheghe agho ni a batazi we.‡

25 Abi ijoni o ro gbe akanya se, o mhila eni egbo, oo, ‘Oghuo a khokho mhe shi? Mhi aa khi oni a migha a khe. Oni o ya bhale ini mhi gbe akanya oyemhe se, mhi aa fu te ni mhia taghie uli eku ni

† 13:18 Li ze iNoba 14.34; iDeut 1.31 ‡ 13:19 Li ze iDeut 7.1; iJosh 14.1 § 13:20 Li ze iDeut 7.1; iJosh 14.1 * 13:21 Li ze 1 iSam 8.5; 10.21 † 13:22 Li ze 1 iSam 13.14; 16.12; Iwolo 89.20 ‡ 13:24 Li ze iMak 1.4; iLuk 3.3

ọ so-a. §

²⁶ “Inyoghuo-mhẹ imi Aburaamu, ali ẹẹ ijẹta ni a na ulishi Ẹshinẹgba ni a la akana, oni ungmehi imiepfuese ona, oyawa lọ!

²⁷ Ẹgbọ ni e la iJerusalemu ali eni ẹẹ mhẹsẹ na wẹ, ẹa lẹsẹ iJesu shi Omiepfuese. Ama igbe-a ni e gbe iJesu-a, o ri emini emekẹguele ee ngme, ni ee zẹ khase wẹ ẹlẹ iyemhẹa kpa bhale ya tse.

²⁸ Abi o tseku khia khi ẹa mẹ ẹzọ gue shi ọli egbe, ẹẹ li ipaleti ọ zẹ ni a gbe ọli-a.*

²⁹ Abi e rọ riẹlẹ emini Ebe-no-pfuase o ngme shi ọli egbe se, e rue ọli apfida tiemhile, e rọli tọ uji. †

³⁰ Ama Ẹshinẹgba ọ rọte eghuli guise ọli le.

³¹ Ogbelẹ ebubu ọ ri egbọli khase ẹgbọ eni e nu ọli rọte iGalili je iJerusalemu. Wẹwẹ e ke pfi ọtsele shi ingme oyọli khase ẹgbọ eyawa. ‡

³² “Eri anye bhale akana ni anye ya ri oni usomhi onete na ẹ, ikhi ishobọ ni Ẹshinẹgba ọ shi na eni e bia awa.

³³ Ọ she ri oni ishobọ ona tse na awa imi wẹ, abi ọ li guise iJesu le. Abi a li kẹkẹ ọli shi ebe Iwolo ni uzeva, khi,

“Omimhẹ u khi, ogbe namo,
mhemhẹ mhi khi Itẹ.’

³⁴ Abi Ẹshinẹgba ọ rọte eghuli guise ọli le, ni ọa zẹ ọli ghu kẹ-a, o mu ma ungmehi oyọli ni ọ la liẹ, §

“Mhi ya ri ikhivose no pfuase,
ni a ri egbe ẹ nga egbegbọ

§ **13:25** Li zẹ iMat 3.11; iMak 1.7; iLuk 3.16; iJón 1.20,27 * **13:28** Li zẹ iMat 27.22-23; iMak 15.13-14; iLuk 23.21-23; iJón 19.15 † **13:29** Li zẹ iMat 27.57-61; iMak 15.42-47; iLuk 23.50-56; iJón 19.38-42

‡ **13:31** Li zẹ Ika 1.3 § **13:34** Li zẹ Aza 55.3

ni mhi shobo na iDefidi ne.’

³⁵ Igho o kie gbo li ngme oli shi ashese.*

“Waa ya ze ni
oni o pfuase oye
o ghu ke-a.’

³⁶ “Irari khi eri iDefidi o ga Eshinegba abi o ro la agbo, igho o ghu-a, a ri oli to mama eni e bia li. O ke-a shi elemhi uji.

³⁷ Ama idiegbe oyi iJesu ni Eshinegba o rote eghuli guise le, o a ke-a.

³⁸ “Irarigho, inyoghuo, anye tse abo ye e khi obo oyi iJesu a te ya mholi igbe olamhe kua.

³⁹ Onini o da mie oli suo ne, a she pfa na li, o a ke lue shi emini Ushi oyi iMosisi o a dobe pfa na we shi.

⁴⁰ A mhue egbhe, ini emini emekeguele e ngme o khi ya tse shi e egbe, ni ee,

⁴¹ “A ghe i, ee ni
a ri Eshinegba a li egia
Oshabo o sha e, a pfua.
Irari khi mhi ya rieje
emhi eghenge oye e

ni aa ya mie shi ghue,
ini ogho o tseku gue oli ye e.’ ”†

⁴² Abi iPolu ali iBanabasi e ro rote oni owa ugamhi vu, eni egbo e gbo lu we e nyene egbe bhale ogbele ugamhi olese ya nu wewe ngme oni ungmehi.

⁴³ Abi oni ilegba o ro gbhia khuse, egbo iJu ali egbo iJeta eni e she mu pfi bhale ugamhi oyi egbo iJu, e kpikpi i deba iPolu ali iBanabasi. IPolu ali

* **13:35** Li ze *Iwolo 16.10* † **13:41** Li ze *Abak 1.5*

iBanabasi e ye wẹ ude, e kie ke deba okhale ni ẹa fu tẹ ni Eshinẹgba ọ riẹlẹ na wẹ.

⁴⁴ Ẹlẹ iyemhẹa ni o deba li, ẹgbọ ni e la oni ẹoli nya e legba ni e ri esọ shi ungmehi oyi Eshinẹgba.

⁴⁵ Abi ẹgbọ iJu e rọ mẹ oni ilegba, ee kpe ofuma, ee kholo ingmemhi zu iPolu unu, e tsue ọli.

⁴⁶ Ama iPolu ali iBanabasi e ngme ungmehi igbedu, ẹ li, “Ẹẹ a khi eni anye kha mema kpe gue ungmehi oyi Eshinẹgba yẹ neni o ramhi ẹgbọese egbe. Ama abi a ke rọ kie oni ungmehi ni aa rọ sa khi o ti ni a mhọli agbọ na agbọagbọ eghọ, mena, anye ya zẹ ẹ obo, anye deba ẹgbọ iJeta.

⁴⁷ Irari khi ona khi omhẹsẹ ni Ọnọmhue o mhẹsẹ na anye, ni ọ rẹẹ,‡

“ ‘Mhi she rẹ ẹ khi

ákpá na ẹgbọ iJeta,

ni agbọ nya e mhue imiepfuese.’ ”

⁴⁸ Abi ẹgbọ iJeta e rọ suọ ona, ee ghele, ee kueghie Eshinẹgba shi oni ungmehi, ẹgbọ eni a she zẹ shi agbọ na agbọagbọ, e mie iJesu suọ.

⁴⁹ Oni ungmehi oyi Ọnọmhue o gbhiaku asha kpa oni eke.

⁵⁰ Ama ẹgbọ iJu e tano shi ikpotso ni ẹẹ na ulishi Eshinẹgba ni a mu ekpe a na ali ekhemhue eyi oni ẹoli. E sesẹ ẹgbọ ni e mu okhọli oniemi vule shi iPolu ali iBanabasi ọ, e khu wẹ fie lase oni ẹoli.

⁵¹ Ama eni eniye odukhokho eyi iJesu e kpishi itutu awẹ shi eke, ni e pfi ọtsele mu eni ẹgbọ. E rọte aghọ dọsẹ je ẹoli iKoniomu. §

‡ 13:47 Li zẹ Aza 42.6; 49.6 § 13:51 Li zẹ iMat 10.14; iMak 6.11; iLuk 9.5; 10.11

⁵² Oghẹlẹ ali Ayẹmhe-nọ-pfuase ọ lo eni e miesuọ eghọ egbe.

14

Emini a mẹ iKoniomu

¹ IPọlu ali iBanabasi e lo owa ugamhi oyi ẹgbọ iJu obini iKoniomu, abi e kie kpẹ ẹ li. E lolo guẹ ẹ ngme ungmehi ni o lo ẹgbọ esọ, ni o ri ebubu ẹgbọ iJu ali iJeta miesuọ.

² Ama ẹgbọ iJu ni ẹa lama miesuọ, e tanọ ẹgbọ iJeta abọ ni elemhi o yese wẹ-a deba eni e miesuọ.

³ Ighọ iPọlu ali iBanabasi e kushi aghọ tẹsẹ, e ri igbedu u ngme ungmehi oyi Onomhue ni ọ pfi ọtsẹlẹ shi ungmehi okhale oyọli, rọte ekpabọ ni ọ rọ na wẹ ẹ gbe akanya ọnyaloa ali ọshabọ.

⁴ Okemhi o lo oni ẹdẹli le, ẹgbọ eghuo e kugbe ẹgbọ iJu ọ, eghuo ọ e la ukhokho oyi ighiusomhi na keẹ.

⁵ Ighọ ẹgbọ iJeta eghuo ali ẹgbọ iJu ali enighie eyewẹ, e gba abi e li ya gbe wẹ ali abi e li ya tono wẹ eche.

⁶ Abi eni ighiusomhi e rọ suọ ona, e na je ẹoli iLisitira ali iDẹbi ni o la ekẹ iLikaonia ali ẹoli elese ni e mama wẹ.

⁷ Aghọ e la a gue usomhi onete le.

Elemhi iLisitira ali iDẹbi

⁸ Omose ọghuo ọni a bia ọkhomhi ni ọa kia ghue abi a te bia li, ọ li la oni iLisitira.

⁹ Ọ shitọ aghọ ri esọ shi ungmehi ni iPọlu ọọ ngme. IPọlu ọ mẹ khi ọ mhọli irudunga ni o dobe ya rọ li ze, iPọlu ọ bino ọli chii.

10 O tseṣe leghe, oṣ, “Vule migha!” Oni oṣose o ti vule, oṣ kia gase.

11 Abi eni eḡbọ e ro me akanya ni iPoḷu o gbe, e ngme eḷemhi iLikaonia, ee tseṣe, ee liḡ, “Ilitsa e mele eḡbọ-a bhale iteva oyawa o!”

12 Eva ni e lu iBanabasi khi iZeusi,* itobọ khi iPoḷu khi oni o mema e ngme, e lu oḷi Amesi.†

13 Oni oṣ luase oni olitsa iZeusi, ni okula oyoli o la ukhokho apfe oni eḷi, o muno ena enokpo ali idodo je oni ode unuekpẹ oyi oni eḷi, itobọ khi loḷi ali eni eḡbọ ee nono ni wewe ya luase iBanabasi ali iPoḷu abi ilitsa.

14 Abi iBanabasi ali iPoḷu e ro suo emini eni eḡbọ e mu egbe khi e ya riḡe, e nyanṣ itsua shi egbewe uruli, e nanṣ lo eni eḡbọ ifuabọ. Ee tseṣe liḡ,

15 “Elo e ze khi a li na?” Eḡbọ enabi eḡ anye khi! Ungmemhi usomhi onete anye ro tse abọ khase e, ni a roṣe ugamhi afue mu pfi deba Eshineḡba ni o laṣ, ni o ma eke ali ukhuli ali oke oniḡemhi ali emini e la elemhi we nya.‡

16 Eḡheḡhe ni o doṣe, Eshineḡba o ze ni ushishi oḡbṣḡbọ o ngeli abi o ḡhole oḷi.

17 Ama o kie roṣe akanya onete oyoli ri oḷeḷe khase khi loḷi laṣ, loḷi o roṣe idane e ruṣe amḡ shi emhi ekomhi shi eḡheḡhe, loḷi o ri eminale na e e le, o ri oḡheḷe e shi e udu.

18 Abi iPoḷu ali iBanabasi e riḡ lina nu we ngme ingmemhi ena, eḡa kie doḡe mu we ḡba e khi luase

* **14:12 iZeusi:** IZeusi o khi oḡa iyemḡe ni eḡbọ iGiriki e ga. Isheghuo a lu oḷi iJupita. Olitsa oḷese ni a lu Amesi eḡ khi o khi aghiusomhi oyoli † **14:12 Amesi:** Amesi o khi eva oyi olitsa ni eḡbọ iGiriki e ga. Eri eḡbọ iGiriki ena e liḡ khi aghiusomhi oyi iyemḡe elese ‡ **14:15** Li ze Okiali 20.11; Iwolo 146.6

ẹwẹ abi ilitsa.

¹⁹ Ẹgbọ iJu eghuo e rọte Atiọki ali iKoniomu bhale, e ri eta-ọlẹlẹmhunu ti eni ẹgbọ mama egbe, e tono iPolu eche, e tialọ ọli eke fiẹ je ukhokho oni ẹoli, e dabi khi ọ she ghua.

²⁰ Ama abi eni e miesuọ e rọ le gasẹ ọli, ọ vule, ọ nyenẹ egbe je ifuapfe ni a la tono ọli eche. Ogbekolo, loli ali iBanabasi e je ẹoli iDebi.

²¹ IPolu ali iBanabasi e gue usomhi onete le elemhi iDebi, ebubu ẹgbọ e miesuọ. Igho e nyenẹ egbe je iLisitira ali iKoniomu ali Atiọki ni o la iPidia,

²² e ri udu shi eni e miesuọ ọ e ri igesikia migha shi oni irudunga. Eẹ wẹ, “Neni awa lo Eghiele oyi Eshinegba, awa ya mẹ anasemhe.”

²³ Elemhi igbaa nya eyi eni e mie iJesu iKirisiti suọ ododa, ee zẹ egbhali shi, ee pfi azumhi sọ iromhi na wẹ rẹwẹ nga Onomhue ni e regbenga obọ.

²⁴ Abi e rọ kia gasẹ eke iPidia se, e je eke iPafia.

²⁵ Abi e rọ la ẹoli iPege gue usomhi onete le se, e te agho je ẹoli Atalia.

²⁶ Agho e te lo oko-okẹ oniemi nyenẹ egbe jele obini Atiọki; Ashini eni e miesuọ e ke la sọ iromhi na wẹ rẹ wẹ nga okhale oyi Eshinegba obọ shi akanya ni e ye ya gbe se.

²⁷ Abi e rọ jele Atiọki, e lu eni e miesuọ tigbili, e gueye wẹ ikanya ni Eshinegba ọ rẹ wẹ gbe ali abi ọ li khueghie ode-a na ẹgbọ iJeta ni e miesuọ.

²⁸ E nu eni e miesuọ la akaghọ tẹse.

15

Ilegba ni a mhọli shi iJerusalemu

¹ Egbọ eghuo e rọte ekẹ iJudia bhale Atiọki, ee sẹsẹ eni e miesuo khi, Ini aa li shẹlẹ wẹ-a abi Ushi oyi iMosisi o ngme ẹa ya khi eni a miepfuese.*

² Onana o pfi ingme ni o zẹ khi iPọlu ali iBanabasi e nu eni egbo ni e rọte iJudia bhale e khako. Irarigho, a zẹ iPọlu ali iBanabasi ali eni e miesuo elese e nga iJerusalemu ya mẹ ighiusomhi na keẹ ali eni egbhali shi oni ingme.

³ Igho e ghie wẹ e ke lẹ, abi e li rọte ekẹ iFonisha ali iSameria dọsẹ ẹ lẹ, ee gueyẹ egbo abi egbo iJeta e li mu pfi deba Eshinegba. Onana o pfi oghẹlẹ oniēmhi na eni e miesuo.

⁴ Abi e rọ ramhi iJerusalemu, eni e miesuo ali eni egbhali ali ighiusomhi na keẹ, e mu wẹ epfese. Eni a ghie usomhi e gueyẹ wẹ ikanya ododa ni Eshinegba o rọte obọ oyewẹ gbe.

⁵ Ama eni e miesuo eghuo ni e la otu iFarisi e vule, ẹẹ li, “Egbọ iJeta e mema shẹlẹ-a. A gueyẹ wẹ e ri Ushi oyi iMosisi ke gbe akanya.”

⁶ Ighiusomhi na keẹ ali eni egbhali e ye ochi shi oni ingme ona.

⁷ Abi e rọ khako shi o tẹsẹ se, iPita o vule, oo wẹ, “Inyoghuo, a lẹsẹ khi egheghe ni o dọsẹ, Eshinegba o rọte iteva oyẹ ẹ zẹ mhẹ mhi ka gue oni usomhi onete yẹ egbo iJeta ni e mẹ asha suọ, ni e miesuo.†

⁸ Eshinegba ni o lẹsẹ isamhi ni e la ogbokpa udu, o ri Ayemhe-no-pfuase na egbo iJeta, rọ rọli khase khi loli li mie wẹ, ẹzẹzẹ abi o li li mie awa.‡

* **15:1** Li zẹ iLev 12.3 † **15:7** Li zẹ Ika 10.1-43 ‡ **15:8** Li zẹ Ika 2.4; 10.44

⁹ Oa ri ikhiṛda shi iteva oyawa ali wẹwẹ, irari khi ọ khueṣe udu oyewẹ-a pfuase itobo khi e imiesuṛ.

¹⁰ Memena, elọ o zẹ khi a nono ni a mḥeṣe Eshinegba bino, ni a rọ ọ sheli iJeta ni e miesuṛ itsua ni awa ali eni e bia awa ẹa doḃe tsua?

¹¹ Iiye e! Awa lama shi ọ khi okhale oyi iJesu iKirisiti Onomhue o mie awa pfuese, ighọ li khi wẹwẹ.”

¹² Oni igbaa e tsaghiẹ-a tsuke, abi e rọ suṛ ọlele eyi onyaloa ali oshabọ nya ni Eshinegba ọ rọte obọ oyi iPolu ali iBanabasi gbe iteva oyi ẹgbọ iJeta.

¹³ Abi e rọ ngme se, iJemhisi ọọ, “Inyoghuo, a ri esọ shi mḥe eke!

¹⁴ ISamọ iPita ọ leṣe guele abi Eshinegba ọ li mḥoli omuegbe shi ingme oyi ẹgbọ iJeta, ni ọ rọte elemhi wẹ sanọ ẹgbọ, rọ mele ẹgbọ eyọli-a.

¹⁵ Onana o ri emini emekeguele e keke shi Ebe-no-pfuase bhale ya tṣe, ni ọọ,

¹⁶ “ ‘Ini a mḥe enana se,
mhi ya nyene egbe bhale,
mhi rue eghiele oyi iDefidi
gbo nyene egbe bhale,
mhi riẹle ikpukpu-igbe
ni e de kua oyọli ma,
mhi gbo zese ọli-a.

¹⁷ Isheghọ ẹgbọ ni e kpole nya
e nyene egbe bhale deba Onomhue,
ẹgbọ iJeta nya ni mhi lu,
e bhale ya khi eyemḥe,

Onomhue ọ ngme ghọ,
ni ọ riẹle emhi ena.’

¹⁸ Lọli ọ she kpẹ zẹ

ni a leşę ona shi eķę agboagbo.Ş

19 “Abi mhi so ọ shi khi, awa khi pfi ęgbọ iĵeta ni e nyene ębe bhale deba ęshinegba lo ọmunu.

20 Awa ri ochoghọ keķę ebe ya gueye wę, e khi ke le eminale ni a rọ luase ikhumhi. Awa gbo gueye wę e khi ke ku itsebo, e khi ke le ęlamhi ni aa fa uruli, e khi ke da ọlia.*

21 Irari khi o she teşę ni a te la owa ugamhi ę zę ebe Ushi oyi iMosisi ęle Iyemheę kpa, a ri ingme oyọli ę tse abo ifui ęoli kpa.”

22 Igho ighiusomhi na keķę ali eni egbhali ali eni e miesuo nya e te eni ęgbọ zę emose aava ni a mu ekpe ę na ma iPolu ali iBanabasi ębe, je Atioki. IJudasi iBasabasi ali iSalasi e zę.

23 Ebe ni e keķę rọ ghie wę usomhi na:

Anye ighiusomhi na keķę ali eni egbhali ni anye khi inyoghuo ę, anye tşę ęę Inyoghuo anye ni a khi ęgbọ iĵeta ni a la Atioki ali iSiria ali iSilisha.

24 Anye suo khi ęgbọ eghuo e rọte anye iteva vu ni o khia khi ọa khi anye ghie wę, ni e bhale ya nu ę ngme ingmemhi ni oo yese ę elemhi-a ali ni oo nase ę udu.

25 Irarigho, anye rọ kugbe ghie emose eghuo ghi ę, e deba iBanabasi ali iPolu emole anye bhale.

26 Emose ena e she ri agbo oyewę shi okheņa itobo eva oyi iJesu iKirisiti Onomhue.

27 Irarigho, anye rọ ghie iJudasi ali iSalasi ni e ri unu gue emini anye keķę shi ebe ye ę.

28 O ti Ayemhe-nọ-pfuase ali anye ęloe, ini anye khi ri itsua elese nase ę tsua doşę ishi enana.

Ş 15:18 Li zę Emọ 9.11-12 * 15:20 Li zę Okiali 34.15-17; iLev 17.10-16; 18.6-23

29 A ti egbe eminale ni a rọ luase ikhumhi le, a khi ke da ọlia, a khi le ẹlamhi ni aa fa uruli. A khi ku itsebo. O ma a ti ẹ egbe ini a lase emhi enana le.

Ẹshinegba o nu ẹ la.

30 Eni emose ni a ghie usomhi e vu ya tiemhi Atioki. E ti eni e miesuọ nya gbili, e ri oni ebe na we.

31 Abi eni ẹgbọ e rọ zẹ oni ebe se, oghẹle o vọ we elemhi itobọ khi usomhi onete ni o ri udu ẹ shi ogbọ o o tsua.

32 Ijudasi ali iSalasi ni e khi emekẹguele e nu we ngme ebubu ingmemhi ri udu shi we o, e zese we-

a. 33 E nu we la aghọ ukuku ẹghẹghẹ, eni e miesuọ e tse we okhila. Wewe ni a ghie usomhi e nyene egbe je iJerusalemu deba eni e ghie we.

34 [Ama iSalasi o lama nu we la aghọ.]

35 IPọlu ali iBanabasi e la Atioki, wewe ali ẹgbọ elese e la aghọ o sese, ee tse abọ ungmehi oyi Onomhue.

IPọlu ali iBanabasi e vase egbe-a

36 Abi ebubu oghẹle e rọ dose, iPọlu o gueye iBanabasi, o o li, “Awa nyene egbe je ẹoli ni awa te dose ni awa ya bino ẹgbọ ni awa gue ungmehi oyi Onomhue ye, ni awa me abi e ke la o shi.”

37 O ghọle iBanabasi ni e tsua iJoni ni a gbolo ẹ lu iMaki ma egbe vu.

38 Ama ọa ghọle iPọlu ni e tsua li. Itobọ khi oni iJoni ni a gbolo ẹ lu iMaki ọa nu we gbe ikanya ramhi ukpese ni o rọ tsua we kua eke iPafilia vu, o so ukhokho gbe we.†

† 15:38 Li zẹ Ika 13.13

³⁹ IPọlu ali iBanabasi e mhọli ekhako ni o toto shi ingme ona, e kemhi egbe. IBanabasi ọ rue iJoni iMaki ma egbe, e lo ọko-oke oniẹmhi da je iSapurọsi.

⁴⁰ Ama iPọlu ọ pfi obọ rue iSalasi, e vu abi eni e miesuọ e rọ sọ iromhi na wẹ, rẹ wẹ nga okhale ireloe-khu oyi Ọnọmhue se.

⁴¹ E kia rọte ekẹ iSiria ali iSilisha, e ri udu u shi igbaa nya eyi eni e mie iKirisiti suọ ọ.

16

ITimoti ọ deba iPọlu ali iSalasi

¹ IPọlu ọ bhale ẹoli iDẹbi ali iLisitira, ashini ọmọ odukhokho ni a lu iTimoti ọ la. Inyọli ni ọ li miesuọ ọ khi ọngi iJu, ama itali ọ khi ọngi iGiriki.

² Igbaa oyi eni e mie iJesu iKirisiti suọ ni e la iLisitira ali iKoniomu nya e ngme onete oyi iTimoti.

³ IPọlu ọọ nono ni lọli ri iTimoti ma egbe vu, ighọ ọ shele ọli-a. Itobọ khi ẹgbọ iJu ni e la oobọ e ga lẹse khi ita iTimoti khi ọngi iGiriki lọ.

⁴ Abi e li kia ẹoli i gase, e sese eni e miesuọ ilamashi ni ighiusomhi na keẹ ali eni egbhali ni e la iJerusalemu e keke shi ebe na wẹ, e gueye wẹ, e rẹwẹ gbe akanya.

⁵ Ighọ igbaa nya eyi eni e mie iKirisiti suọ, e fu u shi irudunga, ee bua shi ọ ẹlekpa.

IMeke ni iPọlu ọ me obini iTiroasi

⁶ IPọlu ali eni e ga kia, e rọte ekẹ iFirigia ali iGalesha, itobọ khi Ayemhe-nọ-pfuase ọa ze wẹ gue usomhi onete le ekẹ Esha.

⁷ Abi e rọ ramhi eke iMisia, ee nono ni wewe e lo elemhi eke iBitinia, ama Ayemhe oyi iJesu ọa ze we lo.

⁸ Igho e rọte eke iMisia dose je iTiroasi.

⁹ Eliyose elegeho iPolu o me ime-alo, o me khi ongi iMasidonia o migha a lema, “Bhale iMasidonia ni u ya kpaghi anye obo!”

¹⁰ Abi iPolu o rọ me oni imeke se, anye mu egbe e le iMasidonia, itobo khi anye lese khi Eshinegba o she lu anye, anye je agho ya gue usomhi onete le.

ILidia o mu pfi

¹¹ Anye rọte iTiroasi lo oko-okọ oniemi da oke oniemi je iSamotirasi, ogbeakolo, anye te agho je iNiapolisi.

¹² Agho anye te je ifuapfe oyi iFilipi ni o khi eoli ni o mu eloe shi eke iMasidonia ni ebubu egbo iRomu e ngeli. Anye ga la agho ebubu ogbele.

¹³ Ogbele iyemhe oyi egbo iJu, anye te oni eoli vu je oni oke, ashini anye khokho khi egbo iJu ee lona shi iromhi isoso. Anye shito nu ikpotso ni e legba agho ngme.

¹⁴ Okpotso oghuo elemhi we ni o ri esọ shi eke khi iLidia ongi iTiatira, oni o ri ide eyile e de. O khi okpotso ni oo na ulishi Eshinegba. Abi iPolu o li i ngme, Eshinegba o khueghie oli udu-a shi oni ungemhi.

¹⁵ Abi a rọ batazi oli ali apfọli se, o lu anye je owa oyoli, oo anye, “A kha lese khi egbegbi oni o miesuo mhi khi, a bhale ya ku shi na mhe.” O ti anye shi o ramhi ni anye rọ lama shi oli o.

A mu iPolu ali iSalasi shi igha

16 Eḷeghuo abi anye li i je ashini anye la a sọ iromhi, ọmueshi oghumha oghuo ni ọ mhọli ayemhẹ obe ni ọ rọ ọ mekẹ guele emini a ya me, ọ ya to anye ukhomhi. Eri ọ ri oni ekpabọ imeguele ona a gbe ikpaghọ na eni e mhọli ọli.

17 Ọọ deba iPọlu ali anye, ọọ tsesẹ, ọọ liẹ, “Eni ẹ ga Eshinegba ni ọ funẹ eni ẹgbọ ena e khi! Eri ẹ tse abọ guele abi a li ya mhọli imiepfunese!”

18 Ina ọ li i rieḷe ọli ogbeḷe kpa ya ramhi ni oni ingme o rọ ri elemhi i bi iPọlu, ighọ iPọlu ọ nyene ẹgbe gueye oni ayemhẹ, ọọ li, “Mhi ri eva oyi iJesu mhese ne, fiẹ ọli idiegbe ya lase!” Aghoaghọ oni ayemhẹ o fiẹ ọli idiegbe ya lase.

19 Abi eni e mhọli ọli e rọ me khi ẹa ke me ikpaghọ afa ni e kpẹ te ẹ ọli obo ọ me, e mu iPọlu ali iSalasi tialọ ghi enighie obini agbala oyewe.

20 E wolọ we bhale odalo oyi esọ-ẹzọ, ẹẹ we, “Emose ena, ẹgbọ iju e khi ni e pfi ozughu ẹ shi awa ifuapfe.

21 E kia a sesẹ ẹgbọ imu ni e khi ọda shi eyi awa. Awa ni awa khi iRomu, awa aa ya doḅe ri osese oyewe gbe akanya.”

22 Eni ebubu ẹgbọ e kuma we ọ gue ezọ shi iPọlu ali iSalasi egbe. Ighọ eni esọ-ẹzọ e gueye we e banọ we a, e gbe we itali.

23 Abi e rọ gbe we egbegbọ se, e tigbe pfi we lo owa ighumha. E gueye oni ọọ khe-ekhe ọ pfi okpe ashini ọ rewe shi egbegbọ.

24 Abi a rọ ri oni omhese na li se, ọ mu we kulo owa aza elemhi oni owa ighumha, ọ sọ we awe igha.

25 Abi itsotso ogbie o rọ mu eke, iPọlu ali

iSalasi ee sọ iromhi, ee to uwolo kuẹghie Ẹshinegba. Ighumha eni e kpọle e ri esọ shi wẹ eke.

²⁶ Udemhija, eke o ri itoto nighise. Oni owa ighumha o rote eke jighise egbegbo. Eloawe eloawe, ode nya ni e lo oni owa le e khueghie-a. Iweghẹ ni e ro ge eni ighumha nya e ku wẹ awe-a.

²⁷ Abi oni ọọ khe ekhe agho o ro me khi ode ni e la oni owa ighumha nya khi e khueghie-a, o dabi khi ighumha ni e la agho nya e she pfue. Igho o ji itakobi emhi lasela ni lue ro gbe egbelue-a.

²⁸ Ama iPolu o tsesẹ leghe, ọọ li, “Khi gbe egbe e-a! Anye nya anye la ana.”

²⁹ Oni ọọ khe ekhe ogho o lu ogho o nyanya rue ugbili bhale. O ri ulishi-ulishi na buẹ buẹ, o de ya wugha odalo oyi iPolu ali iSalasi.

³⁰ Igho o rue wẹ lasela, o mhila wẹ, “Elo mhi ya li ni mhi ro ya mhọli imiepfuese?”

³¹ Eẹ ọli, “Yeye ali apfe nya a mie iJesu Onomhue suo khi a ya mhọli imiepfuese.”

³² Igho e gue ungmehi oyi Onomhue ye ọli ali apfe ọli.

³³ Igho oni omose o wolo wẹ, o dua wẹ utse ni a kualo wẹ. IPolu ali iSalasi e rue ọli ali apfoli ya batazi na aghoaghọ.

³⁴ Igho o rue iPolu ali iSalasi nga owa oyoli ya ri eminale na le. Oghẹle o vo ọli ali apfoli nya udu irari khi e she mie Ẹshinegba suo.

³⁵ Eẹ uzogbe ogbeakolo, eni esọ-ezo e ri unu na ipolisi e ka gueye oni ọọ khe-ekhe ogho, “Zobe emose egho obọ ni e vu.”

³⁶ Igho oni ọọ khe ekhe ogho ọọ iPolu, “Esọ-ezo e she ri unu bhale a wolo e abo-a ni a ke vu. Opfomhe

o ka nu ẹ kia.”

³⁷ Ama iPọlu ọọ li, “Anye a li ingme okhọghuo ni a rọ mu anye gbe itali ukpẹlo e oyi ẹgbọ nya, aboriẹkhia khi ẹgbọ iRomu anye khi! Ama e mu anye kulo owa ighumha. Memena, ẹẹ nono ni wẹwẹ e bẹna rue anye abọ-a, ọa ya tse e! Eni esọ-ẹzọ wẹwẹ-ghuo e bhale ya wolọ anye lasele.”

³⁸ Eni ipolisi e lẹ ya gueye eni enighie abi e ngme. Abi e rọ suọ khi ẹgbọ iRomu iPọlu ali iSalasi e khi, ulishi o mu wẹ.

³⁹ Ighọ e vu ya kuegbe-a lema wẹ, e wolọ wẹ owa ighumha le, e lema wẹ e kpẹkpẹ e lase ẹwẹ ifuapfe le.

⁴⁰ Ighọ iPọlu ali iSalasi e lase oni owa ighumha le, e ya je apfe oyi iLidia. E bhale ya ẹ eni e miesuọ aghọ. E ri udu shi wẹ ọ, e rọte aghọ vu.

17

Obini iTẹsalonika

¹ IPọlu ali iSalasi e rọte Afipolisi ali Apolonia dọse e bhale iTẹsalonika ashini owa ugamhi oyi ẹgbọ iJu o la.

² IPọlu ọ dọse je owa ugamhi abi ọ kie kpẹ ẹ li. Efo uka ese ọ la aghọ nu wẹ rọte Ebe-no-pfuase ku ochi.

³ Ọ rọte Ebe-no-pfuase rọli khasẹ gboo, khi ọni Ọmiepfuese, ọ mema ya mẹ osoli, ọ rọte eghuli guale. IPọlu ọ gueye wẹ, “Ijesu ni mhi rọ ọ tse abọ ye ẹ ọ khi ọni Ọmiepfuese ni Ẹshinegba ọ shobọ khi lọli ya rọ bhale.”

⁴ Ẹgbọ iJu eghuo e mie shi emini iPọlu ali iSalasi e ngme, e ku ma wẹ ọ ọ ga Ẹshinegba. Ighọ li khi ẹgbọ

iGiriki eni ẹ na ulishi Ẹshinegba ali ebubu ikpotso ni e fialo-a e li miesuo.

⁵ Ama ẹgbọ iJu ee kpe ofuma, e kia ya luno ẹgbọ usueso-akhuẹ tigbili shi okhọli. E pfi ozughu shi oni ẹdẹli nya. E tsua okhọli lo owa oyi omose ni a lu iJasi ya nono iPolu ali iSalasi ni wẹwẹ e muno wẹ lasele na eni ẹgbọ.

⁶ Ama abi ẹa rọ mẹ wẹ, e tialọ iJasi ali eni e miesuo elese ghọ je odalo oyi enighie eyi oni ẹoli, e tsẹsẹ leghe, e liẹ, “Emose ena e she pfi ozughu shi asha kpa! Memena e gbo bhale ifuapfẹ eyi awa,

⁷ IJasi ọ mie wẹ shi owa oyọli. Ẹ da ishi eyi iSiza, ẹẹ khi oghie ọlese ọ laọ ni a lu iJesu.”

⁸ Abi e rọ suo eni ingmemhi ena, elemhi e te odode yese eni ebubu ẹgbọ ali enighie eyi oni ẹoli-a.

⁹ E ri iJasi ali eni a ga muno wẹ eghọ zẹ oko, neni a tigbe zẹwẹ vu.

Elemhi iBerea

¹⁰ Obili o lẹsẹ bi ẹlẹghọ, eni e miesuo e ghie iPolu ali iSalasi je iBerea. Abi e rọ ramhi aghọ, e je owa ugamhi oyi ẹgbọ iJu.

¹¹ Ẹgbọ ni e la aghọ e mhọli udu ni o khueghie-a dọsẹ eni e la iTesalonika. E ri esọ shi oni usomhi onete egbegbọ. Ogbẹlẹ kpa e rọ wẹna Ebe-nopfuasẹ ni e mẹ ini emini iPolu ọ gueyẹ wẹ ini igesikia lọ.

¹² Ẹgbọ iJu ebubu e miesuo, ikpotso iGiriki ni e fia alo-a, ali emose iGiriki e li miesuo.

¹³ Ama abi ẹgbọ iJu ni e la iTesalonika e rọ suo khi iPolu ọ la iBerea a tse abọ ungmehi oyi Ẹshinegba, e bhale aghọ ya ngmiasẹ ẹgbọ e ka pfi ozughu.

14 Eloawẹ eloawẹ, eni e miesuọ ẹẹ iPọlu vu ke je egele okẹ oniẹmhi, ama iSalasi ali iTimoti e kie la iBẹrea.

15 Eni emọse ni e kphase iPọlu, e rọ li bhale Aṭeni, e gbo nyenẹ egbe je iBẹrea. IPọlu ọ ghie wẹ ghi iSalasi ali iTimoti e keḗ bhale ya ẹ luẹ shi aghọ.

Abi iPọlu ọ rọ la obini Aṭeni

16 Abi iPọlu ọ li migha Aṭeni i khe iSalasi ali iTimoti, ọ mọ ilitsa ọdọda ni e la oni eke, o nighise ọli ayemhẹ.

17 Ighọ ọ nu ẹgbọ iJu ali ẹgbọ iJeta ni ẹẹ na ulishi Ẹshinẹgba ku ochi elemhi owa ugamhi. Ighọ ọ li gbo nu ẹgbọ kpa ni e rọte olele e dọse ẹ ngme ogbeḗ kpa.

18 Ẹgbọ eghuo ni ẹ seḗ, ni e khi Ẹpikuria ali iSitoiki e nu ọli i khe ako.* Abi iPọlu ọ rọ ngme ungmehi oyi iJesu ali irọte eghuli guale, eghuo ọ e liẹ, “Elo oyẹghẹ ona ọ mọ ẹ ngme?” Eghuo ẹẹ li, “Abi khi eri ọọ liẹ awa ke ga ilitsa eyi ẹoli oboese?”

19 Ighọ e rue iPọlu bhale owa ni a lu Aropagosi. (Owa ona eguebe ni e la ẹoli Aṭeni ẹẹ legba.) “Anye ẹ nono ni u gueyẹ anye abi oseḗ onogbọ ona o ngme.

20 Ingmehi ni u wa ngme, enegbọ e khi shi anye esọ, gueyẹ anye abi e ngme.”

* **17:18** Ẹgbọ Ẹpikuria ali iSitoiki ena, e deba oseḗ ni ẹa te ode, eyi ọ ni a lu Ẹpikuroḗ ali iZeno. Eri Ẹpikuroḗ ọọ seḗ ẹgbọ e zobẹ ni oghẹḗ o khi emini e na khu agbọ oyẹwẹ, a na ke na emini e ya pfi osoli ali ulishi na wẹ. Ẹgbọ iSitoiki e deba oseḗ ni ẹa te ode eyi iZeno, ni ọọ ogbọkpa ọ ke li agbọ oyọli abi usamhi oyọli o lama na li shi. Ogbọ khi zobẹ ni usamhi agbọ aruele okekhi oyi osoli, ni o nase ọli.

21 Irari khi ẹgbọ Ateni nya, ali epfese ni e la ọ, e ma pfuse ẹghẹghẹ-a ke ngme ingmemhi ali ke ri esọ shi owena ali ilẹse enegbọ ni e shẹ lasele ẹ gbigbi eke.

22 IPọlu ọ vule migha wẹ iteva ọ wẹ, “Emose Ateni, mhi me ẹ me khi ẹgbọ ni e mhue ulishi oyi Eshinegba a khi.

23 Irari khi abi mhi roọ kia ifuapfe eye ẹ gase mhi bino ikhumhi ebubu ni aa ga. Mhi me okula oghuo ni a keke emhi shi, ni ọọ, ‘Oyi olitsa ni aa lese.’ Emini a ga ni ẹẹ khi aa lese, mhi ya gue ingme oyọli ye ẹ ena.

24 “Eshinegba ni ọ ma agbọ ali emhikpa ni e la elemhi wẹ, loli ọ khi Onomhue oyi eke ali ukhuli ni ọa ya la Owa ugamhi ni ẹgbọ e ri abọ to.

25 Wẹkhi eri ọ nono emhikhoghuo ali ikpaghiobo oyi ẹgbọ. Itobọ khi loli ọ ri agbọ ali ayemhe ali emhikpa na ẹgbọ nya.†

26 Ogbọ oghuo ọ te ma ẹgbọ ododa na ushishi ni e la agbọ nya, Lolighuo ọ ri ẹghẹghẹ shi eke na ushishi ni e ro ya la agbọ ali khi ọ shi ughuli oyi ogbogbo nali.

27 Loli ọ ligho riele ona ini ẹgbọ e roshẹka ke nono ọli, ini e me asha ramhi ọli egbe. Ama Eshinegba ọa nuata shi onge-awa ọ.

28 ‘Loli ọ ri ekpabọ na awa la agbọ ni awa ro ọ kia, ni awa ro khi oni awa khi,’ ali khi, ‘imi ọli awa khi,’ abi ekekebe eye ẹ eghuo e li ngme ọli.

29 “Irarigho, aborokhia khi imi Eshinegba awa khi, awa khi ke roli khokho isheli ni ẹgbọ e ri eneli ri igolu ali elomho ali echẹ ma.

† 17:25 Li ze 1 Ighie 8.27; Aza 42.5; Ika 7.48

³⁰ Eḡheḡhe ni o doṣe, eri Eshineḡba o mu alo kua shi umhaleṣe oyi eḡbo. Memena o she ri omheṣe ni oḡboḡkpa ni o la ashakpa o mu nyene.

³¹ Irari khi o she shi oḡbeḡe shi eke ni o ro ya ri omose oḡhuo gue agbo kpa ezọ. Eshineḡba o she roḡhase agbo khi iḡesikia onana o khi ni o ro roṣe eghuli guise oni omose ona le.”

³² Abi e ro suo khi iPoḡu o ngme ramhi iroṣe eghuli guale, e ri oḡi i li egia, ama elese eḡ oḡi, “Anye a nono ni anye gbo suo ungmehi ona eḡeḡe.”

³³ Iḡho iPoḡu o roṣe oni ileḡba vu.

³⁴ Emose eḡhuo e deba li, e mie oḡi suo. IDionisusi ni o khi oḡhuo oni igbaa Aropagoṣi o li deba li. Iḡho li khi oḡpotso oḡhuo ni a lu iDamarisi ali eḡbo eḡhuo elese e li laḡ.

18

Abi iPoḡu o ro la iKoṣiti

¹ Abi a ro me eni ingme ena se, iPoḡu o roṣe eḡi Aṣeni vu je eḡi iKoṣiti.

² Aḡho o bhale ya e oḡi iJu oḡhuo ni a lu Akuila ni a bia shi eke iPoṣusi. Oni loḡi ali uḡhue oḡi ni a lu iPisila e leṣe roṣe eke Itili bhale, irari khi oḡhie iRomu nya ni a lu iKiladiusi o shi ushi na eḡbo iJu nya ni e la eḡi iRomu nya e lase eḡi iRomu le. IPoḡu o le ya bino we,

³ Irari khi akanya oni o ri ide eḡi okholo oḡ gbe, o nu Akuila ali iPisilia a gbe oni akanya ni ee gbe. O nu we la aḡho.

⁴ Oḡbeḡe Iyemheḡa oyi eḡbo iJu kpa o ro je owa ugamhi oyi eḡbo iJu ya nu we ku ochi ini o doḡe ri oni ungmehi lo eḡbo iJu ali eḡbo iGiriki eso.

⁵ Abi iSalasi ali iTimoti e rọ rọte eke iMasidonia bhale, iPọlu ọ ri eghẹghẹ ni ọ mhọli nya gue oni ungmehi ye ẹgbọ iJu, khi iJesu ọ khi Ọmiepfuese ni Ẹshinegba ọ shobọ khi ọ ya bhale.

⁶ Abi eni ẹgbọ iJu e rọ nu ọli khe ako ni e rọ ze emue ebe na li, ọa lama shi we ọ, ọ kpe abọ shi we ọ, Ọọ, “Mhi kpe abọ shi ẹ ọ. Ini a pfua, ẹẹ a ya mu ota sọ. Ọa khi mhemhe a ya mu ota sọ shi ọlia eyeẹ. Rọte memena vu, mhia je eke oyi ẹgbọ iJeta.”

⁷ Ọ pfi we shi aghọ vu, ọ je owa oyi ẹgbọ iJeta ni a lu iTatọsi iJositọsi ni ọọ ga Ẹshinegba, ni owa oyọli o la mama owa ugamhi oyi ẹgbọ iJu.

⁸ IKirisipusi ni ọ khi ọga shi oni owa ugamhi ali apfọli e mie Ọnọmhue suọ; ebubu ẹgbọ ni e la iKoriti ni e suọ oni usomhi e miesuọ, a batazi we.

⁹ Ẹliyosẹ eleghuo, iPọlu ọ me ime-alo ni Ọnọmhue ọ la nu ọli ngme, ọọ li, “Ulishi o khi mu ẹ, ama kie ke gue ungmehi le, khi tsaghiẹ-a.

¹⁰ Irari khi mhi nu ẹ la. Ọgbọ ọa la ọ ni ọ ya kuali ẹ utse. Irari khi mhi mhọli ebubu ẹgbọ shi ẹoli ona ni e khi ẹgbọ eyemhe.”

¹¹ Ighọ iPọlu ọ la iKoriti ukpe oghuo ali ukhukhui, ọọ sesẹ eni ẹgbọ ungmehi oyi Ẹshinegba.

¹² Abi iGalilio ọ rọ khi igovunọ ni iRomu e ze shi obini eke Akhaya, ẹgbọ iJu eghuo e kugbe mu okhọli vule shi iPọlu ọ, e mu ọli je ikọtu.

¹³ Eẹ li, “Eri ọmose ọna ọọ sesẹ ẹgbọ ode ẹgbhọli ni a te ẹ ga Ẹshinegba abi ushi oyi awa ọa ngme.”

¹⁴ Abi iPọlu ọ li i nono ni lọli ngme, ighọ iGalilio ọ nu ẹgbọ iJu ngme, ọọ, “Ini ezọ ni a lu ena o khia khi oyi umhaguẹli lọ okekhi oyi ingmobe okhọghuo lọ, mhi kha kugbe-a ri esọ shi ẹ ẹẹ ẹgbọ iJu ọ.

15 Ama abi o rọ khi ungmehi ekhako ni o la ingmehi ali eva ali ushi oyeye egho, ee-ghuo a ya so oni ingme, mhi aa ya so o.”

16 Oo a khu we ikotu ya fie.

17 E gamhi iSositenisini ni o khi oga shi owa ugamhi mu. E la odalo oni ikotu gbe oli. Ama iGalilio oa fe pfi esho shi we o.

18 IPOlu o nu eni e miesuo la iKoriti ogbele ni e bu, igho o li tse we okhila, loli ali iPisilia ali Akuila e lo oko-okoniemhi da oke oniemi je iSiria. Neni IPOlu o rote iKhenkhiria da oke oniemi, o yamhi itsu ukhomhi-a itobo ironga ni o ro nga.*

19 E ramhi Efesosi, ashini IPOlu o pfi iPisilia ali Akuila shi. O je owa ugamhi ni o nu egbo iJu ku ochi.

20 Eni egbo e o nu wewe la agho tese, ama oa lama.

21 Ochoghoho, o gueye we abi o ro o vu, oo, “Ini o da khi oghumhe oyi Eshinegba, mhi ya nyene egbe bhale deba e.” Igho o rote Efesosi lo oko-okoniemi vu da oke oniemi.

22 Abi o ro ramhi iSizeria, o te agho je iJerusalemu ya tse eni e miesuo, o ke te agho je eoli Atioki.

23 Abi o ro la agho ukuku eghenge, o te agho vu, o rote eke iGalesha ali iFirigia ya ri udu shi eni e miesuo o.

Abi Apolosi o ro la Efesosi ali iKoriti

24 Oni eghenge, omose onge iJu ni a lu Apolosi ni a bia shi Alezadira ni o khi oni o mema gue ebe, o gbo lolo lese ebe no pfuase, o bhale Efesosi.

* **18:18** Li ze iNoba 6.18

²⁵ Ọ khi ọgbọ ni a rọte eke sẹsẹ ode oyi Ọnọmhue. Ọ mholi ọmuegbe ni o fu ni ọ rọ sẹsẹ ingme oyi iJesu. Emini ọọ sẹsẹ o rọte ode igesikia. Ama osesẹ oyi iJoni Ọni ọọ batazi egbo ọ lesẹ guẹ.

²⁶ Igho ọ li la owa ugamhi oyi egbo iJu ri igbedu u ngme. Abi iPisila ali Akuila e rọ suọ emue ni o la li unu, e rue ọli ma egbe je apfe, e kuegbe-a sẹsẹ ọli ode oyi Eshinegba shi ọ egbegbo.

²⁷ Apolosi ọ roli shi udu khi lolu ya je Akhaya, eni e miesuo ni e la Efesosi e kpaghie ọli obo, e keke ebe ghi eni e miesuo ni e la Akhaya. E gueye we e kpe abo mie ọli. Abi ọ rọ ramhi akaghọ, ọ khi ikpaghiobo oniemi na eni e rọte okhale oyi Eshinegba miesuo.

²⁸ Irari khi ọ nu egbo iJu khe ako egbegbo, ọ rọ mu we ọ le. Ọ rọte Ebe-no-pfuase rokhasẹ we khi iJesu ọ khi Omiepfuese ni a shobo.

19

Abi iPolu ọ rọ la Efesosi

¹ Abi Apolosi ọ li la elemhi iKoriti, iPolu ọ rọte elemhi oni eke kia rọte ugbogbode ni o khi ute ute e dose, ọ bhale Efesosi. Agho ọ bhale ya e eni e miesuo eghuo,

² ọ mhila we, ọọ we, “Abi a rọ miesuo, a li mie Ayemhe-no-pfuase?”

Eẹ ọli, “Anye a fe suọ khi a me emini a lu Ayemhe-no-pfuase ghue.”

³ IPolu ọọ we, “Ibatizi onabi onoghuo a kpe mie?”

Eẹ ọli, “Ibatizi oyi iJoni.”

⁴ IPọlu ọọ wẹ, “Ibatizi oyi iJọni, ibatizi ona imupfi lọ. Ama ọni iJọni ọ gueye ẹgbọ iZireni e mie ọni ọ ya bhale ikpukhokho oyelue suọ, ikhi iJesu.”*

⁵ Abi e rọ suọ ona se, a ri eva oyi iJesu Ọnọmhue batazi wẹ.

⁶ IPọlu ọ ri abọ nga wẹ ukhomhi, Ayemhe-nọ-pfuase ọ tiemhile shi wẹ ọ, ee ngme emue onogbo. Egbolo o ngme ungmehi ni Eshinegba ọ rọ shi wẹ unu.

⁷ Wewẹ nya e khi emose ogbava.

⁸ IPọlu ọ lo elemhi owa ugamhi, ọ la agho iki ese, ọ ri igbedu nu eni ẹgbọ ngme. Ọ nu wẹ ku ochi, ọọ sese wẹ ni e mie shi ingme Eghiele oyi Eshinegba.

⁹ Ama eghuo ọ e khi isueso-akhue ni ẹa lama miesuọ. E la ukpeloe oni igbaa ngme ingmemhi ebe deba oni ode. Igho iPọlu ọ pfi wẹ shi agho vu, ọ rue eni e deba li je owa oyi iTiranosi. Ọ la agho nu wẹ ẹ ku ochi ingme iloghie ogbele kpa.

¹⁰ Ikpe eva ọ la agho sese wẹ, ghe ẹgbọ iJu ali ẹgbọ iGiriki ni e la eke Esha, e suọ ungmehi oyi Ọnọmhue.

Imi iSikiva

¹¹ Eshinegba ọ te obọ oyi iPọlu u gbe ikanya oshabo ododa.

¹² O ya ramhi khi ibede ali ogbene ni a rote iPọlu egbe wolọ, e ri ẹgbọ ni ẹa ze e toto, ali e khu ẹgbọ ayemhe okphaghi idiegbe ya lase.

¹³ Egbọ iJu eghuo ni ee kia ukhomhi ẹoli gase ri imajiki i khu ayemhe obe kua, e li nono ni e ri eva oyi iJesu Ọnọmhue riele abi imajiki khu ayemhe

* 19:4 Li ze iMat 3.11; iMak 1.4,7-8; iLuk 3.4,16; iJọn 1.26-27

obe. E lie, “Anye ri eva oyi iJesu ni iPọlu ọ rọ tse abọ mhẹsẹ nẹ, fiẹ lase!”

¹⁴ Imi ọga ọyi ekpodalo ugamhi ọnge iJu ọghuo ni a lu iSikiva etuoshilua, ee li ona.

¹⁵ Ighọ, oni ayemhẹ obe, ọọ wẹ, “Mhi leşẹ iJesu, mhi leşẹ iPọlu, eghuo a khi?”

¹⁶ Oni ọmọse ni ọ mhọli oni ayemhẹ obe ọghọ, ọ kpha rughu wẹ, ọ gbe wẹ kuali utse. E ri irumheba na kua.

¹⁷ Abi ẹgbọ iJu ali iJeta ni e la ekẹ Efesosi e rọ suọ emini a mẹ, ulishi oo mu wẹ. E ri ẹkpẹ na eva oyi iJesu Ọnọmhue.

¹⁸ Igbaa oyi eni e mie iJesu iKirisiti suọ e fiẹ lasele gboo, e zọnọ olamhẹ eyewẹ le nya.

¹⁹ Ebubu wẹ ni e kpe ẹ li ẹboli, e wolọ ebe ni e rọ ọ li ẹboli nya lasele toşẹ-a. Abi a rọ ta ingmẹ ni a rọ de eni ebe ni e toşẹ-a, e ya khi ẹkpa udududu.

²⁰ Ighọ ungmehi oyi Ọnọmhue oo gẹ shi ọ tşẹ, oo toto-a.

²¹ Abi a rọ mẹ ingme ena se, iPọlu ọ sa ọ khi lọli ya rọte ekẹ iMasidonia ali Akhaya dọşẹ je iJerusalemu. Ọọ eni ẹgbọ, “Mhi kha ramhi aghọ se, mhi ya rọte oobọ je ẹoli iRomu.”

²² Ighọ ọ ghie iTimoti ali Erasitosi ni e nu ọli a gbe akanya je iMasidonia. Lọli ọ la ekẹ Esha ukuku ẹghẹghẹ.

Onyaghu ni a mẹ Efesosi

²³ Oni ẹghẹghẹ, ukpokpomhi onyaghu o ya de shi ẹoli Efesosi irari osẹşẹ ni iPọlu ọọ sẹşẹ.

²⁴ Ọmọse ọghuo ọ la ọ, ni a lu iDemetiriusi ni ọọ lumhi igolu rọ rieleşe irokhokho okula oyi olitsa Atemisi. Ọ tsua oki oniẹmhi ghi eni e gbe oni akanya.

25 Igho oni omose o luno wewe nya kugbe, oo we, “A lese khi egbegbi eleli awa rote oni oki ona me.

26 Mena a she me, a gbolo suo ikanya ni iPolu oo gbe. Lori oo gueye egbo khi ilitsa ni a ri abo mama khi afue e khi. Ebubu egbo ni e la eoli Efesosi ali eke Esha nya e she mie oli suo.

27 Oki oyawa o she la okhena ni o ro o le eva obe. Ali khi ekpe oniemhi ni a ro na olitsa Atemisi ali okula oyoli o ya mele afue-a. Olitsa ona egbo ni e la eke Esha ali agbo nya ee ga.”

28 Abi eni egbo e ro suo ona, elemhi ee bi we. E ri ofu tseşe e gasę eke gbii, ee lie, “Olitsa onofune, Atemisi o khi ni anye egbo Efesosi anye ee ga.”

29 Oni okeke o gbhiaku oni eoli. Eni egbo e mu iGayusi ali Arisitakusi ni e khi engi iMasidonia ni e nu iPolu kia a gasę. E rue we bhale olele.

30 IPolu oo nono ni lori je odalo oyi oni igbaa, ama eni e miesuo ea ze oli obo.

31 Ekhemhue eghuo ni ee mhese shi oni eke ni e khi emole iPolu e li ghie usomhi ya lema li o khi bie je elemhi olele ya ri egboli khase.

32 Oni eghęghę, okeke oniemhi o de elemhi oni igba. Eghuo e kha ngme e je ola, elese e ngme e je oobo. Egbo eghuo ni e la agho ea lese emini o pfi oni ozughu.

33 Eni ee ralo na egbo iJu eghuo e tanọ Alezada abo je odalo o ka ngme na ewe. E gueye oli emini o ya ngme. Igho oni Alezada o ri abo gbe we akhiakhia. O guele emini a me.

34 Ama abi eni ebubu egbo e ro lese khi ongi iJu o khi, e ri uruli oghuo tseşe gbii, elemhi iwakati eva, ee lie, “Olitsa onofune Atemisi o khi ni anye egbo

Efesosi eę ga.”

³⁵ Ikpukhokho o, okeke-ebe oyewe o fię lasele, o ri abo gbe we akhiakhia. Oo we, “Inyoghuo-mhe egbo Efesosi, ogbokpa o lese khi awa khi eni e khekhe okula Atemasi, ali echeli oyoli ni o rote idane de tiemhile?”

³⁶ Aa me ogbokhoghuo ni o dobe ya tia onana. Itobo igho a die oili lalo ni udu oyee o pfomhe. A khi ri inyanya-dose rięle emhikhoghuo.

³⁷ Eri a muno emose ena bhale abi o rię khia khi ea rote oni owa ugamhi do ughiatu, wekhi eri e ze emuebe na olitsa ni awa a ga.

³⁸ Ini iDemetiriusi ali apfoli e mhue ogbokhoghuo ni o li we ingme, a lese khi awa mholi ikotu ali esoezo, o ka lu eni egbo ezu.

³⁹ Ama ini a me emhese ni a nono ni a ro lasele, a ze ni a la igba ni a la gue ezu so o.

⁴⁰ Irari khi ini a bino emini a me amo, awa la okhena ipfa ezu mu khi awa, awa pfi ozughu. Awa aa ya me ezu gue pfa egbe awa shi eke, irari khi awa aa mholi emini o pfi oni ozughu onana.”

⁴¹ Abi o ro ngme se, oo oni igba o ve-a.

20

IPolu o rote eke iMasidonia ali Akhaya dose

¹ Abi oni okeke o ro pfomhe, iPolu o ghie ya lu eni e miesuo. O ye we ude se, o tse we okhila. O je eke iMasidonia.

² O rote oni eke dose. O kia ri ingmemhi ni e bu ri udu shi eni e miesuo ni e la oni eke o. Ikpukhokho, o ramhi eke iGirisi.

³ O la agho iki ese. Irari khi egbo iJu e gba ugbamhi obe khe oli, abi o li nono ni loli lo oko-oke

oniemhi je iSiria, o ri ochogho mu egbe pfi rote ode iMasidonia vu.

⁴ ISopata omi iParosi ongi iBerea o deba li, li shi Aristakusi ali iSekudosi ni e khi engi iTesalonika, ghe iGayusi ali iTimoti engi iDebi, gbo li shi iTakikosi ali iTirofimosi ni e khi engi eke Esha.

⁵ Etuava ni a ngme kpukhokho enana, e je odalo ya migha khe anye obini eoli iTiroasi.

⁶ Anye rote iFilipi kia ukhomhi oko oniemhi ogbele ishe, abi a ro li ukpe ibuledi ni aa ri ifuma shi nye se. Anye bhale ya e eni e migha e khe anye eoli iTiroasi, anye la agho ogbele ishilua.

IPolu o rote eghuli guise Iyutikosi le

⁷ Ogbele nodode elemhi efo uka, anye bhale kugbe ni anye ya le eminale ni o pfuase. IPolu o nu eni egbo ngme tese irari khi o ya vu ogbeakolo. O ngme ya ramhi itsotso ogbie.

⁸ A ri igbili ni e bu ru shi elemhi owa ukhomhi atonga ni anye legba.

⁹ Ozeo oghuo ni a lu Iyutikosi o shito okele ni o la oni atonga. Ukpokpomhi olese o do li rue abi iPolu o ro ngme e tese dose. Abi iPolu o kie li i ngme, oni olese o lo oli egbe ramhi ni o ro rote ukhomhi atonga nuzi-ese de ya tiemhi eke. Abi e ro mu oli vule, o she ghua.

¹⁰ Ama iPolu o tiemhi eke, o mu oli ko elemhi, o to oli etuli, oo, "A li tsuke, ayemhe oyoli o kie lao."

¹¹ Igho, o nyene egbe nga atonga, e le eminale ni o pfuase. O nu we ngme ramhi ni ovo o ro ngale. IPolu o vu.

¹² Eni egbo e rue oni ozeo je apfe, oa mholi ikuatse okhoghuo. Onana o ri udu pfomhe we egbegbo.

IPolu o tse eni egbhali Efisha okhila

¹³ Anye lo oko-okę onięmhi je odalo ya migha khe iPolu Asosi, asha ni iPolu o te ya deba anye lo oko-okę onięmhi. Loli o mhesę ona itobọ khi awe o ro ya bhale.

¹⁴ Abi o ro bhale ya e anye shi Asosi, anye ga lo oko okę onięmhi oghuo je iMitileni.

¹⁵ Ogbeakolo, anye lo oko okę onięmhi te agho ya je iKhiosi, ogbele ni o de bali, anye rote agho da je iSamosi, ogbeakolo anye ramhi iMiletusi.

¹⁶ IPolu o nono ni loli migha eoli Efesosi itobọ ini loli khi pfuse eghęghę a shi eke Esha, irari khi inyanya o la ini loli kele ramhi iJerusalemu shi ogbele iPetikositi.

¹⁷ Eoli iMiletusi iPolu o te ghie usomhi ghi egbhali ni e la igba oyi egbo eni e miesuo ni e la eoli Efesosi e bhale ya e lue.

¹⁸ Abi e ro ramhi agho, oo we, "A lese abi mhi li nu e ngeli abi mhi ro la iteva oyeę, ro te ogbele onodode ni mhi te lo eke Esha le.

¹⁹ Rote iregbemhe-tiemhile ali amę evie mhi ro gbe ikanya eyemhe abi oni oo ga oyi Onomhue, eghęghę ni o ro ze mu mhe ni egbo iju e ro gba khe mhe.

²⁰ Ea lese khi mhi aa ri emhikhoghuo ni o ya kpaghie e obọ sheli e abi mhi ro o tse abo ali ni mhi ro o sese e elemhi igbaa ali ifuapfe.

²¹ Mhi she kpe gueye egbo iju ali egbo iJeta khi e mema a te olamhe eyewe mu pfi deba Eshinegba ni e mie iJesu Onomhue oyawa suo.

²² "Memena, ni mhi ro suo esọ na Ayemhe-no-pfuase, mhia le iJerusalemu, ni o khia khi mhi aa lese emini mhi ya me oobo.

23 Mhi lẹṣẹ khi asha kpa ni mhi je, Ayemhẹ-nọ-pfuasẹ ọ she kpẹ gueyẹ mhẹ khi owa ighumha ali anasemhẹ e migha a khẹ mhẹ.

24 Ama eri mhi leli agbọ oyemhẹ shi afuẹ, ini mhi lẹṣẹ mẹ asha gbe akanya ni iJesu Onomhūẹ ọ mhẹṣẹ na mhẹ pfo. Ikhi itsabọ usomhi onete isomhelemhi oyi Eshinegba.*

25 “Mhi she kia rọte asha je asha tse abọ ungmehi Eghiele oyi Eshinegba yẹ ẹ. Memena mhi lẹṣẹ khi ọngẹẹ, ọa kẹ tigbe ya mẹ mhẹ ghue.

26 Irarighọ, mhi gueyẹ ẹ amo khi ini ọngẹẹ ọ pfua, ọa ke la obọ oyemhẹ.

27 Irari khi ulishi ọgbọkhoghūo ọa mu mhẹ ni mhi rọ gue ungmehi oyi Eshinegba yẹ ẹ.

28 Ighọ, a ri ẹloe khu egbe ẹ, ali ọgbọkpa ni Ayemhẹ-nọ-pfuasẹ ọ rọ nga ẹ obọ. Khi ọrisumha-kia oyi igbaa oyi eni e mie iJesu iKirisiti suọ oyi Eshinegba ni ọ ri ọlia eyọli dẹ.

29 Mhi lẹṣẹ khi ini mhi da vu se, ẹgbọ ni e kholọ abi ekpẹ ali idumhi e ya lo ẹ iteva le, ẹa ya zẹ eni isumha obọ khi ẹa kuali wẹ utse.

30 Eghẹghẹ o ya ramhi ni ẹgbọ eghuo elemhi ẹ e rọ ya ri ingmemhi ẹgbhūẹ di eni e miesuọ, e rue iteva oyẹẹ lasele.

31 Irarighọ, a ri ẹloe shi ọ, a gbo sato khi elemhi ikpe esẹ mhi aa tigbe yemhẹ-a itse agua ye ẹ, shi ẹlẹ ọguota ghe ẹliyoṣẹ, elemhi eviẹ.

32 “Memena, mhi rẹ ẹ nga Eshinegba obọ, ali ungmehi isomhelemhi oyọli, ni o ya rẹ ẹ fu shi irudunga, ni o ya rẹ ẹ mhọli ugu ni eni Eshinegba ọ she khuṣẹ pfuasẹ e ya mhọli.

* 20:24 Li zẹ 2 iTimo 4.7

³³ Mhi aa dọ ọgbọkhoghuo ọkọnyọ ẹlomho ali igolu wẹkhi ode oyọli.

³⁴ Ẹẹ a lẹsẹ khi abọ eyemhẹ ena mhi rọ gbe akanya rọ dẹ emini mhẹmhẹ ali eni e nu mhẹ kia ẹẹ nono kpa.

³⁵ Elemhi emini mhi riẹlẹ kpa, mhi rọkhasẹ ẹ khi awa mema ya ri akanya igbegbe onana kpaghiẹ eni ẹa mholi obọ. A sato ungmemhi oyi iJesu Onomhūẹ, ni ọọ, 'Ikhivọsẹ o la irọna dọsẹ imiemie.'

³⁶ Abi iPọlu ọ rọ ngme se, lọli ali ẹwẹ e wugha, ọ sọ iromhi.

³⁷ Ee viẹ abi e li i tşẹ ọli okhila, e mu ọli, ni e pfipfi ọli egbe.

³⁸ Oni o lolo ri egbe pfọ wẹ-a khi oni ọ gueyẹ wẹ khi ẹa kẹ tigbe ya mẹ luẹ ghue. Ighọ e kphase ọli ya lo ọkọ-okẹ oniẹmhi.

21

IPọlu ọ vu iJerusalẹmu

¹ Anye tşẹ wẹ okhila se, anye kia okẹ oniẹmhi talala a je ẹoli iKọsi. Ogbeakọlọ anye je ekẹ iRodisi, anye rọte aghọ je ẹoli iPatara.

² Anye lo ọkọ-okẹ oniẹmhi ni oo je ekẹ iFonisha, ighọ anye lo ọ vu.

³ Anye nise alo mẹ iSapurosi, anye rọte ukiẹkiẹ ọgobọ ini a sọ alo ghue obini ovọ o te ẹ lo eko. Anye je ekẹ iSiria. Anye migha ẹoli iTai, aghọ ọkọ oyi anye o la tiese itsua shi ekẹ.

⁴ Anye mẹ ẹgbọ eni e miesuọ eghuo, anye nu wẹ la aghọ ogbeleş ishilua. Ayemhẹ-nọ-pfuasẹ ọ gueyẹ wẹ iPọlu ọ khi je ekẹ iJerusalẹmu.

⁵ Anye nu wẹ la agho ramhi egheghe ni anye nu wẹ ya la akagho ramhi se, anye rue okiali eke. Igbaa oyi eni e mie iJesu iKirisiti suo nya ali ighuwe ali imiwe e kphase anye fiẹ lasele oni eoli, anye ramhi eseso oke oniemi, anye wugha so iromhi.

⁶ Anye tse egbe okhila se, anye ya lo oko-oke, wewe e nyene egbe ukhokho, e je apfe.

⁷ Anye rote iTai vu, anye bhale iTolemasi. Anye la agho tse eni e miesuo, anye nu wẹ la agho ogbeleghuo.

⁸ Anye vu ogbeakolo, anye ramhi iSizeria. Anye kushi owa oyi iFilipu oni o kia gue ungmehi oyi Eshinegba le, ni o khi oghuo egbo oshilua ni a la iJerusalemu ze.*

⁹ O mholi eniye imueshi aane ni ea ye ughue ne, ni e me eke e guele.

¹⁰ Abi anye ro la agho ogbele ni e bu, omekeguele ni a lu Agabusi o rote eke iJudia bhale.†

¹¹ Igho o rue ugbhogbho ni a ro o mu oku oyi iPolu. O roli gono egbo ali awe. Oo, "Ayemhen-pfuase oo khi, 'Ina egbo iJu ni e la iJerusalemu e li ya ge oni o mholi ugbhogbho ona, e mu oli na egbo iJeta.'"

¹² Abi anye ro suo ona, anye ali egbo elese ni e la agho, anye lema iPolu o khi je iJerusalemu.

¹³ Ama iPolu oo, "Elo o ze ni a ro o vie, ni a ro o yese mhe udu-a. Aa khi eri mhi lese mu egbe ni a ro ya ge mhe tse, ama mhi ga mu egbe ni mhi ro ya ghu-a shi iJerusalemu, irari eva oyi iJesu Onomhue."

* **21:8** Li ze Ika 6.5; 8.5 † **21:10** Li ze Ika 11.28

14 Abi anye aa rọ doḅe zu ọli ode, anye yemhe-a, anye ẹ ọli, “O ka tse abi o ghole Onomhue.”

15 Onana o doṣe se, anye mu egbe, anye nga iJerusalemu.

16 Eniye odukhokho eghuo ni e la iSizeria, e kphase anye, e ri anye bhale owa oyi iMinaso, ni ọ khi ọngi iSapurosi ni ọ khi ọghuo eni e kpe todode miesuo.

Abi iPolu ọ rọ ramhi iJerusalemu

17 Abi anye rọ ramhi iJerusalemu, eni e miesuo e kpe abo mie anye egbegbo.

18 Ogbeakolo iPolu ali anye enekpole anye ya me ijemhisi, eni egbhali eni e miesuo nya e li la agho.

19 IPolu ọ tse we, ọ kuegbe-a gueye we ikanya ni Eshinegba ọ gbe shi iteva oyi egbo iJeta rote akanya oyi Eshinegba ni ọọ gbe.

20 Abi e rọ suo ingmemhi ni iPolu ọ ngme se, e kueghie Eshinegba. Igho ẹ iPolu, “Inyoghuo, wa a me egbo agbele-agbele eyi iJu ni e mie iJesu suo, we we nya e mholi omuegbe shi iri ushi gbe akanya.

21 E she kpe suo khi eri u wa sese egbo iJu nya e tsua Ishi eyi iMosisi kua, khi u we e khi shele imi we-a ali e khi ke deba ighuighue eyi egbo iJu.

22 Se awa ya li, irari khi e mema ya suo khi u she bhale.

23 Ina anye nono u li, emose aane e nu anye la ana ni e she ro nga.

24 Rue emose ena, ni a ga ya ri ele ikhue-pfuase. U gbo fali ota na we ni a ro ya ta we itsu-a. Ishegho, ogbokpa ọ ya lese khi egbhali a kie me, khi u ri Ishi eyi iMosisi ẹ gbe akanya.‡

‡ 21:24 Li ze iNoba 6.13-21

²⁵ Ama anye she ri ebe ghi ẹgbọ iJeta eni e miesuọ rọ gueye wẹ abi anye ngme, khi e ti egbe eminale ni a rọ luase obo le, ali e khi ke da ọlia ali e khi le ẹlamhi ni aa fa uruli, ali e lase itsebo ikuku le.”§

²⁶ Ogbeakolo, iPolu o rue eni emose, e ga ya rieḽe ikhue-pfuase. Igho o je Owa Oyi Eshinegba ya gueye wẹ ogbeḽe ni oni ikhue-pfuase o ya pfo ali emini a rọ ya rieḽe iluasobo na ogbogbo.

A mu iPolu

²⁷ Abi eni ogbeḽe ishilua e rọ ya gba, ẹgbọ iJu eghuo ni e rọte ekẹ Esha bhale e me iPolu elemhi Owa Oyi Eshinegba. E tanọ shi eni ebubu ẹgbọ elemhi, e mu iPolu.

²⁸ E tseḽe leghe, ẹḽi, “Egbọ iZireni, a kpaghie anye obo. Eri oni omose ona o kia seḽe ẹgbọ ashakpa, mu okhọli vule shi ẹgbọ eyawa o, ali ishi eyawa ali Owa Oyi Eshinegba onana. Oa khi ena tse, o she gbo rue ẹgbọ iGiriki lo Owa oyi Eshinegba oyawa ya ri ichimhi mu asha ni o pfuase onana.”

²⁹ (Eri e ngme ona itobo khi e me iTirofimosi ongi Efesosi ali iPolu ifuapfe, e dabi khi o she roli lo Owa Oyi Eshinegba.)*

³⁰ Onyaghu o lo oni ifuapfe nya le, eni ẹgbọ e rọte ashakhasha na a bhale. E mu iPolu, e rọte oni Owa oyi Eshinegba ti ọli lasele, aghoaghọ, e so okpe ode nya.

³¹ Abi eni ẹgbọ e li nono ni wewe gbe ọli-a, oni ingme o ramhi esọ oyi oni oḽo mhesẹ na ekhọli-okhue eyi iRomu khi edeli iJerusalemu nya o la onyaghu oniemi.

§ 21:25 Li ze Ika 15.29 * 21:29 Li ze Ika 20.4

³² Eloawẹ eloawẹ, ọ wolo ekhọli-okhue ma egbe e na tiemhi deba eni ebubu egbo. Abi eni ẹ nyaghu egho e ro me ọli ali eni ekhọli-okhue, e mu mhue, ẹ a ke gbe iPolu.

³³ Oni ọ mhese na ekhọli-okhue ogho ọ mu iPolu, ọ e ri iweghe eva ge ọli. O mhila eni egbo oni ọ khi ali emini ọ li.

³⁴ Egbo eghuo ni e la oni igba ee tseşe, ogbogbo ọ ngme oyoli. Abi oni oga okhọli-okhue ogho ọa ro lese emini ee ngme, ọọ a mu iPolu ya shi apfe ekhọli-okhue.

³⁵ Abi e ro ramhi unu owa, eni ekhọli-okhue e mu iPolu tsua irari khi eni ẹ domhi ọli e bu dose.

³⁶ Igho e li kpikpi deba li, ee tseşe gbii, e lie, “A gbe ọli-a, a gbe ọli-a.”

IPolu ọ pfa egbo shi eke

³⁷ Abi eni ekhọli-okhue e li mu iPolu lo apfe eyi ekhọli-okhue, ọọ oga oyewe, “Mhia nono ni mhi nu ẹ ngme?”

Oni oga ọọ li, “U gue ẹ ngme emhi iGiriki?”

³⁸ “Oa khi yeye u khi ongi ijipiti ni ọ ke gba onyaghu eke le? Ni u wolo egbo agbele ene ni ee gbolo ekhọli-okhue eyi iRomu-a, ni u rue we je odagbe ifufu ya mu we egbe shi onyaghu?”

³⁹ IPolu ọ so li ọ, ọọ li, “Ongi iJu ni a bia shi ẹoli iTasosi ni o la eke iSilisha mhi khi. Omọ eke ẹoli ni o mu ẹloe. Kpekpe ze mhe nu eni egbo ena ngme.”

⁴⁰ Abi oga oyi ekhọli-okhue ọ ro ri oni eghẹghẹ na li, iPolu ọ migha atete unu ode, ọ ri abo nu we ngme e tsaghiẹ-a. Abi e ro tsaghiẹ-a, iPolu ọ ri emhi Iburu nu we ẹ ngme.

22

¹ “Inyoghuo-mhẹ ali itamhẹ ni a mu ekpẹ ẹ na, a ri esọ shi ekẹ ni a suọ ẹzọ ni mhi ya gue pfa egbemhẹ shi ekẹ ena.”

² Abi e suọ khi ọ nu wẹ ngme ẹlẹmhi Iburu, e ga lolo tsaghie-a.

Ighọ iPọlu ọọ,

³ “Ọngi iJu mhi khi, ni a bia shi ẹoli iTasọsi ni o la ekẹ iSilisha. Ẹoli iJerusalemu ona mhi la fu vule. Ayi iGamaliẹ a la sẹsẹ mhẹ egbegbọ abi a liẹ deba ishi eyi ititawa. Eri mhi mhọli ọmuegbe shi ingme oyi Ẹshinegba egbegbọ ẹzẹzẹ abi ẹẹ a ke li ogbe na amo.*

⁴ Eri mhi mu okhọli vule shi ẹgbọ ni e rọte Ode oyi Onomhue ọ, ramhi ni mhi rọ gbolo eghuo-a. Mhi mu emose ali ikpotso kulo owa ighumha.

⁵ Okpeda na ekpodalo-ugamhi eyi Ẹshinegba ali enighie e ya pfi ọtsele shi ọ khi igesikia mhia ngme. Mhi mie wẹ ebe ghi eni eralo na ẹgbọ iJu ni e la iDamasikọsi, ni mhi rọ ya ri iwẹghẹ shi eni e miesuọ ni e la oobọ abọ, ni mhi muno wẹ je iJerusalemu ya nase.†

IPọlu ọ guele abi loli li mupfi

(Ika 9.1-19; 26.12-18)

⁶ “Eleghuo khi mhi i lẹ iDamasikọsi, itsotso ọguota khi mhi lesẹ ti ramhi oni ẹoli, ákpá ni o lolo gẹ nyanyanya o rọte irarogbe mi nga mhẹ egbe udemhija.

⁷ Ighọ mhi de ya gbe, mhi suọ khi uruli ọọ mhẹ, ‘ISọlu! ISọlu! Elo e zẹ ni u rọ mu okhọli vule shi mhẹ ọ?’

* 22:3 Li zẹ Ika 5.34-39 † 22:5 Li zẹ Ika 8.3; 26.9-11

⁸ “Mhi mhila li, ‘Ọghuo u khi, Ọnọmhue?’

“Ọọ mhe, ‘Mhemhe khi iJesu ọnge iNazareti ni u mu okhọli vule shi ọ.’

⁹ Emose ni e nu mhe kia, e me oni akpa, ama ea suọ uruli ni o nu mhe ngme.

¹⁰ “Mhi mhila li, ‘Elo mhi ya rieḷe, Ọnọmhue?’

“Ọnọmhue ọọ mhe, ‘Vule ni u lo elemhi ẹoli iDamasikosi, a ya la agho gueye emini a mhesẹ ne nya ni u ya rieḷe.’

¹¹ Mhi ze alo itobo ugemhi akpa ni o mi nga mhe alo. Eni anye ga kia e ke mu mhe obo lo elemhi ẹoli iDamasikosi.

¹² “Omose oghuo o la agho ni a lu Ananayasi. Oni o ga ugamhi, ni o ri ushi e gbe akanya o khi. Egbọ iju nya e mu ekpe a na li.

¹³ Loli o bhale ya migha mama mhe, ni ọọ, ‘Inyoghuo-mhe iSolu, alo eye e khueghie-a,’ utoghuo kpe, alo eyemhe e khueghie-a, mhi me eke me ọli.

¹⁴ “Ọọ mhe, ‘Eshinegba oyi ititawa o she ze kee, ni u lese oghuemhe oyoli, ni u me Oni o suọ esọ na Eshinegba, ni o ri unu oyoli nu e ngme.

¹⁵ Irari khi u ya khi otsele oyoli, ni u ke ngme emini u suọ ali ni u gbo ri alo me, gueye egbọ nya.

¹⁶ Memena, elo u ke migha khe? Vule ni mhi batazi e, ni a gbe olamhe eye kua ne, rote eva oyi Onọmhue.’

¹⁷ “Agho mhi te mu egbe pfi je ẹoli iJerusalemu. Abi mhi ro la Owa Oyi Eshinegba lema, mhi me ime-alo,

¹⁸ igho mhi me Onọmhue, o gueye mhe, ‘Nyanya rote ẹoli iJerusalemu vu, itobo khi eni egbọ ena, ea ya mie shi otsele oye ni u ya pfi na mhe.’

19 “Mhiẹ ọli, ‘Onomhufe, eni egbo ena e ga lese khi mhemhe mhi kia kia owa ugamhi muno egbo ni e mie e suo kulo owa ighumha, mhi gbe we egbegbo.

20 Ali, ele ni e gbe iSitivini-a ni o li khi otsese, mhemhe mhi la agho, mhii mie obo shi oni eghuli, mhi ri eloe khu itsua na eni e tono ọli eche gbe-a.’‡

21 “Oni Onomhufe oo mhe, ‘Ke le, mhi ya ghie e je odonue ghi egbo ijeta.’ ”

IPolu omọ-ekẹ iRomu

22 Eni ebubu egbo e ku eso-a na iPolu kie ramhi ana ni o ro ngme na, igho e li tsesẹ leghe, ee li, “A mu ọli vu, A gbe ọli-a. Ona ọa ke khi oni ọọ la agbo!”

23 E tsesẹ, ee pfi ide idane wiliwili, e yalo ifufu ku nga idane.

24 Oni ọọ mhese na ekhọli-okhue, ọọ a rue iPolu lo apfe oyi ekhọli-okhue. Ọọ we, e gbe ọli ite ni e mhila li ini e lese emini o ze khi egbo iJu e lina a tsesẹ ku ọli.

25 Ama abi e ro ge iPolu, ni wewe e gbe ọli, iPolu o mhila oni ọga oyi okhọli-okhue ni o migha agho, “Ushi o lama a shi o u gbe omọ ekẹ iRomu itali ini aa me umhaguẹli ọli obo ne?” 26 Abi oni ọga oyi okhọli-okhue o ro suo ona, o le ya gueye oni ọọ mhese na we ni o kpada na li. Ọọ, “Gue kia e, see u wa li ena? Omose ona omọ-ekẹ iRomu o khi e.”

27 Igho oni ọọ mhese na we o le deba iPolu o mhila li, “Mhiẹ i, omọ-ekẹ iRomu u khi?”

IPolu ọọ, “Ii, omọ-ekẹ mhi khi.”

28 Oni ọọ mhese na ekhọli-okhue ọọ, “Omọ-ekẹ ni mhemhe mhi khi, ikpokpomhi ikpagho mhi fali ro mie ebe ro khi omọ ekẹ.”

‡ 22:20 Li ze Ika 7.58

IPọlu ọọ, “Ama mhemhe oyemhe, ọngi iRomu a bia mhe.”

²⁹ Eloawe-eloawe, eni ekhọli-okhue ni e nono ni wewe e mhila iPọlu ingme unu, e ti egbe je ukhokho, abi oni ọọ mhesẹ na ekhọli-okhue ọ rọ lesẹ khi ọngi iRomu iPọlu ọ khi, ulishi oo mu ọli, irari khi ọ she gueye we e ri iweghe shi ọli abo, e gbe ọli.

Abi a rọ rue iPọlu bhale odalo oyi iSaḍiri

³⁰ Ogbeakọlọ, oni ọọ mhesẹ na ekhọli-okhue ọọ nono ni lọli lesẹ emini egbo iju e nu iPọlu ẹ gue, ọ taghie iPọlu iweghe-a. Ọ gueye ighie eyi ekpodalougamhi ali iSaḍiri e legba. Ọ rue iPọlu bhale ya migha odalo oyewe.

23

¹ IPọlu ọ bino oni igbaa iSaḍiri tatata, ọọ we, “Inyoghuo-mhe, mhi she rọte udu onete oyemhe nya gbe akanya oyemhe pfo na Eshinegba ya ramhi amo.”

² Abi ọ rọ ngme ona, Ọga oyi ekpodalo ugamhi ni a lu Ananayasi ọọ eni e ti mama iPọlu e lase ọli unu.

³ IPọlu ọọ li, “Eshinegba ọ ya ri emhi lie, yeye ugbe ni a ri etseli gboloa. Yeye u shito agho a gue mhe ezọ egbe-a, ama yeye oye u gbe ushi-a abi u li ri unu bhale a ri emhi li mhe.”*

⁴ Eni e ti mama iPọlu ẹ ọli, “Ú ga gbudu ri unu a ghi ọga oyi ekpodalo ugamhi eyi Eshinegba?”

⁵ IPọlu ọọ we, “Inyoghuo-mhe, mhi aa lesẹ khi lọli ọ khi ọga oyi ekpodalo ugamhi eyi Eshinegba! A

* **23:3** Li zẹ iMat 23.27-28

keke ọli shi ebe-no-pfuase, ‘Khi gbudu ngme onobe oyi ọni ọ mhesẹ na ẹgbọ eye.’ ”†

6 Abi iPolu ọ rọ lese khi eghuo eni ẹgbọ khi iSadusi e khi, eni e kpọle e khi iFarisi, ọ la oni igbaa ngme lasele leghe, ọọ, “Inyoghuo-mhe, otu iFarisi mhi la, mhi gbo khi omi iFarisi. Eri a la ana a gue mhe ẹzọ itobọ khi mhi mhọli irudushọ khi eni e ghu-a e ya gbo guale.”‡

7 Abi ọ li ngme ona se, uwola o de ni otu iFarisi ali otu iSadusi, oni igbaa o kemhi.

8 (Irari khi otu iSadusi ẹa lama shi ọ khi ẹgbọ e ya rọte eghuli guale, ẹa gbo lama khi igeni ali iyemhe e la ọ, ama otu iFarisi e lama shi enana nya.)§

9 Ukpokpomhi okeke o de, esese Ishi eyi iMosisi eghuo ni e khi otu iFarisi e vule e khe akọ ni o toto, ẹẹ li, “Anye aa me emhikhoghuo obọ oyi omose ọna,” e gbolo ẹ, “Ini o fe khi-a khi ayemhe, o ke khi ageni ọ nu ọli ngme?”

10 Oni ekhako ọ pfuse toto-a shọ, ulishi o mu ọni ọga ọyi ekhọli-okhue khi e tigbe khere iPolu-a. Igho ọ mhesẹ na eni ekhọli-okhue e tiemhi ya ri itoto mie we iPolu obọ ni e rọli bhale apfe oyi eni ekhọli-okhue.

11 Ele iyose ni oo deba li, Onomhue ọ migha mama iPolu, ọọ li, “Mhue igbedu! Abi u li la iJerusalemu pfi otsese na mhe, igho u li mema ya li pfi otsese na mhe ẹoli iRomu.”

Ugbamhi igbe-a ni a gba khe iPolu

† 23:5 Li ze Okiali 22.28 ‡ 23:6 Li ze Ika 26.5; iFili 3.5 § 23:8 Li ze iMat 22.23; iMak 12.18; iLuk 20.27

12 Ogbeakolo, egbo iJu eghuo e ya mhesẹ kugbe, e romhi isheli khi wẹwẹ ẹa ya le eminale wẹkhi eri wẹwẹ e ya da amẹ, ini ẹa li gbe iPolu-a.

13 Egbo ni e gba ugbamhi onana, e dọsẹ egbo egbhueva.

14 E lẹ deba oga oyi ekpodalo ugamhi eyi Eshinegba ali eni egbhali, ẹ li, “Anye she romhi ukpokpomhi isheli khi anye aa ya le emhikhoghuo sẹ khi anye gbe iPolu-a.

15 Memena, yeyẹ ali igbaa iSaẹdiri a keke ebe ghi oga oyi ekhọli-okhue, a liẹ khi a nono ni a lolo suọ oni ingme bie. Anye mu egbe ni anye rọ ya gbe ọli-neni a rọli ya ramhi ana.”

16 Ama abi omọ omose ni o khi omi inyoghuo iPolu oni okpotso o rọ suọ oni ugbamhi, o je oni apfe ekhọli-okhue ya gueye iPolu.

17 Igho iPolu o lu oga oyi ekhọli-okhue oghuo, oo, “Rue ozeo ona ghi oni oo mhesẹ na ẹ, o mhọli emini o ya gueye ọli.”

18 Igho o rue ọli ghi oni oo mhesẹ na wẹ.

O li, “IPolu ni a mu shi igha oo mhi rue ozeo ona ghi ẹ, itobọ khi o mhọli emini o ya gueye.”

19 Oni oo mhesẹ ogho, o mu oni ozeo obo, e ti je olase, o mhila li, “Elo wa nono ni u gueye mhe?”

20 Oo li, “Egbo iJu e she gba li khi wẹwẹ e ya ghie ghi ẹ akọ, ni u rue iPolu bhale odalo oyi iSaẹdiri khi ẹẹ nono ni e te unu oyọli suọ oni ingme bie.

21 Khi lama shi wẹ o, itobọ khi e bu dọsẹ egbo egbhueva ni e kpe ode khe ọli. E she romhi ishe khi wẹwẹ ẹa ya le, wẹkhi eri wẹwẹ e ya da ini wẹwẹ ẹa li gbe iPolu-a. E migha a khe ni e suọ emini u ya so shi emini e mhila ẹ ena.”

22 Oni ọọ mhẹsẹ na eni ekhọli-okhue ọ gueye ọli, ọọ, “Khi gueye ọgbọ ọkhọghuo khi u she gueye mhe.” Oọ li ọ ke le.

A rue iPolu te agho je ọli iSizeria

23 Igho oni ọ mhẹsẹ ọgho ọ lu ega ekhọli-okhue aava eyọli, ọ mhẹsẹ na we, ọọ we, “A wolọ ekhọli-okhue egbhuegbe, ali eni ẹ nga ichi egbhuesẹ ali ogbe, ali epfi-ote egbhuegbe ni a ke le iSizeria agogo itili amiọsẹ.

24 A ri achi na iPolu nga ni a roli je oobọ ini emhikhoghuo e khi li ọli, ni a rue ọli ghi iFẹlisi ni ọ khi igovunọ.”

25 O lina keke ebe na we.

26 Mhemhe iKiladiusi iLisiasi mhi keke ebe onana ghie:

Yeye igovunọ iFẹlisi ni a mu ekpe ẹ na,

Mhia tse.

27 Egbọ iJu e mu omose ona, e nono ni wewe e gbe ọli-a. Ama eri mhi ri ekhọli-okhue eyemhe bhale ya pfa li shi eke irari khi mhi suọ khi omọ-ekẹ iRomu ọ khi.

28 Mhi i nono ni mhi lese emini e ze ni e ro gue ezọ ọ shi ọli egbe, mhi rue ọli je igbaa iSađiri oyewe.

29 Mhi bhale ya ẹ khi ezọ ingme ishi eyewe e ro nali i gue, ama ọa mhue emini ọ li ni abi a gbe ọli-a shi, wekhi imuoli shi ọgba igha.

30 Abi a ro gueye mhe ugbamhi ni e gba khe oni omose, mhi ro nyanya rue ọli ghi ẹ, mhi gbo gueye eni e gue ezọ a shi ọli egbe e bhale deba ẹ ni e guele emini ọ li.

³¹ Oni ẹliyosẹ ẹlẹgho, eni ekhọli-okhue e rue iPọlu mhọli obọ vu, abi a li mhẹsẹ ọli na wẹ, e ramhi Atipatirisi.

³² Ogbeakọlọ, eni ekhọli-okhue e rọli na eni e nga ichi ni e rue ọli kie ke lẹ, wẹwẹ e nyenẹ egbe ukhokho je apfẹ ekhọli-okhue oyewẹ.

³³ Abi eni e nga ichi egho e rọ ramhi ẹoli iSizeria, e rue oni ebe na ọni igovunọ iFẹlisi, e rue iPọlu na li.

³⁴ Oni igovunọ o zẹ oni ebe, o mhila iPọlu ukiẹkiẹ obini o khi. Abi o rọ bhale ya lẹsẹ khi eke iSilisha o te bhale,

³⁵ ọọ, “Mhi ya suọ ẹzọ oye ini eni e gue ẹzọ shi ẹ egbe e ramhi ana.” Igho o mhẹsẹ a ri iPọlu nga ekhe-khe obọ ni e la agbala oyi Erodu.

24

Ẹzọ ni iPọlu o gue odalo oyi iFẹlisi

¹ Abi ogbele ishe e rọ dọsẹ, Oga oyi ekpodalo ugamhi ni a lu Ananayasi o je iSizeria, loli ali egbhali eghuo ali iloya ni a lu iTatulọsi. E bhale odalo oyi igovunọ ni a lu iFẹlisi ni e ya gue ẹzọ shi iPọlu egbe.

² Abi a rọ lu iPọlu bhale, iTatulọsi o gue ẹzọ oyọli shi eke khasẹ iFẹlisi: Ọọ, “Ireloe-khu oye o she ri anye mhọli opfomhẹ ali emhi enegbọ ukhomhi eke ona.

³ Ashakhasha ali odekhode anye te ẹ kuẹghie ẹ, anye ẹ nono ni anye kphẹmhi nẹ shi ona, yeyẹ iFẹlisi oghie.

⁴ Ini anye khi pfuse ẹ ẹghẹghẹ-a, mhi lema ẹ u kpekpẹ u ku esọ-a shi anye eke ukuku ẹghẹghẹ.

⁵ “Eri anye mẹ omose ona shi ogbọ ingme, ni o tsua okhọli ẹ lasele ke tanọ ẹgbọ iju ni e la eke agbọ

nya, e ke pfi onyaghu ali umha-sueso. Loli o ralo na egbo otu iNazarini

⁶ O gbolo o nono ni loli ri ichimhi mu Owa oyi Eshinegba, loli anye ro gba li mu. [Anye e nono ni anye gue oli ezọ abi ushi oyanye o ngme.

⁷ Ama iLisiasi oni o mhesẹ na ekholi-okhue, o bhale ya ri itoto ti anye lue abo mie rue vu.

⁸ Oo eni e me umha-gueli oyi omose ona e bhale odalo oye.] Ini u mhila omose onana ogbo u ya me igesikia ni o la ezọ ni anye gue shi oli egbe ena.”

⁹ Eni egbo iJu ni e la agho e kugbe lama shi ezọ ni a gue shi eke, khi igesikia lo.

¹⁰ Abi oni igovunọ o ri obọ nu iPolu ngme o gue shi oli o.

IPolu oo, “Mhi lese khi ikpe ni e bu u te la ukhomhi eoli ona a so ezọ, itobo ona egbe e mu mhe ni mhi ro migha odalo oye ya gue ezọ pfa egbemhe shi eke.

¹¹ Abi u kie kpe lese, amo o gbe ele igbeva ni mhi ro je iJerusalemu ni mhi ya ga ugamhi.

¹² Egbo iJu ni e gue ezọ shi mhe egbe ea bhale ya e mhe shi elemhi Owa Oyi Eshinegba khi mhi nu ogbokhoghuo e khe ako, wekhi eri mhi la owa ugamhi, wekhi ifuapfe ashikhoghuo tanọ ebubu egbo abo shi onyaghu.

¹³ Ea mholi abi e li dobe ro ya migha pfi otsese shi ezọ ni e gue shi mhe egbe khi igesikia lo.

¹⁴ Mhi lama shi o khi, eri mhia ga Eshinegba oyi eni e bia awa, mhi khi oni o rote oni Ode ona, ni ee khi egbholi o khi. Ama mhi mie shi Ushi oyi iMosisi ali emini a keke shi ebe eyi emekeguele.

15 Mhi miesuo abi egbo enana e li miesuo, khi Eshinegba o ya rote eghuli guise ogbo nya le, ghe eni e gue ngeli ghe ena okholo.

16 Irarigho mhi ro roshaka, emini mhia riela nya, ini udu ni oo gue ogbo ezọ oyemhe o pfuase shi odalo oyi Eshinegba ali ogbo.

17 “O she gba ikpe eni e bu abi mhi te lase eoli iJerusalemu le. Eri mhi jele agho ni mhi ya rue ikpagho ghi egbo ni ea mhue ali ni mhi ri isomhopfa ghi Eshinegba.

18 Emini mhii riela na ni e ro bhale ya e mhe shi Owa oyi Eshinegba abi mhi la ipfuase abi ushi o ngme. Egbo ekhoghuo ea le gashe mhe, wekhi eri a me onyaghu.*

19 Ama egbo iJu eghuo ni e rote eke Esha bhale e ga li la akagho. E kha bhale odalo oye e ya gue ezọ oyewe, ini e mholi emini e ya gue shi mhe egbe.

20 Okekhi emose ni e la akana ena, a mhila we e guele umhagueli ni e gue shi mhe egbe abi a ro rue mhe bhale odalo iSaediri.

21 Ama emhi oghuo mhi la akpewe tseshe ngme khi, ‘Eri a gue mhe ezọ itobo khi mhi mie sho khi eni e ghu-a e ya gbo guale bhale agbo.’ †

22 Igho iFelisi ni o ga lolo lese emhi oni Ode ona, oo, a yemhe oni ezọ-a ne. Oo, “Ini iLisiasi oni o mhese na ekholi-okhue o da bhale mhi ro ya so e oni ingme.”

23 O gueye oga ekholi-okhue ogho o lolo ri eloe shi iPolu egbe, ama e ze oli pfi efo-a ukuku. E ze ni emole oli e ke bhale ya tse oli ali ni e ke ri emini o nono bhale ghi oli.

* 24:18 Li ze Ika 21.17-28 † 24:21 Li ze Ika 23.6

IPọlu ọ bhale odalo oyi iFẹlisi ali iDurusila

²⁴ Abi ikuku ogbele e ro dose se, iFẹlisi ọ tsua ughue ọli ni a lu iDurusila ni ọ khi ọngi iJu ma egbe bhale. Ọ ghie ya lu iPọlu, ọ ri esọ shi eke suọ abi iPọlu ọ li ngme ungmehi irudunga ni o la iJesu iKirisiti.

²⁵ Ama abi iPọlu ọ li ngme ungmehi igue-ngeli, ali ikuegbe-a ali isọ-ẹzọ oyi Eshinegba ni ọ bhale, ulishi oo mu iFẹlisi, ọọ, “Osomhi ghọ ne! Ke vu. Mhi ya ghie lu ẹ ini mhi ke me asha.”

²⁶ Oni eghẹghẹ ọ dabi khi iPọlu ọ ya vi ufa na lue, itobọ ighọ ọ ro kele ẹ ghie lu ọli, ọ bhale ni wewe e ngme.

²⁷ Abi ikpe eva e ro dose, iPoshusi iFesitosi ọ ke khi igovunọ ni iFẹlisi ọ kpe khi. Ama itobọ khi iFẹlisi ọ nono ni lolu gue riẹle ti egbo iJu eloe, ọ ze iPọlu obọ shi owa ighumha.

25

IPọlu ọ bhale odalo oyi iFesitosi

¹ A lie amo o li ele ese abi iFesitosi ọ te khi igovunọ, ọ rote ẹoli iSizeria nga ẹoli iJerusalemu.

² Oobọ ighie eyi ekpodalo-ugamhi ali enighie eyi egbo iJu e la gue ezọ shi iPọlu egbe.

³ E nyanya lema iFesitosi ọ rue iPọlu je iJerusalemu ni ọ roli kpaghie ewe obọ. Irari khi e she gba khi ewe e ya kpe ode gbe iPọlu-a ini ẹ ẹ le.

⁴ IFesitosi ọọ we, “A she ri iPọlu shi owa ighumha obini ẹoli iSizeria, mhemhe mhi ya nyene egbe kele je oobọ.

⁵ A ze ni eni ẹ ẹ ralo na ẹ e deba mhe je iSizeria ya gue ezọ shi oni omose egbe, ini o khia khi eri ọ lue.”

6 Ogbele elele ya ramhi ogbele igbe iFesitosi o nu we la agho, ni o ro kia tiemhi eoli iSizeria. Ogbeakolo o khueghie ikotu-a, oo a rue iPolu bhale odalo oyelu.

7 Abi iPolu o ro bhale, egbo iJu ni e rote iJerusalemu bhale e migha gaso oli, e gue ezọ ni o toto shi oli egbe, ama ea dobe to eni ezọ migha.

8 Ama iPolu o gue ezọ pfa egboli shi eke, oo, "Mhi aa riele emhikhoghuo ni o da ushi oyi egbo iJu, wekhi Owa Oyi Eshinegba, wekhi eri mhi lue na iSiza iRomu."

9 Ama iFesitosi o nono ni lolu riele oghuemhe oyi egbo iJu, igho o mhila iPolu, "O ghole e ni a rue e je iJerusalemu, ni a la agho gue ezọ oye ukpelo mhe?"

10 IPolu oo, "Iye. Ikotu oyi iSiza ni a kha mema la gue ezọ oyemhe mhi la ena. Mhi aa mholi onobe ni mhi li egbo iJu ni yeye u lese gboo.

11 Ini o khia khi mhi lue nabi a gbe ogbo-a shi, mhi mu egbe ni mhi ro ya ghua. Ama o kha da khia khi ezọ ni egbo iJu ena e gue e shi mhe egbe khi egboli lo, ogbokhoghuo oa dobe ya rue mhe na we. Irarigho, mhi lema a ze ni iSiza lueghuo o remhe gue oni ezọ ona."

12 IFesitosi o ri eni e nu oli e so ezọ ye ochi se, oo iPolu, "U she lema a rue ezọ ona je ayi iSiza ya gue, ayi iSiza u mema ya je."

IPolu o migha odalo oyi Agiripa ali iBenisi

13 Ogbele ingme-na e dose, oghie Agiripa ali iBenisi e bhale eke iSizeria ni e ya tse iFesitosi.

14 Aborokhia khi e la akagho ogbele ebubu, iFesitosi o gue ingme oyi iPolu ye oni oghie, oo,

“Omose oghuo o la owa ighumha shi ana ni iFelisi ni o kpe khi igovuno o ze obo shi agho.

¹⁵ Abi mhi ro ye iJerusalemu, ighie eyi ekpodalougamhi ali egbhali eyi egbo iJu e tsua ezọ bhale ya gue shi oli egbe, ee mhi pfa ezọ igbe-a mu oli.

¹⁶ “Ama mhi gueye we khi awa egbo iRomu awa aa ya pfa ezọ mu ogbo ni a gue ezọ shi egbe, ini ogbo a ri egheghẹ nali gue shi ezọ ni a gue shi oli egbe ne.

¹⁷ Abi e ro deba mhe bhale ana, mhi nyanya shi oni ezọ shi ogbeakolo, mhi shito elemhi ikotu, mhi e lu oni omose bhale.

¹⁸ Abi eni ee gue ezọ shi oli egbe e ro vule ngme, ea gue ezọ umhagueli ni mhi dabi khi e ya gue.

¹⁹ Ochoghọ ezọ ekhako tse e lese me gue shi oli egbe, ni o khi ingme oyi ugamhi oyewe, ali ekhako ni o khi ingme oyi omose ni a lu iJesusu, ni o ghua, ni iPolu o khi o kie la agbo.

²⁰ Mhi aa lese abi mhi li ya tonọ udi oni ingme onana. Mhi ri irarigho mhila li ini o nono ni a rue oli je iJerusalemu ya gue eni ezọ ni a gue e shi oli egbe enana, oobọ.

²¹ Ama iPolu o lema a kie mu lue shi igha ne, ni a ri oni ingme ghi iSiza ni o so o. Irarigho mhi ro lie a ro oli shi owa ighumha ramhi ni mhi ro ya rue oli ghi iSiza.”

²² Igho Agiripa o gueye iFesitosi, oo li, “Mhi kha nono ni mhemhe-ghuo ni mhi li ri esọ suọ ungemhi oyi oni omose.” IFesitosi oo li, “U ya suọ oli ako.”

²³ Ogbeakolo, a ri ebola kphase Agiripa ali iBenisi lo elemhi ikotu le. Ega ekhali-okhue ni e lolo fu, ali egbo eniemhi ni e la oni eoli e deba li lo. IFesitosi o ghie ya rue iPolu bhale.

24 IFesitōsi ọọ, “oghie Agiripa ali ẹgbọ ni e la ana nya, a bino ọmọse ọna. Ẹgbọ iju ni e la ana ali iJerusalemu ali iSizeria e she bhale deba mhe, ẹẹ tseṣe a khi ke zẹ ni ọ la agbọ.

25 Mhi me khi ọa li emhikhoghuo onabi a ya gbe ọli-a shi, ama abi ọ rọ da lema a rue luẹ ghi Oghie iRomu nya egho, mhi ya rue ọli je iRomu.

26 Ama mhi aa me ingme nabi mhi kha keke shi ọli egbe ghi Oghie iRomu nya. Irarigho, mhi rọ rue ọli bhale ghi ẹ ẹẹ nya, yeye oghie Agiripa kpaashi, ni a bhale ya ẹ khi ini a bino oni ingme se, otse mhi ya me emini mhi ya keke shi ọli egbe.

27 Irari khi mhia sa khi o gbe akanya ni a rọ rue oni a mu shi igha ke ghi Oghie iRomu nya, ini aa me ushi okhoghuo keke shi ọli egbe gboo.”

26

IPolu ọ pfa egbọli shi eke odalo Agiripa

1 Igho Agiripa ọọ iPolu, “A she lama ne u ngme na egbe e.” Igho iPolu ọ tsua obọ eke, ọ bele ẹ gue ẹzọ, ọọ,

2 “Agiripa ni oghie, mhi me egbe mhe shi oni ọ me afa ni mhi rọ migha odalo oye amo, ni mhi rọ ọ gue ẹzọ pfa egbe mhe shi eke shi ingme nya ni ẹgbọ iju e gue shi mhe egbe.

3 Oo guẹ ti gba irari khi u ga lese imu eyi ẹgbọ iju nya ali emini e mie shi. Irarigho, mhi lolo leme u mhọli irabomudu na mhe ni mhi ngme.

4 “Ẹgbọ iju nya e lese abi mhi laọ shi abi mhi te khi ọmọ, rọte igbaekele agbọ oyemhe obini ushishi ẹgbọ iju eyemhe ali ẹoli iJerusalemu.

5 Ode o she nuẹ ni e te lese mhe, e ya dobe pfi ọtsele shi ọ ini o ghole we, khi abi ugamhi oyawa o

ngme khi eri mhi mhọli ọmuegbe egbegbo shi ọ abi ọna otu iFarisi ni mhi khi.*

⁶ Ama mena, itobọ khi mhi mhọli iregbeda shi emini Ẹshinẹgba ọ shi na itita awa mhi rọ migha shi imufe amo.

⁷ Ona o khi ishobọ ni unuẹkpẹ igbeva eyawa e migha a khe, abi e li roshẹka a ga Ẹshinẹgba ghe ẹleogwota ali ẹle iyose. Oghie, irari oni iregbeda onana egbo iju e gue ezọ shi mhe egbe ẹ shi.

⁸ Elo e ze ni a rọ lama shio khi Ẹshinẹgba ọ dobe ẹ guise oni ọ ghu-a le?

⁹ “Mhemhe mhi kpẹ mhọli ọli shi udu khi eri o ye ni mhi mu okhọli vule shi oni eva oyi iJesu ọngi iNazarẹti ọ.

¹⁰ Igho mhi li i riele ọli obini ẹoli iJerusalemu. Irari afu ni oga oyi ekpodalo ugamhi eyi Ẹshinẹgba ọ rọ na mhe, mhi muno ebubu eni e miesuo shi owa ighumha, abi a rọ ọ gbolo we-a, mhii mie obo shi ọ.

¹¹ Ebubu eghẹghẹ mhi te owa ugamhi je owa ugamhi ya nase we, mhi gbolo ri ajilimhe rewe ngme ungmehi ipfiunu-a deba Ẹshinẹgba. Irari elemhi we ni e bi mhe. Mhi gbolo je ẹoli oboese ya mu okhọli vule shi we ọ.†

*IPolu ọ guele abi loli li mupfi
(Ika 9.1-19; 22.6-16)*

¹² “Eleghuo mhi i le ẹoli iDamasikosi, rote afu ali omhese ni oga oyi ekpodalo ugamhi eyi Ẹshinẹgba ọ rọ na mhe.

* **26:5** Li ze Ika 23.6; iFili 3.5 † **26:11** Li ze Ika 8.3; 22.4-5

13 Itsotso oḡuota o mu eke, oghie, abi mhi la ode, mhi me khi ákpá ni o ge dọse ovọ o rọte idane mi gase mhe ali eni anye ga kia.

14 Anye nya, anye de eke, igho mhi suo khi uruli o nu mhe ngme emhi Iburu, ọọ, 'ISolu, iSolu, elo o ze ni u ro mu okhọli vule e shi mhe o, ọoyeghe wa li ini u nu mhe e khọli.'

15 "Igho mhi mhila, 'Oghuo u khi Onomhue?'

"Oo mhe, 'Mhemhe iJesu lo ni u mu okhọli vule shi o.'

16 'Memena, vule migha. Mhi she ri egbe mhe khasẹ irari khi mhi she ze shi oni ọọ ga mhe ali ni u ke pfi otsẹ ọyemhe shi emini u ri ukpẹloe oye mhe, ali emini mhi ya rokhasẹ okhesẹ.

17 Mhi ya tsumhi e obọ oyi egbo eye ali obọ oyi egbo iJeta. Mhi ghie e ghi we,

18 ni u khueghie we alo-a, ni u mu we pfi lase alo ebili le bhale ákpá, ali u rue we ekpabọ eyi okphaghie lasele bhale deba Eshinegba, ni a gbe olamhe kua na we, ali ni e kugbe egbo eyi Eshinegba eni e pfuase o, itobo irudunga ni e mhọli na mhe.'

19 "Irarigho, oghie Agiripa, mhia ro ri ukpẹloe gbe eke ni mhi rọte iloghie me.

20 Mhi kpe te odode gue ọli ye egbo iDamasikosi, mhi ke gbo gue ọli ye egbo iJerusalemu ali egbo ni e la eke iJudia nya ali egbo iJeta. Mhi roli tse abo, e lase olamhe le ni e mupfi deba Eshinegba, e rokhasẹ khi wewe e she mu nyene rọte ikanya ebe eyewe lasele.‡

21 Ona o ze ni egbo iju e ro bamhe rue Owa Oyi Eshinegba ni e ro roshẹka ini wewe e gbe mhe-a.

‡ 26:20 Li ze Ika 9.20,28-29

²² Ama mhi she mhọli ikpaghiobo oyi Eshinegba ramhi ogbe na amo, ali mena mhi migha akana a pfi ọtsele ye ogbo onofune ali onikeke abeghuo. Mhi aa ngme dose emini emekeguele ali iMosisi e khi a ya me,

²³ khi oni Omiepfuese ni a shobo khi o o bhale o ya me osue, ali khi loli ni o kpe te odode rote eghuli guale khi o ya ri akpa ru na egbo eyoli ali egbo ijeta.”§

²⁴ Abi iPolu o ro ngme ramhi ana, iFesitosi o mu oli migha, o o li, “Eri waa ke lese emini u wa li? Ebe ni u ze dose e she ri ujili e kphe.”

²⁵ IPolu o o li, “Ujili oa kpha mhe, iFesitosi ogbegbedu, emini mhia ngme egbegbingme lo ni o tsua egbhali.

²⁶ Oghie Agiripa o ga lese eni ingme enana nya, emhikhoghuo ena, e lase oli egbhali-a irari khi aa ri ele we osheli. Ona o ze khi mhi ga dobe nu oli a ngme oni ingme ona gboo.

²⁷ Oghie Agiripa, u fe mieshi emini emekeguele e ngme? Mhi lese khi u mie sho o.”

²⁸ Igho Agiripa o o iPolu, “Eri u dabi khi u dobe ya ri oni ukuku eghenge ona ti mhe ni u remhe mele oni o miesuo-a?”

²⁹ IPolu o o li, “O kele, o tese oo, mhi lema Eshinegba o khi khi yeye-ghuo tse, ama li shi ogbokpa ni o ri eso shi mhe eke ogbenamo, ni e li abi mhi li, ini a da ri obo rue iwenge ni e lamhe abo ena o le.”

³⁰ Igho oni oghie o vule, li shi oni igovuno ali iBenisi ali eni e nu we shito.

§ 26:23 Li ze Aza 42.6; 49.6; 1 iKori 15.20

³¹ E rọte oni agbala vu, ee ngme, eẹ, “Ọmọse ona ọa li ingme ni a ya gbe ọli-a shi wẹkhi oni a rọ ọ mu ọli shi owa ighumha.”

³² Agiripa ọọ iFesitọsi, “Áá kha wolọ ọmọse ọna abọ-a ini ọa she lema a ri oni ingme je ayi iSiza lọ.”

27

A rue iPọlu je iRomu

¹ Abi e rọ lama shi ọ, anye lo ọkọ-okẹ oniẹmhi je Itili, e rue iPọlu ali ighumha ni e kpọle mhọli obo oyi ọga ekhọli-okhue ni a lu iJuliọsi, ni ọ khi ọghuo ọyi ekhọli-okhue eyi Oghie iRomu nya, ni a zẹ ọda ke.

² Anye lo ọkọ-okẹ oniẹmhi rọte Adiramitiọmu, ikhi ọkọ-okẹ ni o ya kia migha ikpe eghuo ni ọkọ-okẹ eẹ migha, ni e la epfepfe okẹ ni e la eke Esha. Arisitakusi ni ọ khi ọngi iMasidonia ọ nu anye kia.

³ Ogbeakọlọ anye migha iSidoni. IJuliọsi ọ mhọli isomhelemhi na iPọlu, ọ zẹ ọli obo ya me emọle ọli, ni e ri emini ọọ nono na li.

⁴ Anye ke gbo rọte aghọ mu oni ọkọ nga, anye rọte odane ukiẹkiẹ eke ni okẹ oniẹmhi o khi shi ni a lu iSapurọsi irari khi akpekpeli oo nase anye.

⁵ Abi anye rọ gua ọkọ ọ da je ọdada iSilisha ali iPafilia, anye migha ẹli iMara na eke iLisia.

⁶ Aghọ oni ọga ekhọli-okhue ọ te me ọkọ-okẹ oniẹmhi oyi ẹli Alezadira ni oo je Itili, ọ ri anye lo ọ.

⁷ Anye e kia fiẹ, ogbele ebubu, anye mhọli ọmunu neni anye ramhi iKinidusi. Abi akpekpeli ọa rọ zẹ anye rọte ashini anye kha rọte, anye gua ọkọ-okẹ je ukiẹkiẹ eke ni okẹ oniẹmhi o khi shi iKireti ni o sọ alo ghue ẹli iSalimọ.

⁸ Anye mhōli ọmunu rōte oni oke oniēmhi. Ikpukhokho, anye bhale ashini ọkọ-oke ẹẹ migha ni a lui ọpfomhẹgbe ni o ti mama ẹoli iLasia.

⁹ Ẹghẹghẹ o she pfu anye-a. Oni okiali o de shi ẹghẹghẹ ni a rọ lẹsẹ pfi azumhi se, ni o khi ẹghẹghẹ ni okhẹna o la la okiali na ukhomhi oke oniēmhi. Igho iPọlu ọ tse agua ye wẹ, ọọ wẹ,

¹⁰ “Emose, mhi she mẹ khi okiali oyawa o ya khi okhẹna ali khi o ya ri ukpokpomhi opfu ghi oni ọkọ ali itsua ni o tsua ali agbọ oyawa.”

¹¹ Ama, ocho ni ọni ọga ekhōli-okhue ọ kha rọ ri esọ shi emini iPọlu ọ ngme, ọ deba abi ọni ọ gua oni ọkọ ọ ngme ali emini ọni ọ mhōli oni ọkọ ọ ngme.

¹² Aborokhia khi ashini anye migha ọa ya ti egbe ẹghẹghẹ oruẹ; ebubu ẹgbọ e yemhẹ anye gua ke lẹ, e dabi khi anye ya ramhi ẹoli iFonisi, ni anye la agho ẹghẹghẹ oruẹ. Agho ọkọ oke eniēmhi nya ẹẹ migha yemhẹ-a. Eke ni oke oniēmhi o khishi ni a lu iKireti ni ọ sọ alo ghue obini ovọ o te ẹ lo eko o khi.

Akpekpeli oniēmhi

¹³ Abi akpekpeli oke o rọ ri ọfiẹ rōte ukiẹkiẹ ọgobo ọ pfiolo, eni emose e dabi khi okiali o ya zẹ wẹ kia ke je odalo, igho e leli uli ali akhuli ni a rọ gba ọkọ ọọ zu. Ee kia esesọ oni oke oniēmhi na iKireti.

¹⁴ Ama o li dẹnẹ, akpekpeli oniēmhi, o li rōte ukiẹkiẹ obita ini a sọ alo ghue obini ovọ o te ẹ tiēmhi eko pfiolo rōte oni eke ni o la iteva oke oniēmhi i dọsẹ.

¹⁵ Oni akpekpeli o tsua rughu ọkọ-oke oyanye, ọa dobẹ ke kia je obini akpekpeli o te pfiolo o bhale. O

lọṣe anye. Anye bie zẹ ọli obọ na akpekpeli lọlighuo oo tsua.

16 Anye kia rọte ukiẹkiẹ ukuku eke ni o la iteva oke oniemi ni a lu iKauda, ikhi ukiẹkiẹ obini oni akpekpeli ọa ri egbe ramhi. Irọshẹka anye rọ dobe tialọ ọkọ onikeke ni a rọ ọ tsumhi ẹgbọ lo elemhi oni ọkọ-oke oniemi.

17 Abi eni emọse e rọ tialọ li lo se, e ri ili ge oni ọkọ-oke oniemi gasẹ, ini eni ili e dobe mu ọli mhue toto. Irari khi ee na ulishi ini oni ọkọ o ya gbe aye shi ugbe eke, ni o la egele eke iLibiya, ni o sọ alo ghue wẹ. Ighọ e gbaghiẹ ode na kpishi oyi oni ọkọ-a, irari khi ẹa bie ke mhue abi e ya li ọ. Isheghọ ni oni akpekpeli o bie tsua wẹ ke le.

18 Oni akpekpeli o kie ri itoto tsua oni ọkọ-oke ramhi ogbeakọlọ, ramhi ni, eni emọse e rọ tino itsua ni e tsua shi oni ọkọ ọ pfino kulo oni oke.

19 Ogbeakọlọ e pfino ikhuli ni oni ọkọ o rọ ọ gbe akanya kulo oni oke.

20 Aborokhia khi ogbele ebubu ni e dose khi anye a ri ọloe ti ovọ wẹkhi ukpetata, ni oni akpekpeli o kiele rọ ri itoto o pfiolo, anye a ke ri udu shi ọ khi anye me ode ni anye te ya pfue ọ.

21 Abi eni emọse ẹa rọ le eminale ogbele ebubu, iPolu ọ vule, ọ wẹ, “Emọse a kha suọ ude ni mhi ye ẹ lọ, a kha migha iKireti, Eghẹghẹ aghọ, a kha tsumhi egbe ẹ oyese onana ali opfu.

22 Ama mena mhi gueye ẹ a mhọli udu, itobọ khi ọngeẹ ọkhoghuo ọa ya pfua se ni oni ọkọ.

23 Ooyose aḡeni oyi Eshinegba ni ọ mhọli mhe ali ni mhi a ga ọ migha mama mhe,

24 ọọ mhe, ‘Khi zẹ ni ulishi o muẹ, iPolu. U mema ya migha ẹzọ odalo oyi iSiza ali khi Eshinegba ọ she

rọte ilẹlemhi ri agbọ oyi eni a ga kia mholi ẹ obo.’

²⁵ Irarigho, a mu igbedu oye mholi, emose, irari khi mhi mhuẹ irudunga khi Eshinegba o ya riẹle ọli abi o gueye mhe.

²⁶ Ama oko oyawa o mema ya gbe aye shi ugbe eke okhoghwo ni o la iteva oke oniemi, o tigbe migha.”

Oni oko o de ya khere-a

²⁷ Eliyose elenuzi-igbene, akpekpeli o kie tsua anye e kiakia oke oniemi Adiriatiki. Itsotso ogbie, o li eni ee gbe akanya oni oko eloe abine khi e she ti e mama eke.

²⁸ E mhesẹ oni oke bino, e me khi ilimhi oyoli o khi ete-awẹ egbhuesesa. O gbo li denẹ, e gbo mhesẹ ọli, o ke khi ete-awẹ egbhue ali igbe.

²⁹ Ulishi o mu we khi oni oko o ya gbe aye shi eche, e rọte ukhokho pfi ikhuli ene ni a ro a mu oko o gbashi lo oni oke oniemi, ee so iromhi ogbe o gbe a.

³⁰ Eni e la oni oko o gbe akanya e dua abi e li me asha a na kua. Ee tiese ukuku oko ni e tialo lole egho nga oke oniemi, abine khi eri e nono ni e rọte odalo ya pfi ikhuli lo oke oniemi.

³¹ Ama iPolu oo oni oga ekholi-okhue ali eni ekholi-okhue, “Ini emose enana ea li la elemhi oni oko, ongee, o ya pfue o.”

³² Igho eni ekholi-okhue e pfa uli ni o mu oni oko onikeke mhue-a. E ze ọli de tiemi elemhi oke.

³³ Neni ogbe o maghie-a, iPolu o lema we nya e le eminale. Oo we, “O she ramhi ogbele igbene ni udu o ke te sheshe e, ni a le eminale kpe.

34 Mena mhia lema ẹ, a le eminale. A lemhi ini a nono ni a kie doḅe la agḅo, A lemhi khi emhikhoghūo ọa ya li ọngẹe.”

35 Abi ọ rọ ngme na se, ọ rue ibulẹdi lasele, o kphemhi na Ẹshinegba ukpẹloe wẹ nya, ọ khi ọli-a, ọọ le.

36 Wẹwẹ nya e mhọli udu, e le eminale.

37 Anye nya ni anye la oni ọkọ, ẹgbọ egbhuegbese ali ogbasasa 276 anye khi.

38 Abi e rọ ga le eminale se abi e nono, e tino ikpulu ikpamhi emhi ni e tsua kulo okẹ oniẹmhi, ini oni ọkọ o kpẹ li fuẹ.

Oni ọkọ okẹ oniẹmhi ọ kulue

39 Abi ogbe o rọ gbe-a se, eni ẹẹ gua oni ọkọ ẹa ke leṣe egele okẹ oniẹmhi bie, ama e mẹ ashini ekhashe e kpi gbili shi. Agho e ke bie rọli shi udu khi wẹwẹ e ya gua oni ọkọ ya migha ini o zẹ wẹ ẹ rieḷe.

40 Igho e pfanọ eni ili ni e mu ukpokpomhi akhuli ni o mu ọkọ-okẹ oniẹmhi ẹ gbashi kulo udi okẹ oniẹmhi. Eghẹghẹ agho e taghiẹ uli ni a rọ mu emini a rọ mu oni ọkọ ukhomhi ẹ nyene-a. E taghiẹ ugbakpi oyi oni ọkọ-a nga idane, ni e doḅe ramhi ashini e nono.

41 Ama oni ọkọ-okẹ o ya tọ aye sọ ugbe ekẹ ni o la elemhi okẹ oniẹmhi, o migha, akpekpeli o kie ri itoto o li, o tṣẹkẹ udi oni ọkọ-a.

42 Eni ekhọli-okhue ee gba abi e li ya gbolo eni ighumha nya a, ini e ya gua okẹ ramhi egele ni e na vu.

43 Ama ọni ọga ekhọli-okhue, ọọ nono abi lọli li ya tsumhi iPọlu, ọa zẹ wẹ rieḷe emini e gba. Ochoghọ

ọ gueye eni e gue ẹ gua oke e kpe danọ kulo oke ni e ramhi egele.

⁴⁴ Eni e kpole nya e mu ikiękie ẹera mhue okekhi izaga oyi oni oko-okẹ. Igho wewe nya e ramhi ekekhe emhikhoghuo ọa li we.

28

Eke ni a lui iMota

¹ Abi anye ro ri epfua-epfua ramhi egele se, anye bhale ya ẹ khi iMota a lu oni eke ni o la iteva oke oniemi.

² Egbọ ni e ngeli oni eke e somhelemhi anye ode ni anye aa sa shi. E pfi avuerẹ ro mu anye epfese irari khi eri amẹ oo rue, ogbe o pfo.

³ IPolu ọ ya nu iguagha ẹera, ọ rewe kpe eni erali, igho enye afue ọ te eni iguagha lasele ya tsako shi iPolu obọ, itobo khi erali e she base ọli.

⁴ Abi egbo ni e la oni eke ee me khi oni enye ọ ngomhi iPolu obọ, e gueye egbe, ẹẹ, “Omose ọna, ogbo ugbeli ni ọ gbolo egbo-a ọ fe khi memena. Aa me khi abi ọ ririę na pfue eghuli oke oniemi, odeba oyi iguezọ ọa kie ze ọli obọ ni ọ la agbo.”

⁵ Ama iPolu ọ kpishi oni enye pfilo elemhi erali. Ingomhi ni oni enye ọ ngomhi ọli, ọa li ọli abikhoghuo.

⁶ E migha ri eloe shi eke ẹ khe abi ọ li ya fumhi, okekhi abi ọ li ya fiagbe eke ghua. Ama abi e ro khe ọli ramhi ni ẹa ro me khi emhikhoghuo e li ọli, e mu udu pfi, ẹẹ khi olitsa ọ khi.

⁷ Epfe-agho iPolubiliọsi ni ọ khi ogbo igometi oyi oni eke ni oke oniemi o khi shi, ọ mhọli apfe shi. Ọ

rue anye je apfe oyoli, o feli anye epfese egbegbo ogbele ese.

⁸ Ita iPobiliosi o yeshi i ghua, iba ali ukpokpomhi elemhi ofu e to oli. IPolu o lo elemhi owa ya so iromhi na li, o ri abo nga li egbe, o roli ze.

⁹ Abi a ro me gho se, egbo elese ni e ghua ni e la oni eke ni oke oniemhi o khishi e bhale, a rewe ze.

¹⁰ Eni egbo e lolo mu ekpe na anye, e somhi anye opfa. Abi anye ro ya lo oko-oke oniemhi ke vu, e wolo itsua ododa ni e to anye na anye.

Rote eoli iMota je iRomu

¹¹ Abi o ro gbe iki ese dose, anye lo oko-oke oniemhi ni o migha agho khe ni orue o dose. Eoli Alezadira oni oko o te e bhale, isheli itsema iKasito ali iPolukisi a lu oni oko.

¹² Anye ramhi eoli iSirakusi, anye la agho ele ese.

¹³ Anye rote agho kia oke-oniemhi ramhi eoli iRegiumu. Ogbeakolo, akpekpeli o rote ukiekie ogobo ini a so alo ghue obini ovo o te e lo eko e pfiolo. Ogbele onuzi-eva, anye lo eoli iPuteoli.

¹⁴ Anye ya e eni e miesuo ni ee anye nu wewe la agho elemhi efo uka oghuo. Anye rote agho vu, anye ramhi iRomu.

¹⁵ Igbaa oyi eni e mie iJesu iKirisiti suo ni e la iRomu e she suo khi anye e bhale. Igho eni e miesuo eghuo e bhale ya lu anye ode, e kia ramhi Oki Apiosi ali Owa Ese ni a ku e shi. Abi iPolu o ro me we, o tse Eshinegba uwegbe, o ri udu shi oli o.

IPolu o la elemhi iRomu tse abo

¹⁶ Abi anye ro ramhi iRomu, a ze ni iPolu lolighuo o la owa ni o ghole o, a ze okholi-okhue oghuo o ri ukpeloe ke khu oli.

17 Abi o rọ gba ẹlẹ esẹ doṣe, iPọlu ọ lu eni e ralo na ẹgbọ iju shi ilona. Abi e rọ bhale shi oni ilona, ọọ wẹ, “Inyoghwo-mhẹ, mhi aa li ẹgbọ eyawa emhikhoghwo wẹkhi eri mhi gbe ushi ni eni e bia awa, e rọ nga awa obọ-a, ni e rọ la iJerusalemu mu mhẹ, rue mhẹ na igomẹti iRomu.

18 Abi e rọ gue mhẹ ẹzọ egbe-a se, e nono abi wẹwẹ e liẹ rue mhẹ obọ-a, itobọ khi mhia lue, ni a ya gbe mhẹ-a shi.

19 Ama abi ẹgbọ iJu ẹa rọ lama shi ọ, lolu mhi rọ lema a tsua oni ẹzọ bhale odalo oyi iSiza. Oa khi eri mhi mhue emini mhi bhale ya gue shi ẹgbọ eyemhẹ egbe.*

20 Onana o zẹ khi mhiẹ a bhale ni awa ngme. Itobọ irudushi ni ẹgbọ iZireni e mhọli a rọ ri iwẹghe shi mhẹ awẹ ena.”

21 Ẹ ọli, “Anye a mẹ ebe okhoghwo ni a kẹkẹ ingme oye shi, rọte eke iJudia bhale, ghi anye, wẹkhi inyoghwo awa ni e rọte oobọ bhale e gue ingme oye okhoghwo ni ọa ti ye anye.

22 Ama anye ẹ nono ni anye suọ unu oye, itobọ khi ashakpa ẹgbọ e la ngme onobe shi oni otu onogbọ ona.”

23 Igho e shi ogbele na iPọlu. Ebubu ẹgbọ e bhale asha ni iPọlu ọ la oni ogbele. Rọte ẹlẹ uzogbe ya ramhi ẹliyose iPọlu ọ te gue ungmehi oyi Eghiele oyi Ẹshinegba ye wẹ. O rọte ebe Ushi oyi iMosisi ali eyi Emekeguele rọli lo wẹ esọ ini e lama mie iJesu suọ.

24 Ingmehi ni ọ ngme e lo ẹgbọ eghuo esọ, ama ẹgbọ eghuo ẹa mie shi ọli ọ.

* 28:19 Li zẹ Ika 25.11

25 Igho e li nu egbe e khako, e vu, abi iPolu o ro ngme ungmehi ona ni o kpoli ukhokho unu se ni o, “Ayemhe-no-pfuase o she kpe rote unu oyi Azaya omekeguele gueye eni e bia awa:

26 “Le deba egbo ena
ni u gueye we,
“A ya ri eso shi eke khue,
ama o a ya tigbe lo e eso,
a feli ofeli khue,
ama aa me emhikhoghuo.”

27 Udu oyewe o bi obili-a,
eso eyewe e zuse,
e gbo gueise alo.
Ini o a khi igho lo,
e kha ri alo eyewe ke me eke,
e ri eso eyewe e suo,
udu oyewe o kha mholi ilosingme,
e kha mu pfi bhale deba mhe,
mhi rewe ze.†

28 “Irarigho, mhia nono ni a lese khi imiepfuese oyi Eshinegba khi a she roli ghi egbo iJeta. E ya ri eso shi o!”

29 [Abi o ro ngme oni ungmehi ona se, eni egbo iJu e vu, e nu egbewe khako ni o toto.]

30 Ikpe eva gbada iPolu o la owa ni lolighuo o ngmomhi shi. Agho o la a mu egbo ni e bhale ya feli oli epfese.

31 Igbe-udu ni o mhu e ya, o ro o gue ungmehi Eghiele oyi Eshinegba le, o gbolo sese egbo ingme eyi iJesu iKirisiti Onomhu e, emhikhoghuo o a zu oli ode.

† 28:27 Li ze Aza 6.9-10

Ebe-No-Pfuase Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

03be06b0-68fd-500b-b9a9-6bca4b63979a